




甲午中日戰爭紀要



3-054-0878-0

宣
637.86
729

早午中日战导纪录

806.11

1册

甲午中日戰爭紀要


參謀本部第二廳第六處編

全



中華民國二十四年五月印

(1935)



3 0544 0874 9

甲午中日戰爭紀要


凡例

- 一、本編紀述前清光緒二十年甲午中日戰爭之經過。自當年朝鮮事變起。至翌年三月烟台換約止。
- 二、本編各項記載。悉偏重于軍事。其攸關政治外交事項。概紀其大要。
- 三、本編雖以年月爲編次。仍紀事體之始末。俾易瞭然。
- 四、是役在前清光緒年間。當時係用陰歷。故本編記載時日。亦沿用陰歷。
- 五、本編係參考中外各籍。鈎稽檔案。卷帙雖無多。內容與坊間刊佈者。損益互異。
- 六、此役爲中日強弱隆替之關鍵。故凡用兵之方法。勝敗之原因。均力求詳實。藉資研究。用爲儆惕。

甲午中日戰爭紀要凡例

甲午中日戰爭作戰地一覽圖

甲午中日戰爭作戰地圖一覽圖



甲午中日戰爭紀要目錄

第一章 戰爭之起因

第一節 遠因

第二節 近因

第二章 戰前一般之形勢

第一節 中國方面

第二節 日本方面

第三節 朝鮮方面

第三章 戰前中日兩國在朝鮮之兵力

第一節 中國在朝鮮之兵力

第二節 日本在朝鮮之兵力

第四章 戰爭開始

第一節 豐島附近日本海軍之襲擊

2
6287.86
729

第二節 日本陸軍之進攻成歎

第五章 中日宣戰及各國之態度

第一節 中國之宣戰

第二節 日本之宣戰

第三節 各國之態度

第六章 中日兩國之作戰方略

第一節 日本軍之作戰方略及其計畫

第二節 中國軍之作戰方略

第七章 平壤之役

第一節 日本軍之冬季作戰方針及其計畫

第二節 中國軍之態勢及作戰計畫

第三節 中國軍在平壤之防禦部署

第四節 平壤戰鬪之經過

第五節 中國軍退守九連城

第八章 黃海之役

第一節 戰前中日兩國海軍之行動

第二節 黃海海戰兩國海軍之兵力

第一款 中國海軍參與黃海戰之兵力

第二款 日本海軍參與黃海戰之兵力

第三款 參戰之兩國軍艦勢力比較

第三節 黃海戰之開始

第四節 黃海戰之經過

第九章 黃海及平壤戰後中國軍之總方略

第一節 對於前線之佈置

第二節 與敵持久之方略

第十章 鴨綠江之役

第一節 日本軍之作戰指導

第二節 中日兩軍在鴨綠江畔之攻防

第一款 中國軍之防禦部署

第二款 日本軍之攻擊部署

第三節 鴨綠江畔戰鬪之經過

第十一章 遼東半島東北地區諸役

第一節 鴨綠江畔戰後中日兩軍之佈置

第一款 中國檄調援軍向奉天遼陽間集中

第二款 日本軍之準備冬營

第二節 岫巖及賽馬集之戰鬪

第三節 樊家台及草河附近之戰鬪

第四節 陡嶺子及土門嶺之戰鬪

第五節 寬甸及長甸之戰鬪

第十二章 旅順之役

第一節 日本第二軍之編成及作戰計畫

第二節 中國軍在金州防守情形

第三節 金州之戰鬪

第四節 大連灣之戰鬪

第五節 旅順形勢及中國軍之守備

第六節 日本軍攻擊旅順之計畫

第七節 旅順之戰鬪經過

第十三章 日軍佔領金旅後中國軍之佈防

第一節 遼河平原之防堵計畫

第二節 山海關之防禦計畫

第十四章 遼河平原諸役

第一節 析木城之戰以至日本軍之佔領海城

第二節 缸瓦寨之戰鬪

第三節 蓋平之戰鬪

第四節 蓋平戰後中國軍對遼東作戰之指導

第五節 中國軍四次反攻海城

第六節 太平山之戰鬪

第七節 海城日本軍之出擊

第八節 日本軍之襲擊牛莊

第九節 日本軍之進佔營口

第十節 田莊台之戰鬪

第十五章 山東半島之役

第一節 山東形勢及威海衛之守備

第二節 戰前山東之兵力及開始籌防

第三節 中國軍之佈防及作戰計畫

第四節 日本軍在榮城灣之上陸

第五節 中國軍對榮城灣上陸日軍之防堵

第六節 威海衛戰鬪之經過

第七節 中國北洋海軍之覆沒

第十六章 議和

第一節 和議之醞釀及頓挫

第二節 馬關議和

第三節 和約之簽定及烟台換約

甲午中日戰爭紀要 目錄

甲午中日戰爭紀要


第一章 戰爭之起因

第一節 遠因

中日甲午之役。起於朝鮮。究其遠因。乃由日本欲厚殖勢力於朝鮮。不得不先開朝鮮使脫離中國之宗屬。故日朝所訂條約。悉以尊重朝鮮獨立爲言。及光緒十一年。(日本明治十八年)天津約成。中國在朝鮮之地位。因以墜落。顧中國向居上國。對日本侵略之謀。義難漠視。且鑒於已往之放任。亦亟欲有以補救。遂任陳樹棠爲駐朝商務總辦。統理朝鮮通商交涉事宜。并任袁世凱爲商務委員。留兵二千屯王京。以實行監護。中朝之宗屬關係。因以復固。而中日之積怨。亦隨以日深。會朝鮮禁穀事起。遣臣金玉均又被誘殺。日朝勢成水火。中日之衝突。遂成積薪近燄之勢矣。

第二節 近因

光緒二十年。(即甲午年)東學黨亂起。朝鮮不能平。求救於中國。及中國派



兵東渡。日本大軍亦即繼至。且據漢城諸要隘。華僑出入城門。必嚴加搜檢。華僑爭內渡。朝亂既平。中國屢約共同退兵。日本堅拒不允。并向中國提出共同改革朝鮮內政方案。中國則力持朝鮮內政。應由其自主。中日由是齟齬。各國公使出任調停。亦無成議。駐朝日使大鳥圭介。復威脅朝鮮。驅逐所謂侵害朝鮮獨立之華軍。朝鮮答復未滿其意。即於六月二十一日侵晨。率兵入王宮。殺衛士。擄其王李熙。又矯王命流其執政閔泳駿等於惡島。凡朝臣不親日者皆逐之。而以大院君主國事。所謂日韓同盟。由斯以立。中韓條約。遂公然廢棄之矣。至是中國知日本決心挑釁。和平已不可期。遂決定出兵。

第二章 戰前一般之形勢

第一節 中國方面

中國在甲午戰前。光緒雖已親政。但在母后慈禧威權炙手可熱之時。亦不能有所施展。宮中府中。儼分帝后兩黨。恭親王奔訴。爲當時貴族中之較有頭腦者。慈禧惡其權重望隆。藉端罷去。而以慶親王奕劻繼任總理大臣。奕劻貪而

寡識。以之秉政。自難有好果。而總理衙門與北洋大臣李鴻章。均注重各國之調停。望其有效。故在軍事上着着落後。使日人得佔機先。當時朝臣不少見及此點。曾交章糾責。卒以議論盈廷。久無決策。乃至六月初十日。中政府諭令戶部尙書翁同龢。禮部尙書李鴻藻。與軍機大臣各國事務大臣會同詳議。翁李均爲反對李鴻章之人。自此參與樞密。遂成爲翁李兩派對立之局。故當時大局。帝后兩黨暗鬪於內。翁李兩黨傾軋於外。朝政紛亂。強鄰乘之。不待交綏而勝負之數已可知矣。

第二節 日本方面

日本在往昔。常受中國文明誘導之惠。自歐風東漸。所謂西歐文明之元素。亦流注於遠東。明治維新。更努力採用西歐文明。改弦更張。駸駸日上。一變舊面目。而見新日本之勃興。國勢旣振。乃謀向外發展。旣佔琉球于先。又欲擴張權力於朝鮮。處心積慮。已非一日。適朝鮮東學黨亂起。狡焉思逞之日本。聞中國出兵朝鮮。以爲時機已至。其外務大臣陸奧宗光。提議派兵赴朝。作

非常準備。閣僚皆贊同之。乃藉天津條約之派兵權。乘機出兵朝鮮。以與中國爭衡。由伊藤內閣總理。與參謀總長熾仁親王。次長川上中將。議定派遣軍隊之計畫。當時日本衆議院雖有不信任伊藤內閣之奏劾。亦未能影響于閣議之決定。且決議奏請解散議會。於是政潮澎湃之日本。倏然平靜。而專力對外矣。

第三節 朝鮮方面

朝鮮與中國宗屬關係。歷史甚久。自熙倫王卒。立興宣院君是應之子熙爲王。年方十二。是應遂以大院君攝政。是應性頑固。柄政後力主鎖國。光緒元年。（日本明治八年）因江華島砲擊日艦。日本藉此脅訂修好條約。朝鮮門戶。於以開放。日本離間中國撫屬朝鮮之狡謀。由此得逞。而朝鮮之禍乃日亟。至光緒八年。歐美諸國皆援日本例。紛請與朝鮮通商。中國派遣員馬建忠。偕海軍提督丁汝昌。率艦東渡監盟。是時朝鮮國王已親政。王妃閔氏以強宗專柄。頗裁抑是應。及朝鮮與各國立約互市。且聘任日本軍官教練軍隊。是應忿甚。尤與閔族相水火。卒以鎮兵突入王宮。欲殺閔妃。未獲。焚日使館。殺日本軍

官七人。中國聞訊，卽派總兵吳長慶，率兵二千人赴朝鮮。孰是應以歸。其亂始寢。大院君是應復於光緒十一年釋回自是閔族柄政。外戚專橫。內政窳敗。民怨沸騰。朝鮮王又愚闇無能。一任新黨煽惑。致又有甲申金朴之亂。乃猶不知矯正積弊。賦重刑苛。民不堪命。至光緒二十年。復釀成東學黨人之亂。引起中日間之糾紛。其國家亦隨之而滅亡。可哀孰甚焉。

第三章 戰前中日在朝鮮之兵力

第一節 中國在朝鮮之兵力

當東學黨猖獗。朝鮮籲請派兵平亂。中國命水師提督丁汝昌。派軍艦濟遠，揚威，平遠。駛赴仁川，漢城。保護僑商。又命直隸提督葉志超。率同太原總兵聶士成。選淮軍勁旅千五百人出發朝鮮。東學黨聞中國兵至。均望風而遁。及日本駐朝鮮公使大鳥圭介率兵入漢城。李鴻章卽電葉志超移軍牙山。以避衝突。及日軍水陸并進。遍佈要津。劍拔弩張。躍躍欲試。濟遠管帶閩人方柏謙。乘艦逃歸。李氏方冀和解。乃召諸艦悉歸。僅餘葉志超一軍。孤寄牙山。而

聶士成部。則移駐全州。取犄角之勢而已。

第二節 日本在朝鮮之兵力

日本既聞中國出兵朝鮮。急欲先發制人。適其駐朝鮮大使大島圭介回國請示。日廷卽授以臨時處斷之全權。使速搭軍艦入重山號。由橫須賀出航。并命第五師派出混成一旅團。由大島義昌少將率赴朝鮮。歸該使指揮。又恐其在大島公使之後抵朝鮮。復於八重山號增載陸戰隊若干。以備急變。該使於五月六日抵仁川。七日。由松島，千代田，太和，筑紫，赤城，八重山六艦。聯合組成陸戰隊四百餘名。護衛該使返漢城使署。九日。大島混成旅團之先遣隊一千餘人亦抵漢城。大島少將率同本隊於十三日抵仁川。於是數日之間。仁川，漢城。已有日軍七千餘人矣。

第四章 戰爭開始

第一節 豐島附近日本海軍之襲擊（參看附圖第一）

日本既脅朝鮮成立日韓同盟。廢棄中韓歷年一切條約。清廷知戰事無可幸免

。卽着李鴻章速籌戰備。李始派出四支援軍。共赴朝鮮。其兵力如左。

一、大同鎮總兵衛汝貴。統淮軍之盛軍六千餘人。發自天津。

二、提督馬玉崑。統毅軍二千餘人。發自旅順。

三、高州鎮總兵左寶貴。統奉軍五千餘人。發自奉天。

四、盛京副都統豐陞阿。統奉天之盛軍二千餘人。發自奉天。

四大軍既奉命出師。於時兵形已兆。日軍在漢江口遍佈水雷。海道梗阻。乃議盡由陸路自遼東分起前進。渡鴨綠江入朝鮮。然兵機既鈍。且道途迂遠。不能卽達。葉志超軍。孤懸牙山。待援孔急。李鴻章乃令江自康率仁字營由海道往助。以愛仁，飛鯨兩小商輪渡兵。又租英國商輪高陞號。載北塘防軍兩營。輔以操江補助艦。分載砲械人馬。陸續東發。并令濟遠，廣乙，威遠等艦。復赴牙山。二十一，二，兩日。濟遠等三艦，并愛仁，飛鯨。先後抵牙山內島。運兵登陸。時有英艦告知。日艦將來要擊。威遠木質練船。乃先出口。二十三日上午四時頃。濟遠，廣乙，自牙山出口。八時駛近豐島。望見日本軍艦吉野

，浪速，新津洲等。橫海襲來。開砲轟擊。濟遠等艦亦即發砲應戰。一時硝烟四出。中日戰幕。由是揭開。廣乙受重創。欲側逃而坐礁。因渡殘卒登岸。縱火焚船。而管帶林國祥以下軍官。將渡登英艦。復爲日艦截獲。濟遠未受殊傷。因舵被毀。亦繼之而逃。日艦吉野。尾追甚急。管帶方柏謙駭甚。匿於鐵甲最厚之所。樹白旗。繼又樹日旗。吉野追如故。有水手發尾砲四出。三出命中。日艦始退。濟遠逃至旅順。柏謙得慶生還。而竟以捷聞。是日十時。高陞號運兵續至。操江隨行。遇日艦新津洲。操江速力遲緩。武裝薄弱。戰旣不能。逃又不可。遂懸白旗。任敵掠去。而浪速旣窘廣乙。復折回與新津洲合。迫令高陞號隨之航行。高陞船主英人高惠悌。謂當出發之時。未接有開戰宣言。今可折回滄沽。不能聽該艦之命。在船中國官兵。亦堅不許。相持至午後二時。浪速竟開砲轟擊。中國官兵亦以小槍向敵還射。以行最後之抵抗。歷一小時。高陞即宛轉下沉。中國官兵死者約七百餘人。二十四日。爲英德法各軍艦救回二百餘人。自是朝鮮海上。遂無復有中國艦隊之踪影矣。

第二節 日本陸軍之進攻成歡（參看附圖第二）

朝鮮問題已告緊張。當是時我軍先後抵牙山者。有蘆防六營。孤立無援。既不得四大援軍之消息。而海濱地勢平行。又無可依據。聶士成因請於葉志超。率武毅副中營。老前營。及練軍右營。於二十四日由全州移駐成歡驛。（距牙山東北五十里）以便扼守待援。及聞高陞失事。知後援已絕。而日軍大隊已逼振威。去成歡僅四十里。聶士成請援於葉志超。二十五日。葉氏派營官江自康，許兆貴，率隊至成歡。已則於二十六日亦由牙山馳至。聶士成因言於葉氏曰。頃海道已梗。援軍斷難飛渡。牙山絕地不可守。公州背山面江。形勢便利。宜速往據之。幸而勝可據以待援。不勝猶可繞道出也。此間戰事當竭力相機進止。於是葉志超自率葉玉標一營往公州。而聶士成率五營駐成歡。是日。日軍已迫素沙場。去成歡才十餘里。

成歡值平澤縣東北。左右皆山。中通縱橫兩驛道。前橫大河。河之南北兩岸皆澤國。惟中通一線大道。跨河爲橋曰安城渡。爲北來隘道。聶士成以主力配

置於東面山頂。以一部位於西面山岡。均構築堡壘。以備敵之來攻。砲兵則在西南最高山頂。佔領陣地。以遏敵軍來路。二十六日。日軍分道進犯。武備學生于光斡等。率前進哨伏於橋畔村落。夜午。日軍先頭行抵橋畔。光斡等狙擊之。頗有殺傷。但以接應不至。終爲日軍殲焉。二十七日拂曉。日軍已踞成歡西北面山坡。聶士成親臨督戰。猛力抵禦。戰鬪甚爲激烈。乃左側之東北面山坡。又突爲日軍襲踞。砲擊我東面諸壘。我砲還擊。竟以瞄準不確。不能命中。勢因不支。遂敗。蓋是夜日軍由素沙場分兩路來犯。一從大道南進攻我正面。一則繞出東路以襲我側面。聶士成以全力由大道遏日軍。而不虞東道之敵自側面來也。

聶士成既敗。趨公州就葉志超。乃葉已先棄公州。聶追及之。合軍北走。以兵軍恐與日軍遇。乃繞道渡大同江至平壤。與四援軍合。匝月始達。（葉於七月二十一日至。聶率隊於二十八日至）時值暑期。殘軍饑疫。死者相屬。而葉志超乃以成歡之戰。殺敵過當。電李鴻章入告。于是論功行賞。奏保員弁數百

人。並賞士兵銀二萬兩。未幾志超復拜總統諸軍之命。至聶士成既抵平壤。電請赴天津募兵。八月初三日出發。行至中途。李鴻章又命復歸平壤。於十四日抵安州。時日軍已據順安。遂不能再達平壤矣。

第五章 中日宣戰及各國之態度

第一節 中國之宣戰

當中國出兵朝鮮時。絕無與日啓釁之意。故迭次交步。一以和平爲主旨。及豐島被襲。成歡受兵。清廷始赫焉斯怒。於七月初一日下諭宣戰。諭曰。

朝鮮爲我大清藩屬。二百餘年。歲修職貢。爲天下所共知。近數十年。該國時多內亂。朝廷扶弱爲懷。疊次派兵前往戡定。并派員駐紮該國都城。隨時保護。本年四月間。朝鮮又有土匪變亂。該國王請兵援剿。情詞迫切。當即諭令李鴻章撥兵赴援。甫抵牙山。匪徒星散。乃倭人無故派兵。突入漢城。嗣又增兵萬餘。迫令朝鮮更改國政。種種要挾。難以理喻。我朝撫綏藩服。其國內政事。向令自理。日本與朝鮮立約。係屬與國。更無

以重兵欺壓強令改革之理。各國公論。皆以日本師出無名。不合情理。勸令撤兵。和平商辦。乃竟悍然不顧。迄無成說。反更陸續添兵。朝鮮百姓及中國商民。日加驚擾。是以添兵前往保護。詎行至中途。突有倭船多隻。乘我不備。在牙山口外海面開砲轟擊。傷我運船。變詐情形。殊非意料所及。該國不遵條約。不守公法。任意鴟張。專行詭計。覺自彼開。公論昭然。用特布告天下。俾曉然於朝廷辦理此事。實已仁至義盡。而倭人渝盟肇釁。無理已極。勢難再予姑容。着李鴻章嚴飭派出各軍。迅速進剿。厚集雄師。陸續進發。以拯韓民於塗炭。并着沿江沿海各將軍督撫及統兵大臣。整飭戎行。遇有倭人輪船駛入各口。即行迎頭痛擊。悉數殲除。毋得稍有退縮。致干罪戾。特此通諭知之。

第二節 日本之宣戰

日本久蓄野心。早冀一逞。既先向我開釁。同日亦下詔對中國正式宣戰。詔曰。

朕茲對清國宣戰。百僚有司。宜體朕意。凡海面陸上對清國交戰之事。務宜努力。以達國家之目的。苟不違反國際公法。卽宜各本權能。盡一切之手段。必期萬無遺漏。惟朕卽位以來。於茲二十餘年。求文明之化於平和之治。知失和外國之不可。常努力使各有司篤友邦之誼。幸列國之交際。逐年益加親善。不料清國之於朝鮮事件。對我出於違反鄰交有失信義之舉。朝鮮乃帝國首先啓發使與列國爲伍之獨立國。而清國每自稱朝鮮爲屬邦。干涉其內政。於其內亂。藉口拯救屬邦而出兵朝鮮。朕依明治十五年之條約。出兵備變。更使朝鮮永免禍亂。得保將來治安。欲以維持東洋全局之和平。先告清國以協同從事。清國反設辭拒絕。帝國於是勸朝鮮以釐革其稅政。內堅治安之基。外全獨立國之權義。朝鮮雖已允諾。清國始終暗中百計妨礙。種種托辭。緩其時機。以整飭其水陸之兵備。一旦告成。卽欲以武力達其欲望。更派大兵於韓土。要擊我艦於韓海。極爲無狀。清國之計圖。惟在使朝鮮治安之責無所歸。至朝鮮因帝國率先使之與諸獨立

國爲伍。而獲得之地位。與爲此表示之條約。均置諸不顧。以損害帝國之權利利益。使東洋平和。永無保障。就其所爲而熟揣之。其計謀之所在。實可謂自始卽犧牲平和。以遂其非望。事既至此。朕雖與平和相終始。以宣揚帝國之光榮於中外。亦不得不公然宣戰。賴汝有衆之忠實勇武。而期速復平和於永遠。以全帝國之光榮。

第三節 各國之態度

兩國戰端既開。公使卽各下旗回國。各國除法國關於中立無所聲明。奧國以無慣例。亦無宣言外。英國以遠東商業關係。且請以上海爲中立地。中國許之。日本以上海不爲戰鬪設施爲條件之下亦許之。其他德，美，俄，意，荷蘭，葡萄牙，丹麥，瑞典，挪威諸國。皆先後宣言中立。

第六章 中日兩國之作戰方略

第一節 日本軍之作戰方略及其計畫

日本軍之目的。擬以軍之主力由山海關附近上陸。在直隸平野與中國軍一決

雖雄。但能達得此項目的與否。一以黃海及渤海灣之制海權能握得與否爲決定。因是作戰計畫。區分爲二期。

第一期作戰。令第五師團進出朝鮮。以牽制在朝鮮之中國軍。同時令艦隊擊破中國海軍。以求獲得黃海及渤海之制海權。

第一期作戰之結果。幸能擊滅中國海軍。即依照其希望。將陸軍主力進至渤海灣頭。行直隸大平野之決戰。但中國海軍其隻數噸數遠駕於日本之上。如北洋水師。尙有優於日本之堅艦。能否擊滅。殊不可必。倘日本海軍不能握得黃海及渤海之制海權。而中國海軍亦不能向日本近海行動。此時日本陸軍之主力。則送至朝鮮。以扶植朝鮮之獨立爲止。若竟不幸。日本海軍戰鬪失利。近海之制海權落於中國軍之手。則盡諸種之手段。援助在朝鮮之第五師團。同時陸軍之主力。則留置日本內地。以備中國軍之來攻。再詳定第二期作戰計畫。

第二節 中國軍之作戰方略

中國軍之作戰計畫。在集結海軍之主力於黃海北部。以扼渤海之灣口。及掩

護陸軍之輸送。并任在朝鮮陸軍之策應。陸軍則集中平壤附近。以擊攘在朝鮮之日本軍。

第七章 平壤之役（參看附圖第三第四附表第一第二）

第一節 日本軍之冬季作戰方針及其計畫

日本第九混成旅團。自五月二十七日在成歡擊破中國軍之後。即直趨牙山。及抵牙山。因不見中國一兵。遂於同月二十九日率隊仍回漢城。六月下旬。第五師團全部在漢城附近集中完畢。遂逐漸施行第一期之作戰計畫。同時其大本營以渤海灣冬季結冰。任何地點。陸軍均難登陸。爲圖年內實行直隸平野大決戰之企圖。不得不將中國海軍早日擊破。因於七月一日。命聯合艦隊迅與中國海軍求決戰。乃中國海軍潛匿威海衛港內。不出應戰。日本海軍不得已。暫退至朝鮮西岸。以設置根據。因是其大本營以年內欲實行直隸平野大決戰爲不可能。必須待至來春解冰之期。遂於七月中旬。變更原定計畫。而從新策定冬季作戰之方針。

其計畫之大要。即增加兵力於朝鮮。以擊攘該方面之中國軍。相機直搗奉天。務將直隸地方之中國軍。牽制於該方面。同時以一部軍隊。攻略旅順。以爲進出直隸之根據地。倘力所能及。台灣方面亦派往一部之兵。依此計畫。增加第三師團。合第五師團爲第一軍。任命陸軍大將山縣有朋爲第一軍司令官。惟第三師團因運輸交通及出師準備等關係。先編成混成約一旅團出征。直轄於第五師團長野津中將。該旅團半部由佐藤大佐指揮。其他半部由大迫少將指揮。於七月下旬先後運抵元山上陸。

七月中旬後。中國四大援軍已漸次到達平壤。朝鮮政府之態度逐漸動搖。野津師團長以非擊破平壤之中國軍。不足以懾伏朝鮮。遂於八月一日開始向平壤前進。其佈署如左。

一、野津師團長。率第九混成旅團。（步騎約五千。砲二十門）向義州街道前進。專對中國軍正面行動。

二、朔甯支隊（長，陸軍少將立見尙文。步騎約二千。砲六門）經新溪，

三登，江東，向中國軍之左側行動。

三、元山支隊（長，佐藤大佐。步騎約三千。砲十二門）經元山，成川，

順安，向中國軍之左側背行動。

四、其餘諸隊（步騎約五千。砲十二門）向中國軍之右側前進。

依上述之規定。第九混成旅團。於八月十二日抵永濟。朔甯支隊同十三日抵國主峴。元山支隊同十五日抵坎北院。第五師團主力同十四日抵新興洞附近。包圍平壤。攻擊之勢。於是完成。

第二節 中國軍之態勢及作戰計畫

衛汝貴，馬玉崑，左寶貴三軍。於七月上旬。先後到達平壤。三將會商。擬即南下進擊日軍。嗣接牙山敗報。且聞日軍已佔領漢城，仁川一帶之地。其大部軍隊已向黃州前進。并於要地布設地雷。三將以後續部隊尙未全集。人馬亦以炎暑遠行。疲勞頗甚。不可遽用。且兵站之設備未完。因議決暫駐平壤。以待後續之部隊到來。旋豐陞阿軍抵平壤。遂共同議定。先部署平壤防禦。再決

南下之策。并令在集中行軍中之盛字練軍正藍旗正黃旗兩步隊。及吉字馬隊二營。駐守安州，博川，定州之間。任後路之守備。又派步兵一哨馬隊二哨爲偵察隊。南下偵察敵情。該偵察隊奉命南進。至中和附近。遇日騎數十名。擊斃其五名。生擒一名。并鹵獲槍械地圖等。諸將因得知日軍已向平壤進逼。又依其他諸報。判斷現時欲邀擊在前進途中之日本軍。須有二萬之戰鬪兵。與一萬之後方守備兵。方足應付。爲俟有此兵力再行進攻起見。決心暫留平壤防禦。并催促尙未到達之部隊急速前進。

當四軍集於平壤也。朝鮮人民素親中國。聞王師至。歡呼夾道。爭獻酒漿以勞軍。而軍士殘暴。毀器皿。奪財物。役丁壯。淫婦女。軍紀蕩然。衛汝貴所統之盛軍尤甚。韓民大失望。致軍行所至。民逃官匿。李鴻章疊電詰誡。清廷亦下諭嚴禁。終未稍悛。

七月中旬。在平壤諸將。依本國之情報。及諸種之偵察。又判斷如左。

一、敵軍有進攻中國各海口之狀。尤於威海衛，旅順口，屢圖進攻。以冀

牽制我增加朝鮮之兵力。現時開城以南。元山以西。日本軍約二萬有餘。平壤係朝鮮之重地。爲日本軍所必爭者也。今因我後續部隊。絡繹不絕。不能判知我之虛實。故尙未出動。

二、我軍後發諸隊。如悉抵平壤。不過三十餘營。故宜集結兵力。乘敵之散處。各個擊破之。但仍須以一部兵力。防守要隘。

三、我軍僅有由平壤經義州一條退路。彼若以一部在安州，定州，清江站等瀕海之地上陸。遮斷我之退路。平壤卽陷於敵之圍中。

依此判斷。諸將共立左之計畫。并電告李鴻章云。在義州，安州，定州等各海口。須另增置守備兵。以保守退路之安全。元山，黃州，海州各方面。則須派遣大部別働軍。以分割敵勢。平壤佔領軍。卽可集全力以向敵進出。李氏據以轉申軍機處。且謂現除控置北洋各處防軍之外。極力調派。亦不過八九千人。按現時之形勢。尙須徵募二十營方足資調遣。又電告平壤諸將。謂有日步兵一萬二千。馬兵三百。已向平壤前進。又軍艦八艘。載兵赴元山。又有一萬五

于在釜山上陸。諸將聞訊。急加築工事。嚴爲戒備。

七月中旬後。清廷諭李鴻章。飭在平壤諸將卽速進攻日軍。李氏深以爲慮。仍以扼守平壤及固守後路訓令諸將。并徵求關於進攻之意見。諸將因具申意見。其大要云。按目前之形勢。各方皆宜顧慮。各軍全數到達。總計不過三十餘營。除護軍及分防并沿途設站之外。戰兵僅有數千人。而平壤爲朝鮮重地。前進之後。尙須留數營守備。又此後前進。隨處要地均須留兵防守。兵力遂愈分愈寡。若不先事預籌。一旦彼此不能兼顧。則萬事去矣。且軍火糧餉之陸運困難。目下僅可支持。將來益感不便。原欲迅速進兵。惟目前之佈置未周。躁進徒誤全局。懇請速發大兵。填紮後路各要隘。俾平壤各軍。得以集結全力。以圖進攻。李氏韙其言。上奏清廷。俟各路之援軍到齊。後路之布置周密。卽行進攻。於是諸將之意見。益傾於防禦矣。僅在平壤周圍保山鎮，黃州，成川一帶。派遣小部之偵察隊及徵發隊。於遠距離不加搜索。而敵情多由天津電知。

初李氏欲以四軍集中平壤進擊日軍。及聞成歡戰敗。又誤聽日軍由釜山，仁

川，元山登陸。其兵力已達五萬。深以在平壤諸軍不能進擊。至此亦主暫守平壤。再相機進攻。七月下旬。葉志超抵平壤。拜總統諸軍之命。諸將以其庸懦無能。咸輕視之。而葉氏身膺重任。日惟置酒高會。亦漫無佈置。僅令勇丁與朝鮮人民。逐日在城內外築壘環砲。坐待敵攻。當七月初八日。有日軍騎兵偵探。進至大同江南岸。中國軍圍而殲之。繼至者均逐去。葉氏抵平壤。又以屢獲大捷聞。八月初三日。盛軍夜出哨。與毅軍遇。互疑爲敵相轟擊。死傷甚衆。由是均斂入城內。堅壁不出矣。

第三節 中國軍在平壤之防禦部署

平壤爲朝鮮之舊京。城垣壯闊。高約十米達。基脚厚約七米達。南北綿亘十餘里。凡六門。南曰朱崔。西南曰靜海。西北曰七星。北曰玄武。東曰長慶。東南曰大同。長慶，大同二門直逼大同江。玄武門跨山爲城。附城一山曰牡丹臺。爲全城命脈所在。牡丹臺山外復有三山環抱。迤邐而西。內屏牡丹臺而外扼義州通衢。實爲平壤後路孔道。城之東南達王京。（卽漢城）西南至大同江口

。東走元山浦。地要而險。最據形勝。

在平壤集中之中國軍。由七月上旬着手防禦工事。至同月下旬。已完成之設備如左。

- 一、大同門外大同江 軍橋一個
- 二、城外北方高地線 堡壘四個
- 三、城北牡丹臺上 堡壘一個
- 四、城內西廟北側 兵營一個
- 五、城南外郭 堡壘及兵營十五個
- 六、由城南外城一里附近。亘平川北城地附近。一半新設。一半利用舊時胸牆。形成連系堡。

同時防禦之部署如左。

- 一、城北方面由奉軍及盛字練軍任守備。自牡丹臺連並岨高地築設堡壘五個。以制愛美，坎北兩山以南之谷地。扼守平壤之弱點。復於乙密臺

上。利用城壁。設備胸牆。以固城郭之凸角。

二、由城之西方牙山軍擔任防禦。在景昌門外之高地。築設一大堡壘。由城壁及文陽關亘安山與隄防相並。抑制普通江之河孟。并於安山及蒼光山上築設堅固之堡壘。以固隅角及供西南之側防。

三、城之南方外郭方面。由盛字軍及毅字軍之一部擔任守備。佔領城外一里附近之堡壘團及連系堡。

四、城之東側大同江之幅員。五百乃至一千二百米達。不論干潮之時。概不能徒涉。綾羅島之南端附近。及羊角島附近。據傳在水量最減季節有徒涉場。但非有土民嚮導仍不能行。中國軍在城之附近

數里之間。大同江上之船舶。或破壞之。或引致右岸。

五、大同門外架設之船橋。爲漲水毀壞。更於城郭東南角架設一船橋。爲兩岸之聯絡。又於左岸長城里及中碑街附近增築堡壘三個。永濟橋畔一個。載松院附近之高地二個。以毅字軍之一部守之。

平壤中國守軍合步騎砲兵約一萬五千人。野砲四門。山砲二十八門。機關槍

六門。城內儲糧足供一月有餘。

第四節 平壤戰鬪之經過

八月四日。李鴻章得報。由元山進入之日軍。其先頭已抵陽德。因慮及平壤後路之危險。又聞由南方前進之日軍已漸近平壤。卽訓令葉志超可相機乘敵之不意。以奇計擊退之。適葉氏亦於是日接得日軍已達黃州之報。知形勢益趨緊急。回電李鴻章謂日軍前進已近平壤。現選拔各軍精銳。懸賞以支阻敵軍。并請嚴令新募及在途各軍。無分晝夜。兼程前進。以任後方之守備。

五日。在安州守備隊報告。日軍已於本月一日進抵陽德。又由派往成川方向之偵察隊報告。倭寇沿途修理道路。據土民言。後方有一萬餘倭兵。似有來攻之景况。六日。又據派向黃州方面搜索之奉天馬隊報稱。是日午前八時。過黃州東方約五里。遇日軍千餘人。交戰少時卽退向黃州城。敵之後方似尙有二三千人。

於是諸將爲迎擊敵軍。決定派一支隊監視由元山而來之敵。以掩護後路。以

一部守備平壤。以主力擊攘由黃州前進之敵。其部署如左。

一、馬步十五營七千餘人。區分中左右三縱隊。中央縱隊指揮官總兵衛汝貴。率盛字軍約四千人。沿本道南進。右縱隊（指揮官未詳）盛字軍一千六百人。由本道與大同江之間南進。左縱隊指揮官總兵左寶貴。率奉軍約二千二百餘人。由本道之東方中和祥原之間南進。并定於七日由平壤一齊出發。

二、葉志超率牙山軍全部約三千餘人。與南進軍同時出發。向元山北進。
三、馬玉崐。豐陞阿等率四千餘人。守備平壤。馬玉崐并爲南進軍之增援軍。豐陞阿并爲北進軍之增援軍。

依此部署。七日北進軍由平壤出發。是晚達江東附近。南進軍於八日晨始出發。此際葉志超得報。日軍一部已入成川。因顧慮平壤後路危險。深恐前之策畫不能成功。因發急使召還南北兩方之前進軍。因是北進軍於八日以一部集於麥田店附近大同江右岸。監視敵之運動。其他仍歸平壤。南進軍亦於是日由中

途折回平壤。八月十二日。葉氏發下如左之防禦命令。以期配備之周密。

倭情詭詐無窮。務須嚴加防守。現在戰鬪之部署。已經會議規定如左。

一、南門即朱崔門外之江南。大同江左岸以馬玉峴之一營。與盛字軍之一營。位置橋

頭。如有緩急。以馬玉峴之一營。聶桂林之一營。迅速赴援。

二、由大西門即靜海門起。至盛字軍孫顯寅與毅字軍馬玉峴部防守交界之間。

如有緩急。由盛字軍迅速赴援。

三、北門外之山上。位置江自康之兩營。即仁字正營及副營如有緩急。由豐陞阿之盛

字營迅速赴援。

四、由大西門至七星門。由蘆榆之各營防守。如有緩急。由盛字軍衛汝貴所部迅速赴援。

是時葉氏駐城中調度。左寶貴駐城北山頂守玄武門。諸將皆各以守界方位駐城外。是日警報迭至。馬玉峴既踰江備敵。左寶貴亦遣軍探敵。出玄武門迤而東北行八十里至大同江上游。日軍朔甯支隊已趨至。將渡江。左氏所部三營列

陣以拒。槍砲互擊。

十三日。日軍混成第九旅團已抵大同江東岸。葉志超以前路急。羽箭趣三營回。日軍朔甯支隊遂渡江。向平壤前進。

十四日。日軍堅伏未動。中國軍亦斂入壘。是日日軍元山支隊亦北至順安。中國軍西北赴義州歸途已斷。而諸將方憂大同江東岸來犯之敵。尙未顧及後路也。

十五日拂曉。日軍朔甯元山兩支隊分左右兩路進攻。佔領城北山頂數壘。左寶貴自出爭之不能勝。乃入城以砲轟擊。日軍仍堅伏。至是諸將始慮後路將絕。是晚葉志超欲突圍出。左寶貴不從。且以親兵守之。以防其逸。而自扼玄武門山頂備決戰。

十六日拂曉前。東岸日軍混成第九旅團。分左右中三隊前進。其右翼隊司令官步兵兵中佐西島助義。率步兵第十一聯隊本部及第二大隊。與中央隊司令官步兵中佐武田秀山。率步兵第五聯隊本部及第三大隊。與分捕砲小隊。與中央隊司令官步兵中佐武田秀山。率步兵第十中隊。砲兵第五聯隊司令官步兵少佐與山義章。步兵第一大隊。欠第一中隊向長城里之橋頭堡進攻。左翼隊司令官步兵中佐與山義章。步兵第一大隊。欠第一中隊向長城里之橋頭堡進攻。左翼隊司令官步兵中佐與山義章。步兵第一大隊。欠第一中隊

十中
隊) 自羊角島渡江。進攻平壤之南部。其預備隊則在其中央隊右側續進。

時中國軍在大同江東岸之前敵兩壘稍遠。夾大道而峙。而後三壘背倚大同江。面控大道。與北岸砲壘相望。稍北卽浮橋。是日天未明。日兵卽來撲。馬玉崐自督步隊截擊。而日兵冒死進。奮奪前兩壘。復趨後三壘。馬氏肉搏血戰。抵死相撐拒。衛汝貴渡江援之。鏖戰至午後二時頃。日兵敗退。至城北日軍(朔甯元山兩支隊)是日拂曉仍分兩道來撲。時中國軍在玄武門外堡壘分兩重。內重兩壘相屬。牡丹臺卽爲其東一座。外以三壘環之。日軍來攻也。左寶貴自至城上指揮所部力禦之。戰况至爲慘烈。午前七時。外重之東壘爲日軍所破。而其中一壘猶固守。未幾日砲兵至相近山巔。向各壘猛力射擊。於是中壘不守。而外重之西一壘及內重之西一壘均相繼失守。日兵乃聚向牡丹臺。牡丹臺據全城形勢。中國軍以全力守之。而日軍砲兵繼至。專注轟擊。其步隊遂乘勢蟻附以上。牡丹臺遂陷。葉志超又議開城。左寶貴知勢已瓦解。志必死。乃服黃馬掛頂帶。率部於午前十一時向元山支隊施行逆襲。中彈而殞。部將死者數人。

。士氣大挫。玄武門亦隨之而陷。葉志超乃於城上徧懸白旗。以示降伏。

是時馬玉崐方與東路日軍相持於大同江東。竟獲大捷。其西路日軍（第五師團主力）是日晨至城外西南隅與衛汝貴遇。汝貴邀擊之。奉天馬隊亦前後向日軍襲擊數次。日軍死傷甚重。戰況至爲慘烈。至正午十二時。日兵亦敗退。兩軍方擬追擊。忽聞北路失利。葉志超有速撤之令。乃退。

葉志超既插白旗表示降伏。日軍卽中止戰鬪。在現在地附近宿營。以備翌日入城。諸將不知開城慣例。以爲讓出城垣。守城軍可隨意退散。是時任交涉之使者尙未歸城。適日軍元山朔甯兩支隊爲宿營後退若干。葉氏以爲日軍已允其請。由夜九時頃。率諸將弁兵開始向義州大道退却。日兵要於山隘。官兵爭先恐後。潰退至順安。又爲日軍要擊，死傷枕籍。慘不忍觀。直逃至安州。始遇呂本元及聶士成之軍收容。惟馬玉崐自左寶貴死後。仍力主防禦。嗣見大部之軍隊均捨城而逃。遂斷守城之念。率部迂迴江西甌山。幸未遇日軍。得安全退至安州。

第五節 中國軍退守九連城

清廷派毅軍銘軍及鎮邊軍等。前赴安州。進勦敵軍。師尙未集而平壤已陷。李鴻章聞報。卽電令依克唐阿與各軍聯絡。駐守九連城。以阻敵之北渡。又電令劉盛休速赴義州救援。是時總兵呂本元。爲赴援平壤。率盛軍飛騎馬隊二營一哨。已行抵定州。呂本元原率五營一哨。由馬廠出發。及抵義州。以二營留守兵站。餘仍續進。八月十六日抵定州。聶士成則率盛軍二千餘人砲二門守備安州。

八月十七日。葉志超。衛汝貴逃經安州。聶士成請就安州集合敗兵。以扼敵軍北犯之孔道。蓋安州去平壤百八十里。北倚清川江。南則羣山環繞。爲平壤以北第一重鎮。城垣高大。足資守禦。過安州西北百六十里至定州。地亦險要。是時收集敗兵尙及萬人。葉志超不從。倉皇向義州而逃。敗兵又爭先恐後。蜂擁北奔。致安州守備諸軍。亦被動搖。向後退却。同日平壤敗兵又麇集定州附近。呂本元覩狀。毅然以獨斷之決心任後衛。前進至清川江右岸。監視敵人。中途遇葉志超。衛汝貴。復遣馬隊一營一哨。護之以行。至十八日。潰軍分

奔離析。其先頭已越過鴨綠江。

二十日。李鴻章得報。在平壤諸將已退義州。乃電葉志超。馬玉崐。卽率馬步隊駐守義州。防禦敵人。義州糧械充裕。可以便宜取用。以資整理。并令葉志超及聶桂林左寶貴死後聶桂林任奉軍指揮等收容敗兵。嚴禁再退至鴨綠江以西。

二十一日。劉盛休所率銘軍全部抵九連城。劉盛休爲偵察地形親赴義州。遇葉志超。聞其意見與日擊敗兵之現況。殆已不可收拾。自揣若以所部全入義州。亦無功效。因決心暫令分統龔元友。率左軍三營至義州。其餘諸隊卽在九連城整備。歸後卽以已之決心。及平壤敗兵潰亂不可收拾。非經數月教養不可復用。若僅以銘軍阻敵追擊。亦難奏功等意。電稟李鴻章。二十二日。李氏接電。除待毅軍赴援外。亦別無良策。毅軍四營於同月二十一日始由分統宋得勝率領由旅順出發

是日李鴻章又奉清廷關於國境防禦之諭旨。其大要如左。

一、現在盛京邊境形勢緊急。不能專一注重旅順。卽着提督宋慶。幫辦北洋軍務。一面規劃募兵計畫。一面親赴九連城籌備防守之策。九連城

爲盛京門戶。該提督務要努力防守。

二、義州爲奉省屏障。亦我軍兵站之要地。葉志超究竟能否防禦。若無勝算。與其株守孤城。甯可全軍撤回九連城。俟各路援軍齊集該地時。再圖進攻。

三、李鴻章爲全局之指揮。

李鴻章奉諭。卽轉達葉志超。宋慶等。同時并發下如左之國境防禦命令。

一、劉盛休速在九連城附近沿江上下之地。施設防禦工事。

二、宋慶率部到九連城。統轄劉盛休等爲一般之配備。

三、聞葉志超潰兵已在義州集合。惟軍裝遺失難於補足。可續行渡江整頓休養之後。再圖併力攻防。

四、現在義州之糧餉砲門衣物。可送至鳳凰城及九連城。以便將來發送各地。又義州留有爲之將校。俟敵來襲。再臨機進退。

二十二日。葉志超接奉以上之諭旨及命令。卽由義州向鴨綠江右岸退却。其

退却計畫如左。

一、呂本元以盛軍飛騎馬隊遠出清川江右岸。監視敵人。

二、銘字左軍三營。位置於弘北洞（義州南方）亘南山洞（義州之東南方）之高地。掩護諸隊渡江。

三、退却後在鴨綠江右岸諸軍應占之位置。預定如左。

奉軍（九連城附近。但以不妨銘軍佔領之地爲要
盛字練軍）

牙山軍 聶士成江
自康分統 老龍頭，土城子一帶。

毅軍 馬玉崑
部下 由大沙河右岸至元寶山附近。

盛軍由安東縣沿鴨綠江下流。

四、退却之順序。第一奉軍。第二盛字練軍。第三盛軍。第四毅軍。第五牙山軍。

五、退却之運動。由明（二十三）日開始。

二十三日晨，諸軍按預定之順序。開始運動。至二十五日渡江完畢。於是葉

志超又命渡河掩護隊銘字左軍之三營。退至九連城。又命呂本元退駐義州。監視敵人。葉氏對於以上之處理既畢。以爲一己之任務已盡。卽獨赴九連城。以待宋慶之來。是時據守鳴綠江右岸由九連城巨大東溝一帶中國軍之兵力如左。

一、銘軍步隊十營一哨。該隊尙有八哨留在大連灣守備砲台馬隊一營一哨。(約四千人)

二、黑龍江齊字練軍步隊四營。(約一千)馬隊二營。(約五百人)計約一千五百人。內步隊三營馬隊一營於八月九日由奉天來。又馬步各一營八月十五日由吉林來。

三、毅軍步隊五營及親兵。(二千五十人)除任平壤戰死及傷病等之減員。

四、奉軍含靖邊軍步隊八營。馬隊四營。砲隊一營。(約三千五十人)在平壤步隊七營。計二千五百七十四人。其內左營四百人全沒。其他亦僅餘十分之六。故六營計一千三百名。又馬隊五營計一千一百五十六騎。惟左營所餘無幾。遂合於鎮邊中營。其他四營亦僅餘半數。約四百五十騎。總計不過一千七百五十騎。合駐在安州之鎮邊右營五百人。駐在大東溝之新右營步隊及新後營砲隊計八百人。故統計如上數。

五、盛軍步隊十二營一哨。馬隊一哨。(約五千人)平壤戰後僅餘四千人。加入在安州之右軍二營一千人如上數。

六、盛字練軍步隊三營。馬隊一哨。(約一千五百人)由安州，博川歸來二營。各增二百五十名。

七、吉字馬隊二營。(約五百人)

八、牙山軍約二千五百人。

總計約二萬一千八百人。七生的五野砲十八門。六生的山砲二十門。

五生的七速射砲五門。機關槍四門。

第八章 黃海之役參看附圖第五

第一節 戰前中日兩國海軍之行動

中國海軍 自豐島戰敗以後。濟遠逃至旅順。旋歸威海衛。提督丁汝昌塞東西兩口。率全軍爲固守之計。迨日艦縱橫遼海。京內外交章彈劾。清廷始責丁汝昌巡弋洋面。六月抄。丁氏曾督大隊巡洋。以未遇倭船聞。七月九日。復報巡海。謂將駛赴鴨綠江口一帶巡弋。翌晨日艦來攻威海衛。威海衛砲台還擊。傷其一艦。遂退去。十三日。我海軍全隊回威海衛。自是每遇海軍出口巡弋。日艦輒來窺伺威海衛。而我出巡之海軍。亦皆言未遇倭艦以爲常。一般均責丁汝昌畏葸無能。清廷於七月二十九日降旨以倭船屢窺海口。海軍防勦亟須得人

。丁汝昌畏葸無能。巧滑避敵。難勝統帶之任。諭令李鴻章遴選勝任之員復奏。李氏於二十九日奏覆。詳述海軍情形。作中日海軍力之比較。以缺乏快船。不敢輕於一擲。但令遊弋渤海內外。以作猛虎在山之勢。且有海軍將才難得。各將領中尙無能出丁汝昌右者之語。丁氏地位仍得保持。

八月初九日。丁汝昌率海軍全隊。計鎮遠，定遠，致遠，靖遠，經遠，來遠，濟遠，平遠，超勇，揚威，廣丙，廣甲，鎮南，鎮中。并魚雷艇四隻。復出巡海。十三日抵旅順。是時大軍方雲屯平壤。清廷復以總兵劉盛休所部銘軍十二營接應前方。自鴨綠江口登岸。海軍全隊既抵旅順。李鴻章卽令翼護以行。銘軍凡載招商船五艘。十六日夜午。由大連灣起碇。十七日正午抵大東溝。平遠，廣丙，泊港口。鎮南，鎮中，及四雷艇護衛運送船五艘入港。澈夜渡兵登岸。鎮遠等十艦則均泊於口外。

日本海軍 自豐島戰勝之後。以隔音羣島爲假根據地。其艦隊司令長官伊東海軍中將。察知中國海軍主力在威海衛港內。於是舉其總艦隊攻擊威海衛。冀

誘出中國艦隊一決雌雄。乃中國艦隊固守威海衛。不出應戰。七月十三日。伊東復變更戰策。專控制朝鮮西南海岸。掩護其第一軍各部隊。陸續在釜山，元山，仁川等地。安全上陸。并時派艦至大同江口，大東河口，及威海衛，旅順等地偵察。迄未與中國艦隊相遇。至八月十五日。伊東率諸艦駛抵小乳蘆島附近停泊。由其本國傳來消息。謂中國艦隊主力。往復護送陸軍軍需及兵器彈藥等至鴨綠江附近。又據黃州大本營電報。奉天練軍出大孤山。警戒大小鹿島之近海。因彼此參酌。測知中國屬意在該方面。又徵之派赴威海衛及大同江偵察各軍艦之報告。中國海軍主力。已不在威海衛。大同江口亦不見中國軍艦隻影。而江之上流。非小艦不能駛進。咸以試艦隊無駐小乳蘆島之必要。是時伊東亦深以無與中國艦隊交戰之機爲憂。且默察各將士戒備漸疏。原擬到達大同江口之後。俟在仁川掩護上陸事業終了來會之各艦。率同搜索中國艦隊之所在。以與決戰。至是遂斷然決定。不待在仁川各艦之來合。即行出航。倘仍不遇中國艦隊。即進入渤海灣。以期貫徹初衷。十六日晨。令各艦貯藏煤炭。并劃定

巡航日期如左。

地名	直航里程	迂回里程	到著時日	發航時日
小乳蘇島				十六日 四午時後
現錨地				
盛京省 海洋島	一〇〇		十七日 六午時前	同 七時
小同 鹿島	五〇		十七日 一午時後	同 六時
山東省 威海衛	一四五		十八日 正午	同 二時
盛京省 連灣	九〇	一三六	十九日 七午時前	同 九時
同 旅順口	三〇		十九日 一午時後	同 二時
直隸省 沽口	一六〇		二十日 十午時前	同 四午時後
同 山關	二〇		二十一日 七午時前	同 十一時
同 牛莊	一二〇		二十二日 六午時前	同 八時
山東省 威海衛	二四〇		二十三日 二午時後	同 三時
現錨地	一三〇		二十四日 七午時前	

同日午後五時。伊東率同松島，嚴島，橋立，吉野，扶桑，浪速，高千穗，秋

甲午中日戰爭紀要

三九

超勇	致遠	靖遠	濟遠	平遠	經遠	來遠
同右	同右	同右	巡洋艦	砲裝甲艦	同右	同右
二四〇〇	五五〇〇	五五〇〇	二八〇〇	二三〇〇	同上	五〇〇〇
同右	同右	同右	同右	同右	同右	同右
至二體厚三分不等	同右	司令塔鐵甲板二、至四六尹	砲台司令塔水線以下甲板三五、六	露砲塔司令塔鐵帶中央八六八尹	砲塔司令塔鐵甲板一四〇〇、二四〇〇、二四〇〇、	砲塔司令塔鐵甲板二四〇〇、二四〇〇、二四〇〇、
一二	同右	二三	一八	一一	一四	一七
	同右	同右	四	一	同右	四
一五	同右	一八、	一五、	一一、	同右	一五、五
光緒七年 西元一八八一	同右	光緒十二年 西元一八八六	光緒九年 西元一八八三		同右	光緒十三年 西元一八八七
一三五	同右	二〇二	二〇四	一四五	同右	二〇二

第一左隊	福龍	鎮中	鎮南	廣丙	廣甲	揚威
水雷艇	慈洋水雷艇	同右	砲艦	同右	同右	同右
一〇〇〇	一五〇〇	同上	三五〇	一二〇〇	一六〇〇	同上
同右	同右	同右	鋼	同右	鐵骨木皮	同右
艇體厚三、一六寸		艦體厚三分至二分	艦體厚三分			同
六	二	同右	五	一一	一〇	同右
三	二					
二四、	二三、	同右	八	一七、	一四、七	同右
光緒十三年 西元一八八七	光緒十一年 西元一八八五	光緒七年 西元一八八一	光緒五年 西元一八七九	光緒十七年 西元一八九一	光緒十三年 西元一八八七	同
二九		五四	五五			同右

第二款 日本海軍參與黃海戰之兵力

右 第三號隊	右 第二號隊
同上	同上
同上	一四五
同右	同右
同右	二
同右	二
同右	一八
同	光緒十一年 西元一八八五
右	
同右	二八

艦名	松島	殿島	橋立
艦種	海防艦	同	同
馬力	五四〇〇	同	同
艦質	銅	同	同
裝	露砲塔 砲塔 司令塔	同	同
甲	三〇〇 一〇〇	右	右
主要兵器	二九	三一	二〇
速	四	同右	同右
力進水年月	一六〇〇 明治二十三年 西元一八八九	同右	同右
定員	三五五	明治二十二年 西元一八八八	明治二十四年 西元一八九〇
	同右	同右	同右

甲午中日戰爭紀要

比叻	千代田	秋津洲	高千穗	浪速	扶桑	吉野
鐵塔 甲艦	鐵甲帶 巡洋艦	同 右	同 右	巡洋艦	鐵塔 甲艦	巡洋艦
二五三五	五六七八	右八五一六	右	七六〇四	三六五〇	五九六八
鐵骨 木皮	同右	同右	同右	同右	同右	同右
水淺鐵甲帶	司令塔	司令塔 彈藥路	同	司令塔	水淺鐵甲帶 橫間隔壁 胸壁 司令塔	司令塔
一一四	三三	五五一	右	五一	一一五 一〇三 一六四	一〇二
一八	二七	二六	同右	二四	二一	三四
二	三	同右	同右	四	二	五
一三、〇〇〇	同右	一九、〇〇〇	同右	一八、〇〇〇	一三、〇〇〇	三三、〇〇〇
明治十年 西元一八七七	明治二十三年 西元一八八七	明治二十五年 西元一八九一	同 右	明治十八年 西元一八八四	明治十一年 西元一八七八	明治二十五年 西元一八九一
二八五	三〇六	三一四	三五二	三五二	三四五	三八五

赤城	砲艦	九六三	鋼			一〇		10,250	明治二十一年 西元一八八七	一二六
西京	代巡 用洋艦	四三〇〇	同右			四		15,000		

第二款 參戰之兩國軍艦勢力比較

軍艦國	軍艦數	軍艦種別			軍艦水雷艇	水雷艇	砲	速	力	排水量		馬	力
		鐵甲	半鐵	非鐵						總計	平均		
日本軍	三	一	二	九	三	二	二〇	五	一六三	四〇〇〇	三三〇	七〇	六八
中國軍	四	六	八	三	〇	四	八	三	一四三	三三〇〇	二五〇	四〇〇	三三

第三節 黃海戰之開始 參看附圖第五

丁汝昌自率全艦護送銘軍於十七日抵鴨綠江。澈夜渡兵登陸。至十八日晨。

丁氏復催促迅速卸盡。并令各軍艦於午刻起碇。仍歸旅順。乃於十時頃。突見黑烟一縷。自西南來。測望之。船皆懸美國旗。十一時頃。船來愈近。凡十二艘。皆易日旗。汝昌乃令起碇。作戰備。以鎮遠，定遠爲第一隊。致遠，靖遠爲第二隊。經遠，來遠爲第三隊。濟遠，廣甲爲第四隊。超勇，揚威爲第五隊。共十艘。先是丁汝昌與德員漢納根。Major Von Hammeken 英員泰萊。W.F. Gil 皆聚在定遠艦之飛橋上。共商應敵之策。議決分段縱列。以待日艦之來。及起碇。發出指揮艦隊排佈之信旗。而信旗所示爲諸艦相并橫列。以主艦居中。并非適所議決之陣勢。時丁汝昌與漢納根立於飛橋之前方。泰萊見陣勢已錯。欲請更改。恐陣勢益亂至渙散不可收拾。兩害相權。以保持現狀爲輕。遂忍而未言。乃兩翼弱艦。覺其位置之危。逗留於後。艦隊因成半月之形。定遠，鎮遠二主艦。自然居於前方。是時日艦採用單縱列之戰陣形。其赤城及西京丸。則由右側移於左側。(非戰鬪側)午後零時五分。伊東命各艦揭大軍艦旗於檣頭。兵員就戰鬪配置。由是兩方艦隊。愈接愈近。泰萊見日艦之進行。似欲橫攻

中國艦隊最弱之右翼。因獻策於丁汝昌。令全隊向右移四度。或可使主力艦最先與日艦接觸。丁汝昌採納。漢納根卽至船後。指揮旗尉下降信旗以示移動。泰萊立於瞭望塔之入口。候舵機之轉。久不見其動。因顧謂劉步蟾曰。總兵改道之旗已下。君若不向左轉舵。艦隊將愈紛亂矣。步蟾乃令曰「舵左轉」。然復低聲曰「慢——慢——」。結果艦止不動。泰萊大恚。加以詛詰。旋由瞭望塔跳下。奔赴丁汝昌所。此時飛橋上只丁氏一人。言語不通。意不能達。飛橋又年久失修。難當重震。當此之時。劉步蟾突發橋下之砲。轟然一聲。橋爲震斷。丁汝昌與泰萊同自空中墜落。均受重傷。黃海之戰。於是開始。

第四節 黃海戰之經過

丁汝昌時雖受傷。仍危坐定遠甲板上督戰。日艦吉野，高千穗，秋津洲，浪速四艦居先。松島，千代田，嚴島，橋立，比叡，扶桑次之。西京丸，赤城則在後方之右側。作一字堅陣進撲。其司令伊東祐亨則以松島爲旗艦。自乘以督攻。午後零時五十分。兩方艦隊相距約六千米達。中國旗艦定遠開始砲擊。諸

艦齊應。彈丸悉落於日艦近傍之海上。適微風從東方吹來。硝煙橫蔽前面。日艦即增加速力。轉道左行。午後零時五十五分。距中國艦隊右翼約三千米達。即以右舷火砲。開始向揚威，超勇諸艦猛攻。午後一時五分頃。其先頭諸艦與揚威，超勇等艦相距約一千六百米達。雙方砲戰益爲猛烈。未幾揚威，超勇相繼起火。超勇沉沒。官兵燼焉。揚威亦攔淺不能轉動。自超勇沉後。平遠，廣丙亦來會。而船弱不能任戰。日艦復分兩枝左右環裹而攻。於是中國艦隊陣形遂亂。難於肆應矣。當日艦拂中國艦右翼而過也。其比叻，扶桑，赤城不及從。向定遠，來遠中間突進。定遠，來遠，及經遠環而攻之。卒受重創而逸。

致遠彈藥盡。適與日艦吉野相值。管帶鄧世昌謂倭艦專恃吉野。苟沉是船。足以奪其氣而集事也。遂增足速力以突吉野。欲與同沉。吉野駛避。而致遠反中其魚雷。機爐迸裂。船遂左傾。須臾沉沒。鄧世昌及所部二百五十餘人皆溺。鄧氏遇救出水。以闔船併命。義不獨生。仍復奮身投海以死。時已逾午後三時矣。是時福龍及左一雷艇亦由大東溝駛至。傍定遠右側以自衛。亦不得力。

濟遠見致遠沉。管帶方柏謙大懼。急圖逃逸。誤至水淺處。撞揚威裂一大穴。揚威旋亦沉沒。自管帶林履中以下皆死。由左一雷艇挽救。獲生者六十餘人。濟遠既逃。廣甲隨之。靖遠，經遠，來遠不能支。亦駛出陣地逃避。吉野，高千穗，秋津洲，浪速追之。靖遠，來遠避至大鹿島側。而經遠管帶林翼升并大副二副先已陣亡。船行無主。亦被擊沉。廣甲自逃出陣外。夜半駛至大連灣三山島外。迫近叢石。管帶吳敬榮只防後追。不顧前路。遂擱礁不得出。越日爲日艦所見。發水雷轟碎之。諸艦既逃。日艦松島，千代田，嚴島，橋立等。卽圍攻鎮遠，定遠二艦。鏖戰一時許。松島幾爲定遠擊沉。而定遠亦受重傷。械彈俱盡。時已日暮。日艦恐爲中國魚雷所乘。解而南去。鎮遠，定遠亦卽西歸。翌晨抵旅順。濟遠已先逃歸。泊港內。二十四日。奉李鴻章電令斬方柏謙于旅順。

是役中國失艦五。存者亦各創甚。已不成軍。丁汝昌方向李鴻章告捷。謂在大東溝洋面與倭艦接仗。力挫兇鋒。各將士奮勇出力。李鴻章上其事。請獎敘

將弁十餘員。死事諸人皆得優卹。計此戰官弁死難八十七員。而以鄧世昌爲最烈。并死洋員宜格爾一員。傷十一員。兵死傷一千餘人。丁汝昌亦受彈傷腰倒地。扶入艙。戰事則由德員漢納根指揮。然漢亦陸將。於海事非其所長也。日軍官兵死傷二百八十餘人。

第九章 黃海及平壤戰後中國軍之總方略參看附圖第六

第一節 對於前線之佈置

方中國軍據守平壤時。清廷以平壤後路需兵孔急。令四川提督宋慶由旅順率毅軍五營。步隊四營 親兵一營總兵劉盛休由大連率銘軍十二營。黑龍江將軍依克唐阿由該省率鎮邊軍十二營。齊赴安州。進勦肅川及順安之敵。以通南北要道。當時除依軍應陸行外。銘軍十二營先由海運至鳴綠江口登岸。并命丁汝昌率海軍全隊翼護而行。乃海軍於回航之日。與日艦在黃海遇戰。蒙大損傷。遂駛至旅順港內。從事修理。見第八節是時毅軍尙未出發。李鴻章以海戰結果。已失海運之途。而是時平壤敗報又至。益需派兵進援。因以大費躊躇。乃忽得中日兩國艦隊損

害相同之情報。方以敵艦亦必駛回修理。毅軍仍可乘間由海路潛運。卽令提督姜桂題。總兵程允和。準備率桂軍和軍七營。由大沽運赴旅順填防。復發訓令與宋慶及北洋前敵營務處龔照璦。其大旨如左。

一、葉衛等軍目下退却安州。倭兵必乘勢進逼。

二、銘軍已上陸。不日可到義州。該軍若爲前軍之支柱。貴軍卽到義州收拾潰軍。再與銘軍聯合進攻。

三、望在鴨綠江邊及大東溝配置砲台及水雷。擇險扼守。我軍在安州及義州如不能抵抗時。卽可以此爲退却之支撐。

四、目下時局困難。君相惟公是賴。令貴部五營。卽用民船搭載。以小汽船遇順，利順，金龍三艘牽曳。乘倭艦回國修理。潛行輸送。

五、姜程等七營。俟貴軍出發之期報到。卽於二十日或二十一日。以汽船五隻輸送旅順。

惟是時僅金龍在旅順港內。其遇順，利順，尙蟄伏在大東溝。毅軍依然不能

海運。適李鴻章又得報。日艦八艘徘徊於鹿島附近。又二艘在威海衛附近遊弋。海運之念於以斷絕。遂令宋慶改由陸行。至桂軍和軍七營。則於二十夜先後運至旅順。

李鴻章海運既已失望。卽訓令丁汝昌。謂海軍現雖不能遠出。然爲使敵知我艦隊尙能運動。可在近海遊巡云云。但中國海軍受創甚鉅。修理需時。丁因李

氏之切望。僅以未經受傷之砲艦

鎮東鎮西
鎮北鎮遼

及水雷艇。在旅順及大連灣之間巡邏。

八月下旬。李鴻章又得報。有大部日軍分路北進。擬在金州附近截斷旅順後路

。并破壞船塢。

此際日本正在
編成第二軍

又有日艦九隻在大東溝測量海岸。鴻章推知敵軍必

係偵察其上陸點。因慮金州兵備薄弱。復電丁汝昌急速修理各艦。儘可用者。

卽出張順港外。以張聲勢。

九月六日。李鴻章據九連城電報。倭兵馬步各隊已抵義州。又得報敵軍將分路內犯。因復電告丁汝昌。并謂不日盛京直隸之地。必有大戰。定遠，鎮遠，靖遠，濟遠，平遠，廣丙等艦。急速修成。巡航海洋。使敵知我艦尙能運轉也

。七日。丁汝昌又奉清廷諭旨。着速修整各艦。如遇敵艦闖進。即邀擊之。敵若進攻沿岸。即與砲台協力。以收夾攻之效。李鴻章深以北洋水師。終難與敵頡頏。因于八日向軍機處請求。以南洋數艦與北洋水師合併。軍機處遲至二十四日始與南洋大臣劉坤一電商。但終未能行。

第二節 與敵持久之方略

黃海海權既歸敵手。李鴻章恐渤海海權。亦爲日本獨佔。故於天津，山海關等處。不得不以陸軍守備。但一已所恃之精銳。已全使用於國境。又不得不待新募之軍。與南省北來之軍隊。因於九月十二日前後。決定持久之策如左。

一、就現在可使用之艦隊。扼守渤海灣。

二、以掩護奉天之目的。東三省_{除遼東半島}之大部及河南，山西之一部兵。集

合於中韓國境附近。增加第一線軍。

三、旅順，大連灣之陸地防禦。以向國境行軍中之大同軍約二千。再增加

在天津集合之徐邦道拱衛軍五營。

四、以掩護北京之目的。在天津，大沽間。與山海關，秦皇島間。及通州附近。集合各省之大兵。

鎮遠以下六艦。十六日均已修成。十八日丁汝昌率由旅順出發。二十一日回航威海衛。以後即依上之計畫。不時遊弋於旅順，大連，威海之間。

陸上諸軍亦依上之計畫。至九月二十六日頃。東三省除遼東半島之軍隊已集合於

奉天，遼陽間。其他奉天捷勝營。遼陽知州徐慶璋新編之團練營。及吉林，黑龍江等省新募之軍。亦先後向奉天，遼陽續發。至河南之精銳營。及山西之大同軍。初向國境前進。嗣因李鴻章改令防守旅順。於九月中旬前後到著營口。

李又令在天津集合之總兵徐邦道拱衛軍五營。步隊三營馬隊一營砲隊一營赴大連灣防禦。該部

於二十五日運抵大連。是時代毅軍在旅順守備。有桂字和字七營。代銘軍在大連守備。有懷字六營。均係新募之兵。訓練未熟。

是時山海關，秦皇島間。已有野戰軍二十七營。復以增厚守備之目的。以總

兵余虎恩在湖北新編之振字三營。虎字七營。計四千五十人提督熊鈇生在湖北編成之

鐵字十營。布政使魏光燾由湖南所率湘軍武威六營。計三千二百六十四人先後開赴山海關

，秦皇島間。又在天津，大沽間集合五十五營。北塘四營。蘆台一營。其他小站則有總兵衛汝成新編成字五營。故是時在直隸沿岸野戰軍。總計九十二營。其兵員至少亦在四萬以上。此際北京，通州間。尙有山西，河南等一部之兵力到着。

奉天省 含遼東
半島

內及渤海沿岸。截至九月二十六日。集合軍隊之位置。如附圖

第六所示。

第十章 鴨綠江之役

第一節 日本軍之作戰指導

中日在未宣戰之先。日本軍大本營設在東京。任混成第九旅團及海軍之指揮。至六月下旬。雙方逐漸揭開戰幕。日本即編成第一軍。開赴朝鮮。是時大本營因負有全軍最高統帥之權能。爲求指揮靈敏。遂移於出師要衝之廣島。

日本自八月一日。令第一軍編成。并令第三師團殘部出征。此等諸隊於八月上中旬。由宇品出發。在仁川及旗津浦登陸。概於同月下旬。與軍司令部到達

平壤。

此際據日日所得情報。鴨綠江方面之中國軍。其數日見增加。山縣大將認爲。有急速向鴨綠江前進之必要。遂於九月上旬以降。命諸隊逐次由平壤出發。但以交通不便。與糧秣缺乏。於九月二十日前後。始達義州附近。是時在鴨綠江畔集結兵力之山縣。正準備攻擊對岸之中國軍。適又奉到大本營命令。其要旨如左。

茲令大山大將。以第一第二師團及混成第十二旅團編成第二軍。與聯合艦隊協力佔領旅順。其第一師團及混成第十二旅團。於本月十五日由宇品出發。第二軍司令部十六日出發。先向大同江集合。第一軍務牽制前面之敵。間接援助第二軍之作戰。

山縣既奉上之命令。益認爲攻擊鴨綠江對岸敵人有急速之必要。因於同月二十六七日決行攻擊。

第二節 中日兩軍在鴨綠江畔之攻防

第一款 中國軍之防禦部署參看附圖第七

清廷於八月上旬。既令宋慶率軍赴安州。并以大同軍及豫軍精銳營屬其指揮。李鴻昌又屢電催促。十六日宋慶復電略云。以毅軍四營暫駐義州。或可自守。若云對敵進出。殊多危險。倘必欲使慶進剿倭寇。非添練三十營難操勝算。爲今之計。先駐守義州。一面急募新兵。并籌備餉械。毋令缺乏。始可進攻。若僅以某軍某營歸慶節制。徒有增兵之名。其實毫無所益。李氏得電。據以上奏。請添募新兵三十營。十八日奉旨照准。并復電促慶迅速出發。嗣以海運路絕。而平壤又陷。不得不變更計畫。遲至二十一日。始由分統總兵宋得勝。先率四營由旅順經金州貔子窩及大孤山向鳳凰城前進。宋慶仍留旅順籌畫募兵事宜。至二十三日。奉清廷國境防禦之諭旨。及李鴻章命令。二十七日始率親兵小隊由旅順啓行。九月十日抵鳳凰城。即與宋得勝先率之四營會合。於十三日同赴九連城。駐在該地之大樓房。以待依克唐阿之來到。

自八月中旬平壤失陷。李鴻章即電依克唐阿速赴九連城與各軍聯合。以阻敵

之北渡。中旬以後。經清廷與李鴻章疊電催促。仍因處理兵站業務軍隊編成及募兵計畫等。滯留奉天。至八月二十九日。李氏又電依云。今倭勢將北犯。九連及鳳凰等處。首當敵衝。銘毅各軍已調紮九連城。務希貴部即調紮驪河地方。九月三日。軍機處又電依云。今軍事切迫。間不容髮。廷諭已命宋帥幫辦北洋軍務。除貴將軍一軍外。其餘統歸宋幫辦節制。希貴將軍即與宋帥協商江防。(鴨綠江)及保守九連鳳凰等策。以固奉南。五日。李鴻章又電依云。倭寇有渡江西犯之徵。其意專攻旅順之後路。希貴將軍與宋帥協議。扼要布置。以牽制倭寇之西犯。

依克唐阿接奉上之諭旨及李鴻章電促。至九月八日。始率鎮邊軍馬步隊十三營。步隊四營內二營爲獵夫隊馬隊九營共約四千人由奉天出發。十五日到大樓房。與宋慶協議防守鴨綠江右岸之策。二十二日。決定由長甸河口附近至安東縣。(約十五里)分割左右二區。其兵力之配備如左。

甲 右翼 總指揮官 提督宋慶

司令部在
革子溝

一、九連城堡壘團

司令官 總兵劉盛休

銘軍步隊十營一哨。殘留大連灣之八哨中又調來六哨。於二十二日到達。大連僅餘二哨。馬隊一哨。(約四

千七百五十人)野砲十四門。山砲十五門。

二、由粟子園(瓦虎山間)

司令官 總兵聶士成

牙山軍步隊六營一哨。及銘軍馬隊一營。(約二千七百五十人)山砲

十門。含有速射砲

三、榆樹溝附近驪河右岸

司令官 總兵馬玉崐

毅軍步隊五營及親兵。(約二千五百人)山砲六門。

四、葦子溝附近驪河右岸

司令官 總兵宋得勝

毅軍步隊四營。(約二千人) 山砲六門。

五、接鴨綠江右岸之沙河兩岸

司令官 總兵呂本元 孫顯寅

盛軍步隊十二營二哨。馬隊五營二哨。(約六千三百人) 野砲二十二門。機關槍四門。

六、葦子溝附近

直屬宋慶之親兵約四百人。

計人員一萬八千二百五十人。
野山砲七十三門。機關槍四門。

乙 左翼 總指揮官 將軍依克唐阿 司令部在長甸城

一、安平河口鼓樓子及蒲石河口

司令官 侍衛倭恆額

齊字練軍步隊四營。馬隊二營。(約一千五百人) 野砲四門。

二、東陽河口，蘇甸河口，及長甸河口

直屬依克唐阿之鎮邊軍步隊四營。馬隊九營。(約四千人)砲四門。

計人員五千五百人。
野砲八門。

兩區兵力總計人員二萬三千七百五十人。
野山砲八十一門。機關槍四門。

九月二十日。清廷奪葉志超職。逮開衛汝貴、命宋慶總統諸軍。聶士成接統盛字軍。呂本元、孫顯寅二人爲幫統。

第二款 日本軍之攻擊部署 參看附圖第八第九

初，第一軍司令官山縣有朋。擬以軍之主力。由安東縣附近渡鴨綠江。遮斷在九連城中國軍之退路。嗣以偵察之結果。安東縣附近鴨綠江之河幅廣闊。沿岸一帶沼澤又多。因變其企圖。由義州附近渡河。且以一部進出於水口鎮附近。遂於二十六日發下命令。命所部全軍向義州前進。并令軍砲兵部長黑田(久萃)少將。偵察砲兵陣地。軍工兵部長矢順(秀一)大佐。擬定鴨綠江架橋計畫。

基於上之命令。第三師團長中將桂太郎。即令佐藤大佐。率步兵第十八聯隊

。(欠第一大隊及第十二中隊)及野戰砲兵第三聯隊第二中隊之一小隊。到水口鎮。其餘諸隊於二十五日悉抵義州。第五師團長中將野津道貫。率其所部。亦於二十六日悉抵義州。

第一軍司令官山縣入義州。

九月二十五日

先登統軍亭。親行偵察前方敵狀及地形。

并綜合諸種報告。決定先擊攘在虎山附近之中國軍。再向九連附近攻擊其左側背。但此兩地一日間不能全攻。因規定第一日^{二十七日}先略取虎山地方。行充分偵察。第二日舉全力以攻擊九連城。其計畫如左。

一、二十六日以一支隊

由第三師團派遣水口鎮步兵二大隊。
(欠一中隊砲兵一小隊而成。)

在水口鎮附近渡鴨綠江

水口鎮稍上流鼓樓子有徒涉場

擊攘對岸之敵。然後向西南栗子園方向前進。以爲二

十七日攻擊之先步。

二、編成架橋隊。利用二十六日夜暗。先以渡船渡過掩護隊。潛伏於中江

台。即施行鴨綠江架橋。

三、第三師團二十七日天明以前。全部渡過鴨綠江。由拂曉攻擊虎山附近

之敵。

四、預備砲廠之過半。由二十六日晚於義州東北高地元化洞西北高地占領陣地。二

十七日天明以前。援助第三師團之攻擊。其殘餘二部。以大部準備追擊運動。小部附步兵部隊。派遣至古城麻田洞附近。牽制安東縣附近之敵。

五、第五師團位置於義州架橋點之近傍。直行渡江。參與攻擊。但立見旅團以一部接續第三師團渡過軍橋。以掩護該師團之左側。

第三節 鴨綠江畔戰鬪之經過參看附圖第九

自九月二十二日以後。日陸軍第一軍既逐次集於義州。至二十六日午前十一時頃。其佐藤支隊由水口鎮東杜武谷開始徒涉。向安平河口前進。以砲兵一小隊放列於徒涉點之南方高地。步兵一小隊佔領通往徒涉點道路兩側之高地。以援助其渡河。先以一部(第五中隊)擎槍探水徐渡。將達中洲姜甸附近。守口之依克唐阿軍見之。即舉槍遙擊。南岸高地日砲兵小隊。亦即開始砲擊。乃依軍甫

受一二發之砲彈。卽紛亂潰逃。於是佐藤其餘諸隊。遂乘間開始渡河。是時在鼓樓子及安平河右岸之中國砲壘。亦開始砲擊渡河之日軍。南岸高地之日砲兵。旋亦還擊。至午前十一時四十分。佐藤先渡之一部。已在北岸散開前進。遇依軍馬隊二百餘騎。或徒步。或在馬上。向之射擊。既而佐藤支隊後渡之各部隊陸續到達。加入抗拒。依軍馬隊遂不能支。其大部向安平河之上流。一部向鼓樓子方面潰走。乃鼓樓子砲壘守兵見之。亦委棄砲壘而走。午後零時二十五分。日兵進至安平河口左岸高地。適值向安平河上流潰走之依軍馬隊。誤入山溝。路絕不通。復迴馬南行。致爲日兵攔口截擊。死傷百餘人。安平河口之砲兵。亦棄砲而逃。依克唐阿得報。卽東北奔寬甸。時正日本第二軍襲登花園港之日也。

在安平河口及鼓樓子之依軍。既已潰逃。日本佐藤支隊。卽向栗子園方面前進。午後三時頃。抵安平河口西南方約一里半之高地。日已沒。遂在該地露營。

日軍佐藤支隊既由東路上游渡江。其架橋隊遂乘夜在虎山對岸架設軍橋。二

十七日天尙未明。其第三師團主力。卽通過軍橋。向虎山進攻。初。宋慶聞佐藤支隊向粟子園方向前進。擬俟其進至粟子園附近。卽施行逆擊。於是整其部伍以待。乃得報日軍大部已由虎山附近開始渡河。虎山勢如虎蹲。爲九連城險塞。宋慶復遣諸軍。由粟子園。葦子溝。及九連城各方面向日軍逆襲。是時日軍第一線部隊。頗受壓迫。其後方部隊亦不能續行通過軍橋。戰況已陷於不利。至午前十時頃。中國守軍及守砲壘之銘軍。不堪鏖戰。忽爾後退。諸軍亦望風相從。不可遏止。僅聶士成所部牙山軍。尙據守虎山未動。日軍得此轉機。遂環攻虎山。戰一時許。聶部終以兵單不支。亦退渡驪河而西。於是驪河以東經營月餘之各壘。不崇朝皆爲日軍所據。宋慶恆懼。北走鳳凰城。二十八日。九連城上遂見日旗之飄展矣。

當日兵之未渡也。遣奧山支隊

步兵第二十一聯隊第三大隊(欠一中隊)預備砲廠野砲二門

循鴨綠江而西。屯麻

田浦。(在安東對岸)以砲擊中國軍安東諸壘。至是九連城日兵。亦分枝東下。豐陞阿，聶桂林不虞日兵夾江而來。亦棄安東奔岫巖州。日兵遂入安東。自是

東起安平河口。西至安東。沿鴨綠江境。皆陷於日軍之手。

宋慶既退至鳳凰城。聶士成，呂本元，孫顯寅，江自康，聶桂林，劉盛休各部。及其本部毅軍。亦均先後到達該處。雖經潰敗。兵力尙不薄弱。乃宋慶以鳳凰城不可守。請退扼摩天嶺以守遼陽州東道入告。乃於十月一日棄鳳凰城而走。二日。日軍又入鳳凰城。

當日軍奪取安平河口。依克唐阿即奔寬甸。致蘇甸，長甸相繼失陷。九月終。依克唐阿接宋慶退守摩天嶺之通報。始知宋軍退却。十月六日。值分統倭恆額在寬甸城南佈防。乘間出西門逃遁。於是寬甸諸軍及蒲石河口守營。從風北潰。九日抵饗馬集附近。日兵遂入寬甸。

第十一章 遼東半島東北地區諸役

第一節 鴨綠江畔戰後中日兩軍之佈置 參看附表第三

第一款 中國檄調援軍向奉天遼陽之間集中

軍機處二十八日接到鴨綠江畔之敗報。即日令東三省將軍在奉天遼陽間集合

軍隊。此外各省之野戰軍。亦悉在該地集中。各軍之集中情形。大要如左。

一、奉天將軍裕祿。令在營口之新奉軍步隊五營。及在鐵嶺附近編成中之鐵字步隊十六營。隨時編成。卽隨時向遼陽附近集合。景字步隊五營。令至摩天嶺西方浪子山。靖邊軍步隊四營馬隊一營。令至奉天東方之福陵。在遼陽之鎮東軍。則令其急速編成。

二、吉林將軍長順。令靖邊軍步隊十六營。馬隊二營三哨。砲隊四哨。計十

六門 向奉天進發。又吉字步隊八營。馬隊四營。準備整頓。次第出發。

三、黑龍江將軍依克唐阿。當時以一部任鴨綠江上流防禦急調敵愾軍步隊十營。迅速前進。

并急調其續募之四營。又令在省之齊字練軍步隊四營及齊字新軍馬隊三營進發。

是時由山海關東進之部隊。不過總兵程之偉所率之大同軍馬步八營。總兵蔣尙鈞所率豫軍精銳馬步五營。該豫軍於九月下旬。奉軍機處電令屬依克唐阿指揮。援助奉天防禦。十月中旬到着奉天。又命赴援旅順。至大同軍於九月二十

二日抵營口。遂淹留不進。

十月三日。中政府設立全軍之統帥部。名曰督辦軍務處。以恭親王督辦軍務。各路統兵大員。均歸節制。慶親王奔助幫辦軍務。并派翁同龢，李鴻藻，榮祿，長麟，會同商辦。

當時由南方諸省北上軍隊已達天津者如左。

- 一、按察使陳湜之福壽軍十營
- 一、提督陳文炳之威靖軍步隊十營
- 一、總兵田在田之乾字軍步隊六營

此中福壽軍抵津後。即轉赴山海關。至十月七日。提督唐仁廉并提督吳鳳桂所率鳳字軍步隊四營。及道台李光久所率老湘軍步隊二營。亦到達天津。

是時宋慶已退至摩天嶺附近。以一部佔領連山關。主力位於摩天嶺。固守該地以掩護奉天。旋接金州副都統連順之通報云。軍日已由花園口上陸。漸次向金州前進。但宋慶雖接此報。總以花園口上陸之日軍必向北進。急馳使令在大

東溝，大孤山附近奉軍。

司令官總
兵孫桂林

及盛字練軍。

司令官待
衛豐陞阿

占領岫巖地方。并派

總兵宋得勝。率毅軍一部。赴該處協防。

宋慶既退至摩天嶺。一意注重奉天防禦。尤於摩天嶺之陣地力求鞏固。并竭力恢復軍隊之戰鬥力。旋又以一己之位置偏倚一方。總統諸軍殊感不便。且由花園口上陸之日本軍。若果北進。岫巖，析木城方面。亦甚危險。爲便於操縱摩天嶺及岫巖兩方面之軍事起見。決心移駐海城。蓋是時依克唐阿已退抵寨馬集附近。與摩天嶺之兵聲氣相通。此際又見日本軍之前進并不若其預想之速。因將摩天嶺之防務委聶士成担任。九日。親率毅軍由摩天嶺向海城急進。十一日。達海城。乃於此行進間。情況大異。蓋九十兩日。金州，大連灣，相繼失陷。旅順危如累卵。宋乃奉命救援旅順。

第二款 日本軍之準備冬營

鴨綠江戰鬪前後。日本第二軍由花園口附近上陸。十月九十兩日。佔領金州及大連灣等處。是時第一軍所受任務。已大體達成。爾後該軍應如何使用。轉

爲一種問題。當時依大本營之攷慮。在此時機。冬季卽能斷行直隸平野之決戰。雖不可知。但以旅順未陷。中國艦隊亦未全亡。今卽準備直隸平野之決戰。似嫌過早。然於此際攻略奉天。則又有給養困難之虞。左右思維。除令該軍於現在地附近準備冬營以待時機外。亦別無他法。因此項意圖電達山縣大將。山縣基於此項意圖。卽令兩師團在灤河，大洋沙之兩水域布置冬營。

第二節 岫巖及賽馬集之戰鬪參看附圖第十十一

日本第一軍既擬布置冬營。爲使警戒線免受壓迫起見。以第五師團立見支隊步騎約四
千砲八門由鳳凰城出發。掃蕩賽馬集。以第三師團大迫支隊步騎約三
千砲六門由大孤山出發。進攻岫巖。

第五師團長野津中將。復令立見少將派少佐三源重雄。率步兵一大隊。騎兵若干。前赴岫巖。以援助大迫支隊之進攻。大迫支隊遂於十月十七日。由大孤山經土城子，老孫家堡，土門子嶺，洪家堡子。以攻岫巖之南。三原所部則從何家堡西北行。至高家店。折而西。經老爺廟。至黃花甸。折而南。經嶺溝，

黃嶺子，輿隆溝。以攻岫巖之北。會豐陞阿，聶桂林自安東逃至。尚有步兵十營。馬隊三營。乃分兵北扼黃嶺子。南扼土門子嶺，洪家堡子。以禦兩路來犯之敵。黃嶺子居高臨下。地甚險峻。中國軍以馬步五營據之。岫巖北面頗足自固。二十日。三原所部已抵黃嶺子山下。踰日分兩部進攻。其先頭數十人。奮勇登山。後隊繼之。黃嶺子山頂竟爲所佔。中國軍棄險而走。退守輿隆溝。是時岫巖南面之中國守軍。亦爲大迫支隊逼退。洪家堡子復爲日軍所踞。豐陞阿等見南北兩路驟迫於敵，遂棄岫巖夜奔析木城。二十二日。日兵入岫巖。自是凡東邊道所轄全境。幾全爲日兵佔據矣。

日兵以立見支隊由鳳凰城出發。向賽馬集前進。同時令其少佐今田維一。以

步兵第二十二聯隊第一大
隊騎兵一小隊砲兵一小隊

自鳳凰城出。西犯連山關。經雪裏店。金家河子。樊

家台。二道房身。通遠堡。至草河口迤而北。十月十五日。其騎兵已抵連山關。是時連山關爲呂本元。孫顯寅。率盛軍駐守。其地極險要。日騎兵甫至。卽奪關口。大隊繼至。呂孫二部遽退。日兵遂陷連山關。直趨摩天嶺。聶士成扼

隘路。以巨砲當其衝。復張旗幟於叢林間。鳴鼓角爲疑兵。時出截殺。而露宿以守。日兵不得逞。乃撤回連山關。十七日。又有日兵一小隊。自驪陽邊門進至賽馬集。以施行偵察。中國馬隊乘之。日兵駭遁。馬隊追至馬鹿甸子。日軍死傷甚衆。卽越嶺逃去。

日兵以西路既阻於摩天嶺。而東路復有賽馬集之敗。恐依軍塞草河口以截其歸路。復令中佐富岡三造步兵第二十二聯隊第二大隊。(欠第七中隊)步兵第十二聯隊第八中隊。騎兵第二中隊。(欠一小隊)砲兵第二中隊。(欠一小隊)增

兵連山關。二十四日。移向草河口。依軍屯草河城者擊之。相持一時許。會日暮。二十七日。日兵棄連山關。合併于草河口方面。以截西路叢軍東路依軍之通路。二十九日。土成乃收復連山關。遂進抵分水嶺。以附日軍之背。依軍亦分兩路西攻。於是日軍前後受敵。幾不支。惜草河口孔道隔於日兵。叢依兩軍不及聯絡。是日依軍猛戰。斬獲甚多。薄暮叢軍先退。及夜大雪。依軍亦退。

是役也日兵旣在草河口未得志。至十一月初三日。立見少將以大隊來援。犯賽馬集及援草河口方面。時依軍佔據自賽馬集至崔家房山頂。初四日。敵分兩

路來犯。先奪佔崔家房山頂。依軍扼北面大山。隔水相持。至日暮。方擬倚山自固。而日兵已繞至山後。截其歸路。依軍乃乘夜全師撤退至本溪湖。

日兵與東路依軍戰於草河城，崔家房也。西路摩天嶺之聶軍。已收復連山關。初九日。復奪回分水嶺。提督聶士成時聶士成已擢直隸提督令夏青雲率馬隊駐焉。又令耿鳳鳴率奉軍據連山關。呂本元，孫顯寅統盛軍守甜水站。江自康率仁字營守老虎嶺。沈增甲，聶鵬程兩營駐齊家巖。日兵在草河口大隊。因鳳凰城空虛。恐爲依軍牽制。且慮聶士成躡其後。亦於是日棄草河口。退歸鳳凰城。

第三節 樊家台及草河附近之戰鬪 參看附圖第十二

日軍既棄草河口。中國東路依軍與西路聶軍乃得聯絡聲勢以自壯。此際依克唐阿招致之敵愾軍及黑龍江省諸軍。亦均到達。兵力增大。乃擬與聶士成合力南進。以圖恢復鳳凰城。因先以兵力集合於崔家房附近。聶士成以新募步隊三營馬隊二營援助之。依克唐阿乃編成二攻擊之部隊如左。

第一縱隊

敵愾軍步隊五營

靖遠新軍步隊三營

新募馬隊二營

聶士成所部之兵

第二縱隊

敵愾軍步隊五營

鎮邊軍步隊一營馬隊一營

新募步隊三營

聶士成所部之兵

十一月十二日。依克唐阿親率第一縱隊由奉天大道。第二縱隊由敵愾軍分統侍衛壽山率之。由賽馬集大道。向鳳凰城前進。十三日。第一縱隊在樊家台遭遇日軍。立見牽制支隊雙方激戰。死傷甚烈。至日將暮。依軍回屯草河口。

是時其第二縱隊於十四日始達龍安。壽山得知第一縱隊之戰况。并察知在鳳凰城之日軍無多。可以乘機進取。因於十五日擊攘日軍之偵察隊。進抵鳳凰城東方草河口之左岸。與日軍夾河對峙。十六日。展開全兵力與日軍隔河對戰。

乃因疏於警備。致爲日軍乘夜潛渡草河來襲。并由上風縱火。中國軍方在酣眠。驚起四竄。多死傷。十七日。兩軍鏖戰於一面山南。戰况至爲激烈。日軍以一部由中國軍左翼繞出側背。於是中國軍之左翼大潰。時右翼則據一山坡。最得地勢。可俯擊。日軍死傷甚衆。乃左翼旣潰。日兵遂集全力以攻右翼。將截斷其後路。右翼亦不支。遂相繼越一面山。退過長嶺子，三家子。十九日至長嶺。復遇日軍。蓋立見尙文時在樊家台未歸。聞中國軍有由賽馬集西下者。乃分樊家台兵狙伏長嶺。以截中國軍之歸路。中國軍自一面山之退。歸途亂次行。猝中伏。頗有喪失。馬隊統領侍衛永山死馬。

時安東日軍已西犯。陷海城。遼陽西路危急。清廷詔依克唐阿援遼陽。十二月初旬。依克唐阿遂去東邊。會吉林將軍長順。四川提督宋慶。與海城之敵相對峙。而日軍亦以全力爭之。東邊之日兵遂陸續赴海城。以是鳳凰城之日軍。乃歛鋒分踞薛里站，康家堡一帶。作持久之防禦。

第四節 陡嶺子及土門嶺之戰鬪

參看附圖第十三

聶士成以戰事起後。但聞敵來。未聞我往。故敵得前進無忌。乃電請於諸帥。謂願親率精銳千人。直出敵後。往來游擊。截饜道。焚積聚。多方擾之。令彼首尾兼顧。然後以大軍蹙之。倭可克也。諸帥尼之不果行。十二月十五日。依克唐阿，長順，宋慶，約合兵攻海城。電約各路同時大舉。以分敵勢。十六日。聶氏自率馬步千餘人。過通遠堡，大甸子，金家河，雪裏站，以圖牽制。而盛軍呂本元，孫顯寅，奉軍耿鳳鳴，仁字營江自康。亦爲出隊助之。日兵伏不出。二十一日。鳳凰城日兵以大隊出戰。聶偵知之。因於三更率隊越山而東。伏孔家屯以待。日兵至。疑懼不前。而留屯西不去。二十七日。聶氏偵敵將至。以兵散伏陡嶺子，長嶺子一帶。令曰。聞山嶺號聲悉吹號應之。步隊即開始射擊。蛇行鼠伏。時聚時散。使敵莫測我軍虛實。此奇兵也。二十九日。日兵果至。中國軍號聲槍聲同時并發。日兵駭遁。自相踐踏。多死傷。三十日。聶氏料日兵必來襲。令夏青雲率隊伏土門嶺以待之。二十一年元旦。天微明。日軍果以馬步五百餘人來。夏青雲突起奮擊。日兵返奔。向雪裏站而逃。自是

益堅伏鳳凰城不出矣。

時遼東之金州，復州，海城，蓋平，已盡爲日據。山東之威海衛。亦燬於日海軍。而依克唐阿，長順，宋慶，吳文徵所部諸軍。復屢敗於海城。（詳後別章）畿疆危逼。清廷乃以江蘇臬司陳湜。率所部湘軍二十營。代聶士成守摩天嶺。命聶入關衛畿輔。正月十八日。聶氏率隊西上。經遼陽入關。自是摩天嶺之防。遂統於陳湜矣。

第五節 寬甸及長甸之戰鬪 參看附圖第十四

自依克唐阿。聶士成相繼西上。鳳凰城屯留之日兵益寡。於是鳳凰以北之戰事益鮮。初。中國東邊道原駐鳳凰城。自九連城，鳳凰城，相繼失陷。新授東邊道張錫鑾。遂統定邊軍屯通化縣。募新汰舊。得七營。以天津武備學堂丞商德正爲總教習。至是軍氣頗振。適奉天省城運槍械亦至。於是率部進駐寬甸北二十五里之大川頭。督諸營前進。令營官周廷順率奉軍新後營爲中路。營官林長青率靖邊右營爲東路。營官岳元福率新中營爲西路。皆期於寬甸北四十五

里之葡萄架山

與葡萄架嶺別

會師。分路前進。二月初二日正午。林長清一營行至大亮

子溝。遇日兵約三百餘人。由雙山子急行而東。相距約十餘里。林營嚴陣以待。張錫鑾亦令周廷順一營。馳赴蒲石河。扼西面敵援。岳元福一營則由小道繞至寬甸城西十八里岡埋伏。遏城中敵兵使不得出。林知後路有備。率三百人直進。遇日兵於一撮毛。林戒所部曰。與倭相距百步。始得發槍。迨近敵。彈出如雨。日兵不支。乃東潰。時鄉團已扼東路。日兵復反奔入寬甸南門。乃合其城中守兵出西門。將繞襲林部之後路。而岳元福大隊已至。迎頭痛擊。日兵死傷甚衆。乃大潰。向馨兒嶺而逃。張錫鑾遂復寬甸縣城。長甸日兵聞之。亦棄城去。初五日。又復長甸。商德正請於張氏云。宜乘我軍之銳。西上急攻。張錫鑾不許。初九日。日軍果棄香爐溝退至金廠。

日兵之踞寬甸，長甸，香爐溝三處。以爲互相犄角。今寬甸，長甸，旣相繼失陷。其香爐溝之守兵。乃移其輜重屯於土門嶺，長岡一帶。而乞援於九連鳳凰兩城。援久未至。遂不能支。棄香爐溝而去。是時張錫鑾調馬步各營陸續至

。遂令鄭寶廷率定邊左營駐寶和長酒店。營官李步彩率奉軍左營馬隊駐老豆樹。并分哨鬩陽邊門。以防日兵由鳳凰城竄入。擾亂後路。令營官趙得祥率定邊右營駐葡萄架嶺。林長清率靖邊右營駐望寶石。以斷鳳凰城來援之路。兼爲前敵聲援。十三日。令岳元福率其中營由紅銅溝入香爐溝。以進攻金廠。周廷順率其新後營自大安平直擣長岡。十五日拂曉。岳營冒雪進至紅銅溝南。日兵約千餘人分兩路來扑。一由金廠車道嶺出紅銅溝掌。一由紅銅溝岔繞出岳元福軍之後。岳分兵迎擊。鏖戰兩小時。日兵少却。而陡子嶺。二道溝兩處團勇。戰均失利。日兵遂由紅銅溝西繞出一股夾攻。岳部前哨哨官王維選，哨長權福廷，皆中砲殞。岳元福見入重地。遂撤隊。且戰且退。至紅銅溝。會左哨哨官劉開助率隊伏山岡下。俟敵迫近。突放排槍。日兵死甚衆。始遁去。

是日周廷順一營。亦於辰刻前進。距長岡不遠。突遇日伏兵二百餘人。自西山坡側出橫截。連放排槍。周營傷亡十餘人。日兵遂下山猛撲。周營乃繞南河坎蛇行而前。自民房後牆搶上日兵原据之山。日兵乃折回復搶山岡。周營以快

槍拾槍奮擊。斃日兵三十餘人。日兵氣沮，糾其長岡守兵傾巢來爭。適民團至與周營合擊。復斃日兵多人。日兵始退回長岡。會日暮。周氏恐其乘夜來襲。遂駐西山坡。至午夜始斂兵下山。

此戰張錫鑾軍頗得勢。日兵知必見逼。且深慮其兵孤懸驪河之東。應援難繼。遂於十八夜。棄金廠潛渡驪河。退回九連城。以阻河爲守。自是寬甸境內無復日兵之蹤影矣。

時日兵大半西赴海城。踞守東邊者寡。而九連城，鳳凰城，及安東人民。頗覘日軍動靜赴告中國軍。朝鮮義州亦有向中國請兵願內應者。兵機甚利。苟有勁旅自寬甸乘銳掃盪。收復鴨綠江沿邊諸城。以截斷朝鮮通遼東之路。則在遼東之日軍。必將返顧。惜張錫鑾兵勢既單。軍械又乏。而兵勇與民團因爭勝又積不相能。且弔死問傷又不時至。士氣復沮。九連鳳凰諸城。遂淪於日人之手。不能及時恢復。

第一節 日本第二軍之編成及作戰計劃 參看附表第四

自九月十七日黃海海戰結果。日本海軍已握有制海權。其大本營依前定冬季間作戰方針。爲來年冰雪融解期。行直隸平野之決戰。因擬進兵渤海灣頭。攻略旅順半島爲根據地。九月二十一日。遂着手第二軍之編成。

當時其第一師團。長，中將男
爵山田元治已預定不日向廣島開始輸送。又第六師團之一半

。即混成第十二旅團。長，少將長
谷川好道原定編入第一軍。已在小倉附近集中。此際大

本營則擬以此一師團半。編爲第二軍。但以此兵力。能否略取有充分永久防禦設備之旅順半島。尙屬疑問。因是又加入第二師團。以編成第二軍。先派遣一部。即第一師團及混成第十二旅。攻略金州。待實際偵察之結果。再決定第二師團之行動。其前進之計畫如左。

一、混成第十二旅團。在小倉集中後。即運赴仁川港或其附近。以供軍司令官將來之調遣。

二、第一師團到着廣島。即由軍司令官率之前進。

三、令第二師團充員。其動員完結。即輸送廣島待命發送。

四、編成臨時攻城廠。加入該軍戰鬪序列。

五、顧慮攻城砲之使用上及運動上之必要。以第一師團之後備工兵一中隊。加入軍之戰鬪序列。

六、以第六師團之輜重監視隊一隊。屬軍之兵站部。該隊先屬混成第十二旅團長之令下。俟旅團與軍會合。即屬於軍司令官之令下。

七、編成兵站電信隊。電信預備員。及電信預備廠。屬於軍之兵站部。

大本營依此計畫。於八月二十五日。任命陸軍大將伯爵大山巖當時陸軍大臣爲第二軍司令官。九月十日。大本營又訓令如左。

一、進入朝鮮半島之清國軍。在平壤爲第一軍之一部所破。向北方退却。現據在義州所得之情報。清國注意增加盛京直隸兩省之兵力。現似在進行中。

清國北洋艦隊。自海洋島附近海戰敗後。未審其所在。但其一部在旅

順港內修理。又南洋艦隊。似在吳淞，台灣之間出沒。

二、在朝鮮半島作戰有擊退敵人任務之第一軍。以主力於前五日由平壤出發。現正在北進途中。又受追躡敵人任務之一部。已達定州及甯城附近。我聯合艦隊目下在大同江口假根據地。以專制北部黃海。

三、第一師團之野戰隊。已向廣島集中。混成第十二旅團及輜重監視隊一隊。駐屯朝鮮京城附近。第二野戰電信隊。現向廣島輸送中。第二師團之野戰隊。各在其衛戍地。此野戰隊將來續歸貴官之指揮。

四、我作戰大方針如別紙所示。見前第六章而海戰之勝利已歸於我。目下於甲之場合。已得開始作戰之時機。然因季節關係。非俟冰雪融解之期。不能運兵渤海灣頭以行決戰。今先以進此決戰地步之目的。擬即占領旅順半島。

五、貴官與第一軍互通聲氣。與聯合艦隊相協力。以占領旅順半島。為間接援助該島之占領。使第一軍牽制其前面之敵。

六、貴官可與聯合艦隊司令長官協議。規定攻擊旅順半島之計畫。隨時呈報。

關於軍隊輸送。可與運輸通信長官協議。

第二師團及其他各部續歸貴官指揮者。其上陸點俟貴官之呈報定之。

同時大本營又訓令第一軍司令官山縣大將。牽制前面之敵。間接援助第二軍之作戰。

第二軍司令官基於大本營訓令。決心先率第一師團至聯合艦隊假根據地之大同江口。依其掩護。再向遼東半島南岸登陸。先占領金州，大連灣。再招致混成第十二旅團。攻擊旅順。因於九月二十四日。率第一師團到著大同江口漁隱洞錨地。二十六日。由花園口開始上陸。其前進計畫如左。

第一期 上陸

一、第一師團第一次上陸部隊。於十月二十四日午前。第二次上陸部隊。於二十六日午前。第三次上陸部隊。於二十七日午前。由大同江漁隱

洞之錨地出發。

第一次上陸部隊。依艦隊直接之掩護。其他受間接之掩護。於二十五
二十六及二十七日。逐次到著上陸點。即行上陸。

上陸後。即以上陸點爲假根據地。對諸方向警備。并切斷普蘭店附近
之電線。

一、混成旅第十二旅團。於二日到著上陸地。即行上陸。

三、第一師團第一次上陸。同時即在花園口設備假根據地。

第二期 由假根據地向金州前進

一、第一師團由上陸第一日。算至第六日起。向金州行進。第十日到着
金州附近。第十一日實行金州攻擊。但須留置必要之守備隊於假根據
地。

二、軍司令部與第一師團第二次上陸部隊同日上陸。於攻擊金州之日。到
達該地附近。

三、第一師團開始前進。同時師團與假根據地之間。即著手野戰電信隊之架設。且逐次設置兵站司令部。

四、攻略金州。大連灣附近歸我所有。即移根據地於大連灣。

五、混成旅團第八日上陸。第十六日於金州附近歸入本軍。該旅團不加入金州攻擊。或即由新根據地大連灣上陸。

基於上之計畫。第二軍各部隊。由九月二十六日上午八時起。逐次在花園口上陸。向金州前進。

第二節 中國軍在金州防守情形 參看附圖第十六

當日本第一軍向鴨綠江前進之際。中國當局以陪都撼擾。滅金州，旅順之兵備。以增加於鴨綠江畔。及日本第二軍之先頭由漁隱洞錨地出發。其在金州，大連之中國軍。僅有如左之部隊。

一、捷勝營步隊一營 馬隊二哨 司令官副都統連順。

步隊守備金州城。馬隊在貔子窩監視附近海岸。

二、拱衛軍步隊三營 馬隊一營 砲隊一營 司令官總兵徐邦道。

步隊三營在徐家山附近。砲隊駐金州城外南方。又馬隊在金州東北一帶。任各地之偵察。

三、懷宇軍步隊六營二哨 司令官總兵趙懷益。

和尚島駐二營。老龍山及黃山二營。南關嶺一營。蘇家屯一營二哨。

以上三種軍隊。無總指揮官統轄。連順則受奉天將軍裕祿之遙制。徐邦道、趙懷益則遠承北洋大臣李鴻章之命。

九月二十六日拂曉。日本第二軍在花園口開始上陸。趙懷益得報。以金州、大連之兵備薄弱。與徐邦道協議。請援於旅順龔照璵。二十八日。龔照璵來電云。據慶軍探報。有日艦三十六艘。運兵抵貔子窩東北花園口登陸。其數約三萬人。不知該敵之企圖其爲龔沙河安東縣之後路。抑將攻擊大連，旅順。應速電稟長官處置。金州諸將接報後。亦不能測知由花園口上陸之日軍向何方面作戰。適由在貔子窩任海岸監視捷勝營馬隊營官榮安。送來捕獲之日本間諜鐘崎及

山崎二人。因拷掠訊問。據供在花園口登陸之日軍。其目的在進攻金州，大連灣。趙徐據以電報李鴻章。乞速令北洋水師赴援大連。同時龔亦電報李氏。望命艦隊來援。并請增派熟練之二三營赴援徐邦道。因徐部皆新招募之兵也。但李鴻章復電對此無回答。僅云魏子窩尙在金州以北。務協力輯睦嚴重扼守。勿張皇狼狽。新勇操練未熟。勿輕接戰。宜以散隊埋伏敵之來路。又緊要之隘路。須滿佈地雷。

二十八夜。連順又得榮安由魏子窩發來電報云。敵兵約三四千渡碧瑤河。利畢河向東橙一帶前進。二十九日。又接榮安報告。敵兵已進至蘭家甸子。又洋輪十餘艘。忽由東來窺皮口。魏子窩連順知金州之危險漸迫。正深憂慮。又接鴨綠江畔友軍之敗報。嗣又得裕祿電報。其大要如左。

派遣金州軍隊中捷勝步隊一營。由營官佟茂蔭率之。於二十四日出發。至盛字練軍。今因倭賊渡江。鴨綠江之畧稱有顧慮遼界之必要。一時不能派遣。

聞倭人早已由花園口上陸。距金州境界極近。尊處只可以現在兵力與趙徐

兩軍連合。竭力防禦。若能與花園口以東之豐陸阿聶林桂兩軍約合夾擊。或可稍牽制敵勢。唯間道之防務亦最爲緊要。已電奏請派大軍應援奉省。

連順接電。前所引領以待之援軍。今已絕望。乃再電龔照璵乞援。同時徐邦

道亦以金州失則旅順不可守。請以桂字和字諸營均旅順口之守備兵急赴金州。以固旅順。

龔不欲分割兵力。電乞李鴻章以前由營口方面派赴增援旅順在途之大同軍總兵程之

偉應援大連灣。并以右之要旨電復連順。是夜二十趙徐兩將。又接李鴻章電曰

。兩鎮以現在之各營。務須奮勉嚴密佈置。并勿忽巡候偵探。旅順同屬緊急。

豈能分割兵力。南來之楚軍須守備山海關。亦不能赴援該地。切勿妄事張皇惑

亂。

十月初二日。連順奉裕祿電。不日可到旅順之大同鎮程軍門之偉。於通過金州之際。可與會晤。商定防務。嗣又接榮安初一日晚由貔子窩發來報告。確知日本軍已向金州前進。益形恐慌。與趙徐會議。請求裕祿留大同軍守備金州。但龔照璵亦於先日以與此相同之意旨電報李鴻章。是日金州諸將又接李鴻章電

云。有無倭兵由大孤山上陸。卽探明電報。程之偉聞已到營口。速電促晝夜兼行。赴援金州。又已令丁提督汝昌率艦隊巡遊大孤山一帶。以壯聲援。是時李鴻章既令已到旅順之大同軍留守金州。遂另以在小站成字五營附馬隊一哨。由海路赴援旅順。

是夜連順又接榮安報稱。倭兵約四五百人。由東北陸路而來。初二日午前八時。一擁而至皮口街。又皮口海上之倭兵。亦乘潮蜂擁上陸。職以援兵未到。迎擊乏術。不得已棄皮口暫退二十餘里停止。現仍派探監視敵情。連順得報。恐慌不知所措。卽通報趙徐兩將。并催促程之偉速進。又向裕祿請求招募步隊二營。同時復以其意旨告諸裕祿之幕僚達融亭曰。倭賊侵境。已據皮口。原應與諸軍會合痛擊。以掃逆氣。但盛字營留在遼陽。捷勝營亦迄未至。金州僅有一營。指連順自若以之與客軍拊徐邦道趙聯合進攻。縱各軍敵愾同仇。不存觀望。本職任斯土之守備。舉攻守之責向客軍叩頭倚賴。情所難堪。今幸賴徐之壯義。允借軍資。招募馬步各隊。以圖聯合進攻。此項軍資之返還。已電請將軍核示。

。尙希居中說項云云。但連順此項募兵計畫。終未收效。

初三日。由李鴻章致程之偉電報送至金州曰。上諭催促程之偉急赴旅順。但金州，大連灣，形勢緊迫。旅順更危。予切望貴官兼程前進至金復。金州會同復州

旅順旅順大連灣之諸統將。臨機處置等意旨。程是時在熊岳城。躊躇未進。

金州諸將既屢向各方請援。李鴻章乃電責趙徐兩將曰。倭匪尙在貔子窩以南未進。汝等僅守營壘。可在敵之來路。多設地雷伏兵。決無守城之責。謂其退守金州城

旅順兵力亦甚寡少。均關緊要。豈能分兵到金。汝等可謂無識且胆小。兩將奉電。益爲窘促。幸翌(四)日。丁汝昌率艦隊至大連灣。關於灣口之防禦稍強。但丁汝昌僅停留一夜。忽向威海衛而去。

第三節 金州之戰鬪

初四初五等日。連順又接榮安報告。日本軍之馬步大部隊。駐屯貔子窩及江水城附近。時有二十餘騎出沒於大沙河附近。且在該河架設橋梁。又在貔子窩搬運糧秣登岸。因通報趙，徐，兩將。會商防禦之策。結果規定如左之部署。

一、徐邦道以其部下防守東路。敵若由東路來。卽與之接戰。趙懷益以其部下若干應援之。

二、連順以其部下守備金州。

三、趙懷益專守備大連灣。

是時日軍進至魏子窩。占領該地後。停止未進。徐邦道以敵之未進。或係變換其上陸點。現在魏子窩掩護其上陸部隊。或係分割一部兵力於大孤山方面。因兵力減少。須待增加兵之來到。或係待糧秣之運送。認定機不可逸。以進擊爲有利。因謀之於趙。趙躊躇不決。徐亦以僅一己之部下。恐不能勝。遂棄其企圖。

徐邦道進攻之決心既成畫餅。乃儘其日力與兵力所許。爲防守之準備。以右翼托大和尚山。由該山北麓格條溝之西方高地起。越隘路亘破頭山一帶。左翼占領復州大道十三里台南方高地。以拒止敵人。并着手築設急造堡壘。同時爲偵察敵情。派遣馬隊至魏子窩大道石拉子附近。又以少數部隊進出劉家店附近

。任直接掩護防禦工事。但工事尙未完成。十月初六日。日軍之先頭已達亮甲店。初七日，壓迫中國馬隊逐次退却至防禦陣地。初八日。開始進攻。徐邦道兵大潰。乞援趙懷益不可得。是時趙正在大連灣碼頭。自督勇丁運行李什物渡海作逃計。

初九日拂曉。日軍已薄金州城。攻東北兩門。以野砲三十餘門與城上之砲互擊。此時有日兵負炸藥一箱。冒死昇置北門城洞燃之。城門飛裂。守兵駭散。日兵遂擁入。轉趨東門。開城納其衆。副都統連順是日早間卽托故出城。不知所往。其所率守兵大部向旅順潰走。其一部向高家窰，蘇家屯，及南關嶺附近而去。總兵趙懷益之部下與徐邦道敗兵相合。步步抵抗。向旅順退却。金州遂陷。

第四節 大連灣之戰鬪 參看附圖第十七

大連灣山形左右拱抱。面東南作大海灣。灣之右岬曰黃山。迤左曰老龍島。左岬曰和尚山。屏蔽南嶺。爲旅順後路之肩鑰。其軍備如左表。

大連灣海岸陸路砲臺兵備表

合	防禦區										
	砲臺名稱	和尙島東	和尙島中央	和尙島西	老龍島	黃山	徐家山				
	砲種	二十一生的加農	二十一生的加農	二十一生的加農	二十一生的加農	二十一生的加農	十五生的加農	十五生的加農	八生的野砲	四斤野砲	
	砲數	二	二	二	二	二	四	四	八	四	
	小計	四	六	四	四	四	一六				
	守兵	(名百哨每)哨二軍字銘									
	司令官	都總總	統兵兵	連趙徐	順懷邦	順益道					
	三員										
	約二百名										
	三八門										

總兵趙懷益率其所部懷字軍步隊六營二哨。任該灣之守備。以二營駐老龍島及黃山附近。一營駐南嶺。一營二砲配備蘇家屯。親率二營在和尙島。自初八日謝絕徐邦道請援。即專守備城外陣地。及金州城失陷。連順之捷勝營。徐邦道之拱衛軍。皆向旅順口方向潰走。致趙氏配備在蘇家屯，南關嶺之部隊。亦

望風而走。於是各砲台之守台兵恐失其退路。遂於當夜將砲具破壞或埋沒。向旅順口方向逃走。趙懷益亦率在和尙島之兵。於當夜移於老龍島。初十日。日軍抵大連。老龍島砲台開砲轟擊。嗣見日艦進入大連灣。卽率所部走旅順。

方日兵將至金州時。大連灣守軍儲備之軍械。有輕重各砲百二十餘門。砲彈二百四十六萬數千顆。而由滬局運至之野戰砲尙未啓封。槍枝除配給士兵外。尙有華廠自製槍及德造槍六百數十桿。槍彈三千三百八十一萬數千粒。及馬匹服裝等。所蓄甚厚。惟餉項則早爲趙懷益運去。致令如此嚴城巨防。不兩日間竟委之去。金州旣陷。旅順益危如累卵。且大連灣有海軍碼頭。日軍據之。其大小軍資得由海運登岸。轉輸前敵。日軍後方連絡線旣近捷。遼東之禍愈烈矣。

金大旣陷。軍務處接報大驚。急電山東巡撫李秉衡。卽令總兵章高元所部步隊八營。嵩武驥武廣武福字各二營。由海路運至旅順口。實際送至營口十日。電令宋慶赴援旅順。宋慶正由摩天嶺向海城急進中。十一日到達海城復電云。現在本

軍只可扼敵之北竄。若赴援旅順。營少則於事無益。營多亦無兵可撥。請飭催奉天省赴援各軍星夜前進。庶可挽此危局。軍務處十二日又發電李鴻章。責令速籌旅順之救援。李氏因電宋慶云。金連皆失守。旅順之背後全無所恃。希即由背後牽制敵人。使不得專力於旅順。庶可救目前之危急。以待援軍之到着。宋慶始決定赴援旅順。十三日。率毅字軍由海城出發。追劉盛休之後。兼程南下。

第五節 旅順形勢及中國軍之守備

旅順與威海衛相對。爲渤海之門戶。其地斜伸入海。形如卷心荷葉。偃臥波上。金州角則荷蒂也。從金州向西南愈趨愈狹。至南關嶺而極，中寬不過六里。有若荷莖。爲旅順後路要隘。踰南關嶺而西南。則地勢漸張。亘西南而東北作三角形。山海依倚。磴道回旋。乃天然形勝。踰南關嶺又西南行五十五里曰水師營。迤西椅子山之東南曰白玉山。再南曰黃金山。爲旅順口東岸。又椅子山之西曰洋沱凹。爲旅順口西北海岸。循洋沱凹海岸南行而西至老鐵山。自

老鐵山角折而東轉卽饅頭山。爲旅順口西岸。

旅順口門寬僅九丈。而水深二丈以外。內澳約周十四里。可容鐵甲巨艦。澳之東岸建大船塢。爲海軍根本。澳之西岸斜伸一沙舌。自南而北插入澳內。分澳爲內外兩塘。澳之南岸卽白玉山。適與口門相值。口門兩岸建設砲台。西曰威遠。東曰黃金山。兩台夾口而峙。有如鎖鑰。威遠砲台之西迤南曰蠻子營砲台。再西迤南曰饅頭山砲台。城頭山砲台。又威遠砲台之北循沙舌行至盡頭處。曰老虎尾砲台。是爲旅順口西海岸砲台。

黃金山之東曰摸珠礁砲台。再東曰老蠣嘴砲台。再東曰老蠣嘴後台。是爲旅順口東海岸砲台。

東西海正面砲台。除黃金山，老蠣嘴，饅頭山，爲三主砲台外。餘皆爲補助砲台。經始於光緒六年。成於十二年。此後仍歲有所增。及二十年戰事起時。復於威遠，老虎尾，西砲台相近之處。增設新台二。於城頭山砲台之西。增一蘭台砲台。又於老蠣嘴砲台之東。增一番島砲台。而各舊砲台復各增加砲數。

其陸路砲台則自椅子山迤而東。又南折至老蟻嘴後砲台。環旅順後路作半月形。椅子山有砲台三座。曰椅子山。曰案子山。曰測望台。此三砲台居高臨下。為旅順口後路全防關鍵。椅子山之東曰松樹山砲台。再東迤南則二龍山，雞冠山，小坡山，大坡山等砲台。均為半永久式。是為旅順口陸路砲台。建於光緒十五年。以後亦間有臨時添設者。合海陸兩正面有砲一百五十門。其軍備如左表。

旅順口海正面砲臺兵備表

防禦區		砲台名稱		砲種		砲數		小計		守兵		司令官	
東		黃金山		十二生約加農		二		十七		慶字營		總兵	
		司東小砲台		十二磅榴彈砲		四				約一千六百名		黃仕林	
		司白砲台		十五生的白砲		六							
		摸珠礁		八生的野砲		四		八					
		嘍囉咀		二十四生的加農砲		二		十					
				五管的林的砲		一							

甲午中日戰爭紀要

九九

東	防 區域	砲台名稱	砲種	砲數	小計	守兵	司令官
松樹山		十二生的加農砲		一	九	和約	總兵
		十二生的加農砲		一			
		十二生的加農砲		二			

旅順口陸正面砲臺兵備表

備	合	岸	西	岸
考		城頭山	饅頭山	威遠營
此外尚有十五生的加農二門		五管格林砲	八生的野砲	十二生的加農砲
十二生的加農二門之預備砲		計	七	十
		門	十	六
		約三千二百名	營四	字慶
			百名六千一約	
		二員	前光張	兵總

同北山砲台
人字牆
十二生的加農砲
四十七密米哈乞開斯

二
二
三

四

面		方																	
臨	臨	臨	臨	小	雞	雞	雞	望	二	二									
時	蟠			玻	冠	冠	臺	龍	龍										
桃	山	時	時	山	山	山	北	北	東	山									
六	八	六	機	六	六	機	六	機	七	八	十	機	八	機	六	十	機	六	七
主	生	生	生	生	生	生	生	生	生	生	生	生	生	生	生	生	生	生	生
的	的	的	關	的	關	關	的	關	的	的	的	關	的	關	的	的	關	的	的
山	野	山	山	山	山	山	加	山	野	野	加	野	山	山	口	裝	白	山	野
砲	砲	砲	鎗	砲	鎗	鎗	砲	鎗	砲	砲	農	鎗	砲	鎗	砲	砲	農	鎗	砲
六	四	七	二	四	四	三	二	二	二	三	二	二							
六	四	七	六	四	三	三	四	五	七	三	五								
營										字			桂		營一				
名百六千一約										名百									
題										桂			姜		兵		總		
										和允程									

合	西 方 面				
	案東	案西	案東	案東	案東
	子砲	子砲	子砲	子砲	子砲
	台山	台山	台山	台山	台山
	機	機	機	機	機
	二十	九	七	十二	十二
	關	關	關	關	關
	白	野	野	加	加
	槍	砲	砲	農	農
計	七	二	二	二	一
	十				
	八				
	門	四	二	三	三
	約二千八百名	營 二 字 和 名 百 八 約			
	二	和 允 程 兵 總			
	員				

旅大經營就緒之始。即以總兵張光前統親慶副營，左營，右營，駐西砲台。
 (戰事起後增副後營共四營)總兵黃仕林統親慶前營，中營，正營，駐東砲台。
 (戰事起後增副前營共四營)四川提督宋慶統毅軍九營一哨。專防旅順。提督劉
 盛休統銘軍十二營駐守大連灣。皆轄於北洋大臣。因稟承遙遠。恐失機宜。乃
 設前敵營務處。由道員龔照璦任斯職。

第六節 日本軍攻擊旅順之計畫

初日本第二軍司令部及第一師團大部。於九月中旬由宇品出發。同月二十六
 日在遼東半島之花園口上陸。十月初六日開始前進。排除寡弱抵抗之中國軍。

初九日陷金州。初十日陷大連灣。

又編入第二軍之混成第十二旅團。於十月十六日亦在花園口上陸完畢。卽向金州前進。是時大山巖第二軍司令官尙擬待第二師團到着。再行攻擊旅順。又以旅順之險要。守備之完密。并擬招致攻城砲隊。嗣因偵知在旅順附近之中國軍。其數不過一萬二千內外。而其大部均係新募之兵。無何等之訓練。並由他方面開來之增援軍。亦無甚戰鬪力。因決心不待第二師團到着。卽行攻擊旅順。

是時以步騎約二千留守金州。一千守備大連。其他悉於十月中旬由金州出發。向旅順前進。二十三日。在于大山亘火石稜之線開進。準備攻擊。至其攻擊之方法。卽用一氣呵成所謂強襲法是也。其軍隊區分爲搜索騎兵。長，騎兵少佐 秋山好古。騎

兵約一大隊左翼縱隊。長，步兵中佐益滿邦介。步兵一聯隊。(欠一大隊) 第一師團 騎兵一小隊。山礮一中隊。工兵一中隊。(欠一小隊)右翼縱隊。第一師團 騎兵二大隊及二中隊。騎兵一中隊又三小隊。混成旅團。(欠步兵一聯隊。騎兵三小隊。山礮一中隊。工兵二小隊) 攻城廠。軍總預備隊。及搜索騎兵半小隊。

以搜索騎兵位置於盤龍山之西。警戒軍之右側。以一部進出由雙台溝通旅順之大道。與混成旅團及左翼縱隊保持聯絡。并搜索前方。左翼縱隊展開於旅順

東北方。以牽制中國軍。同時以右翼縱隊中第一師團。由土城子通旅順本道之西方展開。以松樹山之砲台爲攻擊目標。但須先佔領旅順西方案子山之堡壘。此際爲備中國軍萬一之出擊。以右翼縱隊中之混成旅團由土城子通旅順大道之東方火石稜之線展開。俟第一師團佔領案子山後。混成旅團即加入第一師團之左翼。攻擊二龍山之砲台。攻城廠在水師營北方佔領陣地。軍之總預備隊直屬軍司令官。位置於土城子南方之高地。

第七節 旅順之戰鬪經過 參看附圖第十八

其一

日軍駐大連十日。始向旅順前進。當時在旅順之姜桂題，程允和，張光前，黃仕林，衛汝成。及由金州敗退之徐邦道。大連敗退之趙懷益諸軍。總數約一萬三千餘人。諸將不亟以全力守備南關嶺。扼旅順咽喉。乃濺漁舟海曲作逃計。而各以糧餉移煙台。其徐邦道之拱衛軍糧餉。亦移於劉公島。士氣因之大沮。營務處龔照瑛以金州陷。旅順陸道絕。大懼。逃渡煙台至天津。李鴻章斥之。

。復歸旅順。自龔之逃。軍民益滋惶惑。船塢工匠恣行搶掠。旅順大擾。二十一日。日軍踞南關嶺。過雙台溝抵土城子。

時旅順諸將不相繫屬。共推姜桂題爲主。姜亦無能爲。諸將又互相觀望。不圖出擊。金州陷後。徐邦道率殘卒奔回旅順。以部衆新創。寡弱不足用。固請姜氏增兵以爭後路。姜不之許。乃請給槍械。則令其自至軍庫檢擇。徐因復率其殘卒行。而邀衛汝成并進。衛從之。二十二日。徐邦道乃北進。遇日兵先頭部隊於土城南。徐率部奮力擊之。截敵爲數段。日兵大挫。中國軍追逐過雙台溝。是爲旅順第一轉機。乃日軍後隊繼至。徐邦道兵無接應。飢疲又甚。蓋新敗無炊具。非回旅順不得一飽。遂棄險要不守。仍退歸。于是旅順之事乃不可爲矣。

是日駐旅之魚雷艇八艘渡威海。而龔照璦已先一日逃烟台。於是黃仕林，趙懷益，衛汝成，三統領陸續潛逃內渡。其所部大肆搶劫。倉皇擾攘。秩序大亂。二十四日。日軍大進。徐邦道仍往拒之。日軍分兩路出擊。徐部不得前。且

逼於日軍砲火。部卒死百餘人。乃退。日兵於是逼旅順而進。

其二

當旅順兵事之棘也。中國諸將不布遠勢而踞於自守。當十月初旬。卽經營扼後山之計。循老礮嘴後砲台之北。沿山北趨。順山勢折而西又稍北。屬於元寶房藥庫之東。水師營之南。踰椅子山砲台。再西而南抵洋沱凹。直走黑沙溝之北。迤邐包三面若半環。依陸路砲台嚴軍自守。其無砲台之處。彌以野戰砲。野戰砲之隙。護以步槍。循山高下補築臨時築城。當日軍踞南關嶺後。旅順之中國軍。除留守海岸砲台士兵外。盡數分佈後山。因此備多力分。轉使敵人得蹈瑕乘隙以求逞矣。

二十五日拂曉。日軍艦橫列海面，包圍旅順東西各砲台。但距岸甚遠。蓋藉以牽制中國軍陸路之兵力。俾其第二軍得容易進攻也。是時陸路日軍已分布於後山一帶。而旅順西北角椅子山陸路砲台。日軍進攻尤猛。椅子山以砲還擊。東路松樹山陸路砲台亦開砲助之。而東南面之黃金山。南面之饅頭山兩海岸砲

台。亦皆發砲遙擊。相持及一小時。日步兵已自西包而南。及於洋沱凹。死力猛攻。中國軍分守西面之步兵不能敵。日兵乘勢衝入。蟻附而登。椅子山砲台遂爲其佔領。是台最高可以瞰制各台。掩護後路。一有差失。則旅順全局隳矣。

椅子山砲台既爲日軍所奪。案子山，測望台兩砲台守兵皆不戰而潰。日兵乃東攻松樹山砲台。稍相持。台上守兵亦相繼而潰。日軍大隊乃乘勢而東。合攻二龍山，大坡山之九砲台。諸台亦陷。於是旅順陸防悉壞。日兵遂入旅順市。循船塢石堤直指黃金山。砲台守兵亦潰。日兵竟得安步以登。其口東摸珠礁，老蠣嘴兩海岸砲台及口西之各海岸砲台守兵。均駭而奔。

當日兵入椅子山時。中國陸路守兵已紛逃不可遏止。各台砲勇見之。奔潰相屬。其在口東者潰而東。從東大道循海北去。其在口西者潰而西。循西面海邊北去。復扼於海面日艦之砲火。避入老鐵山石洞。及夜乃出南關嶺越金州奔復州。徐邦道，張光前，姜桂題，程允和四統領。皆雜亂軍中而奔。日軍旣入旅

順。乃大肆虐殺。見華人即殺。雖婦孺亦不免。全市得免于難者。僅三十六人。

其三

日軍圍攻旅順之日。(二十五日)宋慶爲救援旅順。親率步馬隊約七千。砲若干門。於早間進抵石門子，十三里台附近。驅逐日軍在金州守備隊之前哨。直撲金州。時日軍金州守備隊。爲其步兵大佐河野通好。指揮步騎約二千砲四門。河野知中國軍之近接。即於金州郊外佔領陣地以行抵抗。由正午開始接觸。激戰至日暮。宋慶軍雖猛烈進攻。終未能衝入。遂於夜間北退三十里堡。收容部隊後。向蓋平退却。

當金州激戰之際。第二軍司令官得知狀況。祕而未宣。迄午後四時旅順已經攻陷。始於軍預備隊中急派步兵一大隊。前赴金州。又令第一師團長急派一部至金州。及該隊到達金州。宋慶軍已退却矣。

自是以後。日第二軍司令部及第一師團駐金州附近。混成第十旅團。則位置於旅順附近。并以第一師團之一部。進佔普蘭店。

第十三章 日軍佔領金旅後中國軍之佈防

第一節 遼河平原之防堵計畫

金州大連既陷。軍務處除電促宋慶赴援外。十月十一日。又令在賽馬集之依克唐阿移防岫巖，蓋平。并令在奉天之裕祿派遣部隊在同地防守。十三日。又命依克唐阿防禦由大孤山北進之敵。十四日。電命長順所部靖邊各軍該軍此際正由吉林省城向奉天行星夜前進。在九連城附近牽制日本軍。十五日。又電在山海關吳大澂。速經蓋平以聲援旅順。

前於九月中旬後。由吉林省城出發之靖邊軍步隊十六營。馬隊二營三哨。及砲隊四哨。至十月中旬後。始在奉天集合完畢。是時岫巖已陷。日本軍之鋒銳已將波及析木與海城。前此軍務處令長順進攻九連。現已不復可能。長順因將該軍區分三部如左。

靖邊軍步隊五營	砲隊二哨	連山關
靖邊軍步隊八營	馬隊二營	岫巖附近
	砲隊二哨	

靖邊軍步隊三營 馬隊三哨

湯池附近

以上諸隊開始行進後。長順於二十七日復奉軍務處電令。卽與依克唐阿共守遼陽一帶。於是諸隊除赴連山關者外。餘皆變更行途至遼陽附近停止。

同時軍務處又電令東三省練兵大臣安定。嚴密守備興京，古城，遼陽一帶。并令提督唐仁廉會辦奉天軍務。十月終。由山海關向奉天出發。又令原在遼陽附近之新奉軍二營。歸入現向懷仁地方移動之東邊道張錫鑾之指揮下。

軍務處又令現到天津之鳳字軍步隊四營。老湘軍步隊二營。及駐守天津總兵潘萬才之銘字軍馬隊二營。歸提督唐仁廉指揮。赴援奉天。又令前次移駐山海關福壽軍步隊十營。及在天津附近總兵李永芳新毅軍步隊五營。及老湘軍步隊之後續三營。先向海城附近前進。又令向天津行進中布政使魏光燾之新湘軍步隊六營。及總兵劉光才之才字軍步隊五營。填防天津。

第二節 山海關之防禦計畫

自十月二十五日旅順陷落。軍務處判斷敵情。以爲敵將兩軍相合。進出遼河

之河谷。略取奉天。而後長驅錦州。進逼山海關。再以別軍或即以略攻奉天之軍一部。由海路向天津，山海關，芝罘，或威海衛等處。任何一處上陸。於是

以掩護北京之目的。在海岸尙未冰結之時。第一山海關。第二大沽附近。宜加顧慮。而山海關益覺有集合重兵之必要。因決心阻塞海路。將殘留大沽唐仁廉部下六營移防山海關。二十六日。命令吳大澂固守城子峪。山海關之北 方約二十里 三山峪。山海關北 方約十里 及涼水溝。山海關東 方約十里 以待新湘軍步隊六營之到著。

是時獨有李鴻章深以威海衛守備薄弱爲慮。十一月初旬。電請軍務處以現由湖北北上中之軍隊。即增加威海衛。軍務處接電後。適有英國倫敦發來電報云。日本提督大山巖之一軍。已由旅順出發。其意在直達山海關以攻北京。前日擬攻威海衛一節。頃已寢其議矣。同日清廷又下諭曰。近日海口尙未冰凍。倭船時來窺伺。宋慶兵力不足。待援孔急。着陳湜之十營。福壽 李光久之三營。新湘軍 應即迅速赴援。不准絲毫遲延。魏光燾之六營。新湘軍 駐留山海關。歸吳大澂調遣。以厚兵力。據近時所聞。倭船擬乘天氣和暖。分撲海口。有由山海

關上陸之消息。急須加意嚴密防守。着李鴻章，吳大澂，隨時加意偵察。督飭各將領晝夜防備。勿稍怠慢。至灤州。樂亭一帶地方空虛。仍應防守。不可疏漏。是爲至要。軍務處接以上情報及諭旨。益信敵軍由山海關上陸之說。於是專注重山海關之守備。置李鴻章之請求於不顧。

十一月七日。命李鴻章卽遣北洋海軍出巡海上。威脅敵之海上聯絡線。以牽制敵軍進出海城方面。李氏復云。旅順旣陷。海面之險要全失。且北洋兵艦無多。不堪再戰。威海之險不可再失。雖有砲台。若無兵艦。亦難防守。仍請督促調募各營。急速出關應援宋軍。因是北洋海軍自李鴻章有專守防禦主義。由旅順半島陷落以後。蟄伏威海衛劉公島迄未出動。

第十四章 遼河平原諸役

第一節 折木城之戰以至日本軍之佔領海城 參看附圖第十九

日本軍旣已攻略旅順。其第一軍司令官。是時山縣有朋奉召返國。第一軍司令官由第五師團長野津中將升充。所遺第五師團長缺。以奧保羅中將任之。卽以進攻海城之意見。具申於大本營。其理由略謂將來向直隸平野轉進

。該軍勢必移於大連方面。於時對海城附近遂成側敵之行動。不若於此際驅逐海城附近之敵。以佔領該地。大本營初對此案不甚同情。嗣以該軍對此盼望甚切。亦未予堅阻。

第一軍既獲所請。卽令第三師團各部於十一月初旬。在岫巖集合。以備進攻海城。第三師團長因命佐藤大佐所指揮之一部。向蓋平方向前進。以掩護師團之左側。師團主力遂於十一月十四日。由岫巖向析木城進發。

是時中國軍宋慶自由摩天嶺奉命回援旅順。十月中旬抵復州。時金州已陷。於是滯留復州一帶。僅遣偏師向金州。又屢爲踞敵所截。及旅順既陷。軍務處命宋慶統率諸軍防守蓋平。海城一帶之地。宋慶遂駐守蓋平。并派隊分駐析木城方面。但未施防禦設備。僅遠出馬隊以行警戒而已。其配備之兵力如左。

- 一、司令官高登科。率奉軍步隊一營。馬隊一營。駐東大嶺。潘家堡子。
- 二、總兵聶桂林。率奉軍步隊六營。馬隊三營。砲隊一營。又侍衛豐陞阿。率盛字練軍步隊四營。分駐西洋拉峪，羊拉峪，二道河子，龍鳳峪。

，山城子，嘎大峪，姑嫂峪，朱家堡子一帶。

三、營官梅某。率奉軍步隊一營。駐櫻樹溝。

四、總兵馬金鈸。率牙山軍步隊三營。駐析木城。

五、總兵蔣希夷。率希字軍步隊七營。馬隊一營。駐下八叉溝附近。

六、宋慶親率毅軍步隊十營。總兵劉盛休。率銘軍步隊十一營二哨。馬隊

一哨。總兵章高元。率嵩武軍步隊八營。總兵徐邦道。率拱衛軍步隊

十一營。總兵張光前。率親慶軍步隊五營。駐在蓋平。並派遣一部於

大杉馬嶺。以守備通岫巖之大道。

十一月十四日。日本軍由岫巖前進之時。聶桂林，豐陞阿所部集合在龍鳳峪以北。其一部配備於山城子西方高地。并派馬隊三四十騎。在二道河子附近擔任搜索。又蔣希夷派遣所部五六百名。占領小井子西方高地。已則率其主力駐下八叉溝。迨至日本軍進占二道河子及其東西高地。開始進攻。中國軍對此優勢日軍。即擴張兩翼暫行應戰。嗣見其後方縱隊相繼而來。聶桂林，豐陞阿，

遂決心退却。黃昏以前。完全撤去陣地。其在山城子以東者。則由朱家堡方向。其在西方山上者。則沿山背到蒲草峪西方高地。同經析木城附近向海城方向退走。但在下八叉溝蔣希夷部及其配備在小井子西方高地之一部。仍遙與日本軍之左翼對峙。在陣地徹夜。

在東大嶺上警戒牛心山方向高登科之前哨部隊。是日因日本軍大迫支隊之近逼。略與抵抗。即急遽下山向潘家堡子方向退却。復攀越潘家堡子南方之山嶺至柳子峪東北方之路上。向小嶺退却。此際在潘家堡子附近之各隊。亦倉皇撤其宿營。退至四方小嶺。占領頂線以收谷前方退却之諸隊。未待日本軍近接。即撤其陣地。急越五道勾嶺回蟒洞峪方向退却。

十五日。日本軍第三師團主力。復由二道河子附近進發。是時在下八叉溝希軍。已準備退却。在該村附近集結。其於小井子西方高地。僅留兵十二三名。監視敵狀。無幾何時。遂爲日本軍擊退。希軍即去下八叉溝。移於石柱勾附近。并以一部占領馘子嶺。又在析木城馬金紋所率牙山軍三營。亦於是日因見日

本軍之追擊甚急。遂以一部在排路屯附近展開。收容友軍之退却。拒支約一時頃。即退至鐘家台。轉向牛莊。是夜達坡廠，八里河子。

十六日。日本軍進攻海城。是時防守海城之中國軍。爲奉軍八營。馬隊四營。砲隊一營。及盛字練軍步隊四營。右翼由晾甲山左翼亘蕎麥山佔領防禦陣地。而以蕎麥山爲全線之鎖鑰。配置砲兵於該山南部及山麓。又以一部兵力占領沙河左岸箭樓子附近。日本軍陸續猛進。抵蕎麥山。午前十一時三十分頃。蕎麥山之守兵不能支。首先敗退。奉軍及盛字練軍遂棄海城向遼陽退却。以一部停止於鞍山站及騰熬堡之間。對海城之敵掩護遼陽。是日牙山軍三營在坡廠，八里河子附近。未參與海城之戰。續向牛莊方面退却。

第二節 缸瓦寨之戰鬪 參看附圖第二十附表第五

宋慶在蓋平聞日本軍由岫巖長驅北進。欲救海城危急。以拱衛軍親慶軍及嵩武軍。駐蓋平，圍甸，及大沙馬嶺附近，親率銘字毅字兩軍於十一月十四日移於大石橋。但十五日析木城失。十六日海城亦陷。因變更其計劃。擬與北部諸

軍聯絡。以俟他日協力恢復海城。遂命駐在營口之老湘軍二營。該軍於十月下旬抵營口移駐田莊台。以掩護由山海關前進集中之友軍。又招致希字軍守備大石橋。復擬親率毅字銘字兩軍由三道嶺子折至牛莊。因先派隊偵察由大石橋經虎樟屯，缸瓦寨，通牛莊之道路。嗣得知沿路一帶安全。且海城之日軍。現專固守海城。無進出之景况。因決心通過海城西方僅十餘里之地。以至牛莊。

二十一日。宋慶先命輜重出發大石橋。經虎樟屯，缸瓦寨，向牛莊城行進。并分遣多數之馬步小部隊遠出四台子，東西柳公屯，蓋家屯，及興隆屯一帶之地。以任掩護。銘軍及其輜重隨後續行。宋慶自率毅軍殿後。

二十二日夜。輜重在東西糧窩一帶之地及東蓮花泡宿營。銘軍在缸瓦寨。毅軍在虎樟屯宿營。銘軍并派出多數部隊於缸瓦寨以東地區。對海城之敵嚴密警戒。宋慶是夜在虎樟屯。得知海城之日本軍到處出沒。屢與中國之搜索隊衝突。但皆即時退去。是日宋慶又奉軍務處之電訓曰。海城失陷。軍事日迫。望貴帥與依帥以目下之兵力商定攻擊或禦防之策。即行奏聞。於是宋慶益覺有速向

牛莊轉進。以與遼陽方面各軍連絡之必要。但對於據在海城日本軍之進出。宜加顧慮。急訓令銘軍司令官劉盛休。暫時據守缸瓦寨。以足以拒止敵人爲限。編成臨時防禦。劉盛休因由是夜亘翌^{二十三日}早在缸瓦寨東方小林中。築設急造掩堡爲第一線。村之東端圍壁爲第二線。砲兵跨通下夾河之道路。沿缸瓦寨圍壁向南稍後退。由東放列三門。成一梯形。由缸瓦寨圍壁稍遠之南方。配置四門。缸瓦寨東面之圍壁多穿槍眼，爲陣地之中堅。又分遣步隊一營於馬圈子。一營於祥水泡。以任左側之警戒。又分派馬隊一哨於于官屯。以警戒右側。

二十三日遲明。日兵二千餘人至蓋家屯。午前九時。宋慶率毅軍由虎樟屯出發。擬至缸瓦寨與銘軍同向牛莊轉進。其輜重於是日早晨由宿營地出發。向牛莊前進。日本軍誤認爲戰列縱隊之轉進。未敢出擊。十

時五十分頃。將及缸瓦寨。得報日本軍在下夾河及蓋家屯附近。勢將進襲。乃命所部速向缸瓦寨前進。已則先行。馬圈子與缸瓦寨勢成犄角。日軍欲由下夾河攻缸瓦寨。恐馬圈子兵橫出其後。乃分兵先攻馬圈子。午後一時三十分頃。日本軍之砲兵陸續出現於缸瓦寨之東北方。與其步兵協力攻擊馬圈子。該處守

兵猛力抵抗。終不支。於二時頃與祥水泡守兵向缸瓦寨退去。於是日本軍乘勢進撲缸瓦寨。激戰亘三時餘。日本軍之一部突入缸瓦寨東方之松林。圍壁上之守兵向之猛烈射擊。日本軍死傷甚衆。已現動搖之狀。是時毅軍大部亦已到達缸瓦寨附近。但瞻前顧後。不加入戰鬪。日本軍即乘機驀然向圍壁之守兵突貫。守兵不能支。向西退走。缸瓦寨遂爲日軍攻陷。時在五時三十分也。銘軍大部向營口方面奔竄。至前後石橋子始停止。宋慶勉強收拾殘兵。直至夜分。不得已即駐在缸瓦寨西方約三里餘蓮花泡一帶之地徹夜。至翌(二十四)日僅知在缸瓦寨有日軍一小部隊。此外敵情概無所知。是時諸隊混亂異常。疲勞亦甚。其兵力半死於戰場。或退向營口而去。所餘僅及半數。宋慶是時因擬待由山海關來會之援軍到着。以圖與遼陽方面連絡。一時決心據守田莊台。在牛莊之輜重亦命移至該地。自率殘兵向營口而進。中途與先退走之銘軍大部合併。同至營口。其先在營口老湘軍步隊二營。已令移駐田莊台。因命在牛莊馬金敘所率之牙山軍步隊二營。移駐營口。適希字軍當日軍在下夾河方面出現時。奉宋命

由大石橋北上赴援。行至中途聞敗報。向營口轉進而來。因與毅軍銘軍相合。由宋慶親率至田莊台。自是牛莊城一時完全放棄之矣。此役銘軍統領劉盛休。因深憤毅軍已抵缸瓦寨不肯救撈。遂與其部將龔元友等棄職而去。所遺銘字軍。宋慶命由總兵姜桂題指揮。

當時總兵聶桂林所率奉軍五營。及侍衛豐陞阿所率盛字練軍步隊四營。在鞍山站，騰熬堡附近。遼陽知州徐慶璋所率奉軍三營。鎮東軍十營。在吉洞峪方面。又總兵聶士成以約三十營三哨之兵力在摩天嶺。吉林靖邊軍五營。吉林將軍長順指揮下之據守連山關。均以對海城及鳳凰城方面之日本軍掩護遼陽。依克唐阿所屬十營分駐下馬塘。扼守本溪湖經奉天之道路。依克唐阿及長順各以其主力駐守遼陽。另以侍衛倭恆額。東邊道張錫鑾。率兵共約十三營。多屬土兵駐守懷仁，通化一帶。與鴨綠江下流之日本軍相對峙。

第三節 蓋平之戰參看附圖第二十一

當日本攻略海城之際。其大本營決議出兵於山東半島。因令第六師團（長，

陸軍中將黑木維楨加入第二軍。與聯合艦隊協力進攻威海衛。

及第一軍第三師團於十一月十六日占領海城。宋慶軍退據蓋平，牛莊，及鞍山站各地。有由三方面奪回海城之勢。一時轉陷入危急狀態中。幸第五師團方面。自樊家台及鳳凰城附近戰鬪之後。中國軍依克唐阿已率隊赴遼陽。一般形勢已漸安穩。第一軍司令官率軍預備隊於十二月上旬由安東移駐岫巖。同時請求大本營及第二軍司令官派遣一部向蓋平前進。大本營允其所請。命第二軍至少派遣混成一旅團至蓋平附近。以援助第一軍。於是第二軍司令官命第一師團長派遣混成旅團北上。第一師團長即令在普蘭店乃木少將（希典）混成一旅團。於十二月初五日向蓋平方面前進。當時在海城之西方及西南方中國軍之位置如左。

田莊台

一 毅字軍十營

二 銘字軍十一營三哨

三 希字軍八營

四 老湘軍二營

營口

一 牙山軍三營

司令官馬金叙

二 道標步勇約二營

屬營口道

蓋平

一 嵩武軍八營

司令官章高元

二 拱衛軍十一營

司令官徐邦道

三 親慶軍五營

司令官張光前

如上文所述宋慶在田莊台待援。至十一月二十九日接李鴻章電。知在山海關吳大澂各營不日出關前赴牛莊。宋慶以援軍未到之前。爲防止日本軍之出擊。欲派出一部之兵力至牛莊。與在遼陽方面之友軍聯絡。爲填防計。乃於十二月一日電請軍務處。由祁軍祁發祥所率仁勝馬步四營。當時在山海關附近之內先發數營。以充後方之用。是

時宋慶已決心派徐邦道占領牛莊。且照會奉天盛仁軍統領雲興。分派數營駐高平堡。爲牛莊之後援。五日。宋慶又電軍務處。謊報擊退敵人。并稱商轟軍暫駐蓋平之東方。以防倭軍侵襲遼南。本軍移駐石橋。以掩護牛莊城。并令各軍俟機進逼海城。以牽制敵之北進運動等語。是日宋慶又接李鴻章訓令曰。蓋平爲遼南之屏障。牛莊，營口等處。倭人進攻未能收效。當時日軍尙未進攻牛莊。營口必以大部兵力重來。宜先機預防。宋慶本以前此放棄牛莊爲遺憾。今接此訓令。派徐邦道之拱衛軍駐守牛莊之決心益堅。又慮該軍開拔後。蓋平之兵力難免薄弱。乃電請軍務處派防練各營出關。以爲後援。嗣見在海城之日本軍無出擊景况。擬即乘機占領牛莊。與遼陽方面確實連絡。遂不待軍務處復電。於十二月七日即令徐邦道率部由蓋平轉赴牛莊。八日。徐邦道率拱衛軍十一營由蓋平出發。向牛莊急進。蓋平之兵頓減。僅有章高元之嵩武軍八營。張光前之親慶軍五營。及拱衛軍殘留之火砲二門。

拱衛軍既出發牛莊。章高元，張光前等接報。有日本軍之大部隊。由南方向

復州方向前進。此卽乃木支隊也。章等判斷其目的必在直搗蓋平。以與海城之軍聯絡。因嚴密戒備蓋平之防守。一面請求宋慶速派援兵。宋慶乃令向牛莊行進中之徐邦道回援蓋平。另以在田莊台李光久之老湘軍五營。先在海關之二營前赴牛莊。九日。徐邦道在大高桿接到此令。翌(十)日乃折而南行。章張等得報徐邦道已經回援。志氣爲之一壯。先於蓋平城南沿蓋平河之右岸配備嵩武軍五營及砲二門。蓋平城東南鳳凰山及丁家屯附近配備親慶軍五營。又於河之左岸西邵家屯，祁家務間配置嵩武軍三營。并施設防禦工事。又派馬探至沙崗台，正白旗，及小河子等處搜索敵情。十日。據派往正白旗之馬探報告。有日本軍之步騎兵漸次進抵熊岳城。章張等復向宋慶請求援軍。十一日。在沙崗台之馬探退回。報告日本軍之步騎兵更由熊岳城前進。又依其他諸情報。得知有優勢之敵軍已達熊岳城。十二日。派往各方監視敵情之馬探。先後在小河子，二台子等處爲日本軍馬步斥候隊擊退。章張二司令判知敵人即將進攻。命令諸隊準備戰鬪。并急報宋慶。十三日。派往小米寨之監視隊。爲日本軍先鋒擊退。因知

其主力已向榆林堡而來。益嚴戒備。再報知宋慶及徐邦道。請其迅速來援。

先是徐邦道軍於十二月十日。奉令由大高桿折回蓋平。同時急報紛至。宋慶恐蓋平有失。因留希字軍入營。老湘軍五營于田莊台。親率毅軍十營。新毅軍五營。銘軍十一營三哨。由田莊台前往蓋平。十一日。徐部行抵距蓋平二十餘里之藍旗。又奉令回田莊台。十二日。復折而北行。及抵營口東十五里之侯家油房。又奉令仍速援蓋平。十三日。又折而南行。五日以來。徐邦道奔馳田莊台，營口，蓋平間。夜不頓舍。軍士飢疲萬狀。十三夜。其前鋒三營甫抵前敵。未及食而日兵已至。其餘八營支離斷續。尙在後方相距有數里之遙。

是夜

十三日

日本軍分兩部進攻。其由南進者與章高元相持於蓋平河上。高元鑿

戰甚猛。日兵不得逞。其另一部繞南而東。逕渡蓋平河爭鳳凰山。張光前見敵卽潰。日軍遂佔鳳凰山。攻入東門。復出南門。繞至章高元軍後拊背夾攻。時徐邦道前鋒三營方自西至。不及成列。已入日兵圍中。乃與章高元同時敗退。徐邦道親率後續八營方達前新店。蓋平之敗兵已麇集而至。徐乃收容敗兵。向

營口方面退却。蓋平遂入日軍之手。嵩武軍分統楊壽山，李仁黨皆死之。

章徐二軍敗退至賀家屯。南距蓋平十餘里。會姜桂題率銘軍來援。徐請姜出敵不意乘銳夜搗蓋平。姜辭以翌日並進。而乘夜拔隊遁去。於是諸軍皆退營口。

第四節 蓋平戰後中國軍對遼東作戰之指導

初淮軍挫敗。清廷欲倚用湘中故將。如藩司魏光燾。臬司陳澍。道員李光久等。皆令募兵北援。十二月二日。清廷授兩江總督劉坤一爲欽差大臣。節制關內外防勦各軍。及中國軍蓋平敗戰之後。宋慶集合所部於營口附近。同月十五日。奉上諭云。蓋平既陷。關外軍情愈爲緊急。宋慶一軍未能制勝。今當河海封凍之時。當厚集兵力出關征剿。現着劉坤一前往山海關駐紮。吳大澂任事勇往。久駐榆關。其部下劉樹元各營。指吳大澂撫標訓練應已成功。魏光燾一軍。指新湘軍步隊八營二哨。此軍於十月下旬有六營新募增加。紀律頗嚴。吳元愷之砲隊。指愷軍步隊四營。砲隊二哨。亦素稱精練。着吳大澂統率即日出關。與宋慶軍相合。相機進剿。各將校能奮勇出力。因獲大

勝者。朝廷必破格賞賜。又山海關之防務。亦頗緊要。着余虎恩

虎字軍 隊十營

熊鐵生

鐵字軍步 隊十營

各軍分佈營壘。填紮空虛。又吳元愷已調出關。秦皇島地方即着潘萬才

銘軍馬 隊二營

駐守。吳大澂奉諭後。統率在海關附近魏光燾之新湘軍。劉樹元之撫

標軍。及吳元愷之愷字軍等。約四十六營。此外尚有增援宋慶之新毅軍若干。於二十六日陸續東進。

劉坤一當就任之初。於十八日訓令出征諸將。以本大臣奉旨節制關內外諸軍。因料理畿輔各軍。急切不能前赴山海關。所有關外攻守之事。即歸宋軍門調度。二十日。清廷又令宋慶，吳大澂，幫辦劉坤一軍務。於是宋慶擬待新毅軍及吳大澂等之大軍由山海關到着。與之聯合前進。與日軍一決雌雄。但在諸軍集中未畢之前。務力避戰鬪。因於二十日自赴田莊台。其部下則駐屯於營口，大高樺，田莊台之三角地帶。與在太平山附近之日軍相對峙。又宋慶企圖與遼陽方面之友軍確實聯絡計。令在田莊台之老湘軍五營。及拱衛軍十一營。駐屯牛莊。該營等於二十二日先後前赴該地。担任守備。

是時軍務處一面對山東指揮作戰。又一面不斷催促在遼東之諸將極力反攻。二十八日。又電命宋慶，吳大澂曰。榮城失守。威海危險。必須牽制敵人。使不得專力進攻山東。然後威海始可保守。所轄毅湘各軍。應即會合依，長，兩軍。急速進剿。切勿退縮。二十一年一月三日。軍務處又訓令諸將曰。現在倭人注意威海衛。志在必得。勢必增兵攻擊。倭若專攻山東。奉省之日兵自然減少。乘此速即合軍進剿。以牽制其後方。或有轉機。急速圖之。

劉坤一係於二十年十二月二十七日由北京至天津。與李鴻章會商山東及遼東軍務。即留駐天津。調度一切。而山東方面之日軍于三十日上陸。不數日而陷威海衛。劉氏乃於一月十一日。率督標親兵由天津移駐山海關。整頓望海店，釣魚台，天橋廠，馬蹄溝之海岸守備。并對遼東規定作戰方略。上奏如左。

現倭人占領盛京省之南部。蟠據海城，蓋平等處。以爲老巢。若以全力分路進攻。勢不難於恢復。若曠日持久。不僅虛糜軍餉。且使軍心懈弛。殊有再生疎虞之恐。擬請命依克唐阿，長順等。合軍由連山關方面前進。

此爲東路。又宋慶所部并老湘軍等營。由牛莊方面前進。此爲西路。又臣所部督標親軍。與神虎宏宇各營。及湘鄂各軍。由分水嶺方面前進。此爲中路。更派關內各營進出關外。以備接應。

清帝於一月二十七日。以此奏發交軍務處審議後。諭令要旨如左

- 一、前方軍情。中樞勿遙制。准由劉坤一計策萬全。
- 二、關內各營俟續調各營到京之後。再命出關。
- 三、着軍務處分電江西等省。催促續調之各軍出發。

第五節 中國軍四次反攻海城 參看附圖第二十二

其一

依克唐阿及長順於十一月下旬。集中大部兵力於遼陽及其附近。是時依克唐阿接軍務處訓令。以日軍攻蓋平。遼陽，牛莊一帶。關係重要。令其即與長順出兵。併力守備。并應援宋軍。同時長順亦接李鴻章通牒。倭人進犯蓋平。宜預爲之備。與依帥共籌防守之策。二將因於十二月上旬。以其主力進至由騰熬

堡亘鞍山站之線。是時在其附近集合之兵力。共五十九營。約二萬人。其區分大約如左。

一、司令官 黑龍江將軍依克唐阿

敵愾軍 步隊四營

鎮邊軍 步隊四營 馬隊八營

靖遠新軍 步隊二營 馬隊四營

齊字練軍 步隊四營 馬隊二營

齊字新軍 馬隊三營

韓邊外之民團 約三一營

二、司令官 吉林將軍長順

靖邊軍 步隊十一營 馬隊二營三哨 砲隊二哨

吉字軍 步隊八營 馬隊四營

十二月十三日。長順等又接軍務處電令曰。現在蓋平已失。牛莊，遼陽等處

萬分緊急。盛京爲根本重地。務須屏護無虞。貴處所部各營。迅速擇要駐防。勿使敵北竄。於是依克唐阿與長順等計議。與其坐待日本軍之攻擊。徒使彼得從容準備。甯乘其兵力寡弱占領未固之時。而擊攘之。或不依照前記命令。決行海城之攻擊。至後方防備。則由奉天將軍裕祿担任。於是遂有海城第一次之反攻。

十八日。依，長兩將由騰鰲堡，鞍山站，開始向海城前進。長軍在左。依軍在右。其前鋒是日達耿家莊子亘福來屯，甘泉堡之線。十九，二十兩日。漸次前進。二十一日。分布於柳河子，平二房，長虎臺，沙河沿，交界臺，小王屯，大富屯。向海城北面陸續前進。二十二日。距日軍約二里許。以長虎臺爲中樞。東路包至頭河堡。西路包至二臺子。陣線長約三里。而日兵扼城北雙龍，歡喜兩山。午前八時。日軍在雙龍山之砲兵開始向長軍轟擊。別有砲兵一隊由徐家園子向依軍轟擊。其步騎兵則相繼出戰。時中國所用器械大半土槍。射程短小。速度緩慢。加以旗兵漢兵心志不齊。持至午後四時。右路軍先退。左路

繼之。依軍駐海城西北三十里之耿家莊子。長軍駐東北二十里之柳河子。

其二

當山海關諸軍將次出發之際。軍務處得日本軍在山東省上陸之警報。因此反信遼東可以乘此恢復。於二十四日訓令依克唐阿曰。據報。倭寇已由山東侵入。則在奉省之賊。必不甚厚。其踞在海城之敵。前已分竄。其城必空。希與長帥相機進取。是日軍務處又電長順曰。現命湘軍出關與宋帥合勦。希與宋，吳，依各帥籌商應如何分勦之策。萬勿觀望。於是依，長兩將相約於十二月二十六日。對海城行第二次之反攻。長順由柳河子沿遼陽大道進。依克唐阿由耿家莊子向歡喜山并徐家園子進。二十七日。依軍自長虎臺搗雙龍，歡喜兩山間之三里橋。阻於歡喜山砲火。乃折而北。繞沙河沿出歡喜山之西。向波羅堡子前進。以攻海城之西北角。長軍亦自頭河堡向二臺子以攻雙龍山。自上午八時至十二時。終扼於兩山砲火不得進。下午一時。依軍死亡枕藉。分統榮和亦受傷。由大富屯退向西北。左路長軍亦不支。同時東走。三十日。長順復退閱家山

。去海城愈遠。長，依之間遂有違言。

其三

依，長等兩次反攻海城。均遭敗衄。深以在海城之日本軍。與軍務處判斷相反。毫無減少之狀。且蟠踞海城。防守甚堅。若僅以現有之兵力攻擊。徒招損害。不能成功。因召致在下馬塘方面鎮邊軍步隊一營。馬隊一營。靖邊新軍步隊三營。在摩天嶺方面豫軍精銳營步隊三營二哨。馬隊三哨。在連山關方面吉林靖邊軍步隊五營。砲隊二哨。於一月中旬。集合於遼陽地方。是時在摩天嶺之聶士成軍。已奉軍務處電命移駐山海關。所遺摩天嶺軍務。由按察使陳湜接防。又在田莊臺之宋慶部。以其主力駐屯營口，大高桿，田莊臺之間。以待由山海關前進之援軍到著。并以李光久等之諸軍駐在牛莊城。以與遼陽方面諸軍聯絡。至一月十七日頃。吳大澂抵田莊臺。其所部除李光久已先出關駐守牛莊外。其劉樹元所率親兵六營。亦於同月抄到達牛莊。又總兵梁永福率鳳字軍五營。亦於十六日由田莊臺開入牛莊城。

於是依，長兩將。又欲一舉恢復海城。遂與在田莊臺之宋慶。及在牛莊城之諸將。與在吉洞峪之遼陽知州徐慶璋等商定計畫。於一月二十日。徐慶璋率其所部由東北方攻擊析木城。以斷絕日本軍之後路。依，長兩軍及在牛莊城之諸軍。同日由西北方圍攻海城。并由宋慶派遣一部參加攻擊。宋慶則自率其主力擊攘蓋平方面之日本軍。以遮斷海城與蓋平之聯絡。其部署及兵力如左。

一、吉林將軍長順所部

靖邊軍 步隊十六營 馬隊二營三哨 砲隊四哨

吉字軍 步隊八營 馬隊四營

以上由遼陽大道向雙龍山

二、黑龍江將軍依克唐阿所部

敵愾軍 步隊四營

鎮邊軍 步隊四營 馬隊九營

靖遠新軍 步隊五營 馬隊四營

齊字練軍 步隊四營 馬隊二營

齊字新軍 馬隊三營

豫軍精銳營 步隊三營二哨 馬隊三哨

以上由耿家莊子向歡喜山

三、其他各部

老湘軍 步隊五營

拱衛軍 步隊十一營

鳳字軍 五營

以上由牛莊大道向海城

四、賈文祥一部。兵力未詳。由營口大道向海城

合計向海城之兵力。除賈文祥一部。共九十四營二哨。約三萬三千人。

此外尚有由吉洞峪向柞木城之鎮東軍步隊十營。奉軍三營及民團等。

中國軍第三次反攻海城。部署既定。於一月二十日開始攻擊。依軍所部分統

烏勒興額等出中路。自長虎臺進驗軍堡。西折至波羅堡子。而於驗軍波羅兩堡。各置快砲二門。以射擊歡喜山之砲壘。步兵則直逼大教場。分統壽山等出東北進二臺子。東跨艾臺堡子。以馬隊控西土城子一帶。以爲中東兩路之聯絡。於二臺子，艾臺堡子，各置快砲二尊。以射擊雙龍山砲壘。長順所部東出玉皇山以作聲援。徐邦道出西路至八里河子。其前鋒千餘人。直進距唐王山西里許。山坡逼日兵而陣。光久助之。日兵頑強抵抗。由晨至午。東路死傷甚衆。遂退二臺子。中路兵阻於歡喜山砲火。亦退。邦道，光久，則先已西走矣。

徐慶璋向析木城之兵。於翌(二十二)日始至。時攻海城諸軍已先期敗退。徐部亦敗於日軍。至宋慶派出之賈文祥一隊。竟未參與此戰。

其四

中國軍第三次反攻海城雖遭失敗。但并未遠退。悉停止於柳公屯，小馬頭，四臺子，大富屯，沙河沿，頭河堡之線。二十六日。依，長兩將及李光久等。復向海城行第四次之反攻。其兵力及部署。除增加劉樹元署永州鎮部下四營此際劉樹元率

吳大澂之親兵六營已到著牛莊

於營口大道上之外。依，長兩軍并徐邦道，李光久之軍。三萬餘人。東西並舉。有砲二十門。分布安村及雙龍山迤東。唐王山迤西。排擊敵壘。然銳氣已喪。各軍未及交綏。已先後退却。日本軍亦未敢遠追。諸軍仍退至西烟臺，沙河沿，大富屯，小馬頭，東柳公屯之線固守。以待增加兵力。再圖克復海城。

二月二日。李光久，徐邦道合軍。劉樹元助之。進攻唐王山。已奪據八里河。而唐王山之日軍守備甚嚴。竟不克。李等復攻晾甲山。亦奪據徐家園子。而晾甲山終不能得。是時魏光燾率新湘軍六營。亦抵牛莊。留三營守備牛莊。自率三營進駐近牛莊之三臺子。於是環海城而軍者。有兩將軍。（依克唐阿，長順）一巡撫。（吳大澂）一提督。（宋慶）一藩司。（魏光燾）共百餘營。（時宋部毅軍已增至三十營）政府方日盼捷音。乃四攻海城。終不能拔。而牛莊，營口，田莊臺，不旬日且相繼失守矣。

當中國軍第三次反攻海城之時。宋慶以擊攘蓋平方面日本軍之目的。同日
二十日 率其軍出發營口。向大平山之日本軍前進。正午。其大部達東西七里溝及
北大平山村。僅驅逐在大平山及其附近日本軍之前哨。遂未南進。而以一部置
於南大平山，及東西七里溝。北大平山村諸部落。以主力駐於老爺廟，及大水
塘。嗣聞日本軍之兵力增大。二十八日。增加第一線之兵力。即由總兵馬玉崐
率步兵約三千。騎兵約一百五十。砲十二門。位置西七里溝附近。施設工事。
爲防禦之中堅。并派出步兵約八百於南大平山村。又步兵約五百於北大平山村
。又總兵姜桂題。以步兵約四千。騎兵約二百。砲六門。位置於姜家房，及老
爺廟附近。以上中國軍之部隊大概如左。

嵩武軍

八營三哨

總兵劉世俊

銘字軍

十一營三哨

總兵姜桂題

新毅字軍

五營

總兵李永芳

同

五營

總兵李家昌

甲午中日戰爭紀要

一三七

同 五營 總兵龍殿揚

同 四營 總兵程允和

同 六營 總兵劉鳳清

毅字右軍 九營 總兵馬玉崐

毅字左軍 五營 總兵宋得勝

計五十九營。人員約一萬八千。砲約三十門。

此外尚有在後家油房附近張光前之新慶軍。在營口蔣希夷之希字軍。及營口道善聯所屬道標步勇約二營。均於二十九日參與大平山之戰鬪。

二十九日。日本軍進擊大平山附近中國之守兵。再驅逐東七里溝中國之守兵。占領該地。是時姜桂題之部隊。正由姜家房方向前進。觀狀知有日本軍之一隊。由小平山方向前進。遂退回舊陣地。又宋慶率其主力經桑廠子向土城子前進。其先頭受大平山日軍之砲擊。中途折回。其時馬玉崐獨率所部在西七里溝之線。竭力抵抗。嗣受日本軍猛烈之攻擊。卒不能支。至是宋慶諸軍。悉退至

白廟子，韓家學房，唐家凹子，老爺廟，及營口附近一帶之地。與駐在大平山之線日本軍相對峙。

第七節 海城日本軍之出擊參看附圖第二十四

在安東之日本軍第五師團長。自一月二十一日奉命向鞍山站前進。當以立見少將混成一旅團任遼東半島東部之守備。以步兵四大隊。砲十八門。於一月二十六日逐次由鳳凰城出發。二十八，九等日。在龍頭寨，劉家堡子，吉洞峪等處。擊退徐慶璋軍。二月一日。占領八盤嶺子。

當時奉天軍務會辦唐仁廉。率奉軍二營。奉天靖邊軍步隊四營。馬隊一營。出發遼陽。與在摩天嶺陳湜等軍相合。以恢復鳳凰城之目的南下。二月三日。其先頭達樊家臺。東邊道張錫鑾亦率定邊軍七營。及渾江河谷民兵團。向寬甸前進。二月二日。擊退日軍。已進抵九連城附近。是時長順以日軍近逼遼陽。急招致唐陳轉回遼陽。陳湜因以一部留守摩天嶺。率同餘部與唐仁廉於四日返抵遼陽。

是日據守海城日本軍第三師團。亦開始向鞍山站運動。先出擊在海城北面之中國軍。同時在海城西方柳公屯及小馬頭之李光久，魏光燾，新老兩湘軍。推測日軍既向海城北面出擊。其防守海城之兵力必形薄弱。擬即乘機恢復海城。於午前六時頃。進佔八里河子。又以一部由牛莊大道進佔二臺子。向唐王山及瞭甲山方面猛力攻擊。嗣見日本軍之守備依然未變。戰至午後二時三十分頃。迄無進步。全線仍退回柳公屯，小馬頭等處。

此際向海城北面出擊之日本軍。分道先犯長虎臺，沙河沿。截依軍之右臂。鏖戰三小時。依軍前線敗退。日軍轉向遼陽大道逼長順軍。依，長兩軍遂不能支。向甘泉堡，楊相公屯退却。諸軍亦隨之而退。是時日軍第五師團主力追躡徐慶璋之軍。奪八盤嶺子，廟嶺。將突出鞍山站。適徐慶璋請援於依克唐阿。依乃託援東走。長順亦恐退路危險。無心抗戰。派隊暫據甘泉堡。掩護各部。急向遼陽退却。初五日。日軍遂佔領鞍山站。

鞍山站者。山勢蜿蜒橫亘。中有缺口，形如馬鞍。雙嶺夾峙。中通一線。實

爲牛莊至遼陽之孔道。最稱險塞。依，長兩軍均張皇而過。棄險不守。窮日東奔。遼陽，牛莊之聯絡於以斷絕。

第八節 日本軍之襲擊牛莊。參看附圖第二十五

日軍既據鞍山站。中國軍確認日軍之目的必在進攻遼陽。於是在牛莊之諸將。以爲危險已去。不復進圖。其在柳公屯，小馬頭之湘軍。新來之銳氣未減。於二月八日，復圖恢復海城。又未能達目的。但亦未遠退。仍駐在小馬頭附近。以待時機。此際宋慶依然擁其指揮之諸軍在營口附近。與大平山方面之日本軍對峙。毫無所展。

到達鞍山站之日軍。忽勢如疾風。轉向牛莊進襲。六日。魏光燾聞警。急率其所部回援。八日。李光久所部五營亦至。但不分兵扼守要隘。悉屯聚市內。擇民舍而居。九日。日軍分三路來圍。一由東道向東關直進。一由紫方屯繞而北。一渡遼河繞而西。包其南。且截中國軍之退路。齊壓牛莊而陣。中國軍束於市內。逼不得出。

方日兵之將至也。李光久部下有告以敵至請速出隊者。李不之應。待部卒早殮。食未畢，而敵已入市。蓋牛莊無城。僅築土壘。而不知守備。于是新湘左營管帶提督余籙武。堅抗市口死之。兵卒死者三百餘人。魏光燾跳越土壘而逃。李光久亦棄軍走。於時兵卒駐近西市者。得乘間出。其駐東南北三面者。爲敵所圍不得出。乃據民舍鏖戰。午後二時。日兵畢入牛莊。夜半巷戰猶未息。中國軍死傷枕藉。慘不忍觀。而由西路逃出之兵。復扼於日軍砲火。死傷亦衆。是役中國軍人馬糧械損失大半。

是日宋慶在營口得報。日本軍攻擊牛莊城。翌(十)日率其主力進援牛莊。及抵大高樺。敗兵已鬻至。因知牛莊已陷。卽令希字軍守備營口。已則急向田莊台轉進。并電報軍務處略云。敵約二萬餘人撲攻牛莊。乃與吳大澂部各軍列隊迎擊。不意吳部下撫標中左後等營兵勇。聞敵砲聲棄械狂奔。吳不能制止。致衝入本軍。陣勢大亂。雖嚴令各軍斬退者。而潰奔如故。慶及坐馬受傷。倭人乘勢壓擊。軍勢不支。退至神沙。地點不明駐紮。

第九節 日本軍之進佔營口參看附圖第二十六

日本軍佔領牛莊後。卽進攻營口。當時宋慶大軍既退守田莊台。各軍軍資集中之地，營口惟留蔣希夷一軍及道標二營守備。其配備如左。

市街之東部 營口道標兵統領喬幹臣 兵三百

水雷營 同 一百

海岸砲台 同 四百

市街西北部 希字軍統領蔣希夷 約二千

營口砲臺在市街西南方遼河之左岸。略同五邊形。周圍繞以土壘。其內新式砲十二門。計二十一生的加農二門。十五生的加農二門。十二生的加農四門。四生的五加農四門。舊式砲五六十門。能縱射遼河下流河身。對陸上東南北三面亦能射及。水雷營在砲臺之東北方。市街之西方及西南方一帶之地。布設地雷。在火藥庫施設爆發之裝置。此等導雷線。悉綜結於水雷營。

十二日。日軍近接營口。蔣希夷率部先逃。其在海岸砲臺之道標兵。略事抵

抗。至夜亦悉向田莊臺潰走。於是不血刃而日軍進佔營口。

方牛莊之陷。吳大澂所部劉樹元統親軍七營。自前敵繞至田莊臺。知吳氏已去。追蹤於雙臺子。其中營管帶洪貞祥。請於吳曰。倭人得牛莊必不守。當徑撲宋慶軍。且料海城之倭當已傾巢出。今夜乘虛返搗牛莊。必得手。誠能奪回牛莊。可長驅搗海城。縱未必克。倭必返顧。可抒宋慶之急。所謂出不意攻必救也。吳氏不許。而牛莊之日兵。實於是夜盡赴營口。與由蓋平北進之日兵會合。其牛莊海城等地。留兵甚寡。

第十節 田莊台之戰鬪 參看附圖第二十七

當二月九日。日本軍攻擊牛莊城。梁永福 當時率鳳字軍五營在四台子附近 徐邦道 當時率拱衛軍十一營在柳公屯附近

先退。十日。梁到田莊台駐守。徐於下口子附近渡遼河向西方退却。中途聞土人傳說。田莊台已爲日軍占領。信以爲實。狼狽遠退三夾溝。又在田莊台之吳大澂。得牛莊敗報。是日率其所部退雙臺子。嗣魏光燾，李光久，劉樹元，率牛莊敗兵。亦先後抵田莊臺附近。聞吳大澂已退却。亦合退雙臺子。

此際宋慶已退至田莊臺。十一日。接諭旨云。賊擊牛莊。湘軍潰退。目下營口已危。所最要者防賊西竄錦州。宋慶統率全軍。回顧西路。與吳大澂督率各軍。盡力防遏。遼瀋之防務。既有各統帥分任。錦州防務。實爲宋慶與吳大澂之專責。務須同心合力。勿一蹶不振。徒以空言敷衍。致誤大局。切宜慎之。嗣宋慶接吳大澂書曰。頃奉電旨。朝廷以錦州西路爲重。應請貴軍派姜桂題統率銘軍駐三义河。以防遏賊之潛入。至雙臺子一路。由本軍駐守云云。宋慶對之。不明其意。仍嚴修田莊臺之守備。以防日本軍之攻擊。是時中國軍在田莊臺集合之兵力。大概如左。

毅字右軍

九營

總兵馬玉崐

毅字左軍

五營

總兵宋得勝

新毅字軍

五營

總兵李永芳

新毅字軍

五營

總兵李家昌

新毅字軍

五營

總兵龍殿揚

新毅字軍 四營

總兵程允和

新毅字軍 六營

總兵劉鳳清

親慶軍 五營

總兵張光前

銘字軍 十一營三哨

總兵姜桂題

嵩武軍 八營三哨

總兵劉世俊

鳳字軍 五營

總兵梁永福

合計約六十九營。人員約二萬。砲約四十門。

上記兵力之內。宋慶以馬玉崐部約三千人。砲二門。守備曹家灣子附近。另
以姜桂題所部銘字軍內約千五百人。砲六門。駐蔡家屯。以警戒左翼。所餘二
千五百人。配置下口子及亮子溝。其直轄之主力。有礮約三十二門則置於田莊台及其附
近。

遼東東路之山盡於海城。南路之山盡於蓋平。田莊臺四面皆平原。無險可扼。
惟倚遼河以爲固。但時值冰凍。策馬可渡。十三日。日軍一部出現於田莊臺

前。是日風雪交加。四方溟濛。不辨咫尺。遂進而復退。翌（十四）日復進。開始砲擊。此兩日爲馬玉崐等毅字軍之步兵五六千人及砲約三十門應戰。嗣見日軍退却。以爲大捷。意氣頗昂，

十五日未曉。日兵先以一部從田莊臺之西南方踏冰渡河。包圍田莊臺之西面。中國軍尙酣眠罔覺。黎明日軍分三大支向田莊臺南面進迫。施以優勢砲擊。宋慶扼河以守。開砲抵禦。而是時在海城，牛莊，營口各路日軍皆會。且海蓋間中國軍所失大小砲無慮百尊。盡爲日軍攻具。列遼河沿岸砲位數倍于中國軍。沿岸守兵不支。日兵遂作橫陣從上下游踏冰渡河。是時有日兵一隊最先渡河。向蔡家屯由其西面猛進。以扼中國軍之退路。中國軍乃大潰西奔。復見截於西面先渡之敵。彈如雨下。死傷枕藉。而留在田莊台內之中國兵。不慮敵來之速也。踉蹌不得出。日兵縱火焚之。燒殺甚慘。官兵死者二千餘人。於是宋慶，吳大澂向西潰。從雙台子復走石山站。

是時依克唐阿，長順，屢攻海城失利已先東潰。依克唐阿直奔遼陽州西之八

里橋。于是自田莊台沿遼河而東。自鞍山站迤邐而西。皆爲日兵所踞。遼陽，錦州，聲援梗阻。而威海衛早經陷落。北洋海軍同時覆歿。日艦暢行無阻。海陸交乘。中國之軍勢益促。尋至畿疆瀕危。城下之盟。勢且不可免矣。

第十五章 山東半島之役參看附圖第二十八

第一節 山東形勢及威海衛之兵備

山東爲清季京師左輔。東北斜伸入海。與遼東半島相值。狀若巨蟹之雙螯。光緒十一年。清政府以遼東金州之旅順。及山東福山縣之烟台。爲遼海關鍵。地當衝要。因興建北洋海軍。而直轄於北洋大臣。

威海衛居成山烟台之間。其海灣形若箕張。兩臂斜伸入海。作半環形。口外橫劉公島。有若箕舌。循岸山嶺蜿蜒。迴抱合拱。南口水淺。最深不過丈八尺。北口則深至三丈外。大艦得以暢行其間。海軍提督率海軍全隊駐泊於此。時以海軍隨時調駐旅順。故兩處皆有提督公署。

清政府以威海衛爲海軍根本所在。非水陸相倚。不足控馭。遂於灣之南岸建


砲台三。曰竈北嘴台。鹿角嘴台。龍廟嘴台。是爲南岸堡壘團。灣之北岸亦建砲台三。曰北山嘴台。黃泥崖台。祭祀台台。是爲北岸堡壘團。南岸北岸。隔海相望。約距十四里。由南岸循行至北岸。約四十餘里。


劉公島實爲威海灣之屏蔽。故島上防具亦與威海稱。全島設砲台二。西曰黃島砲台。東曰東風掃灘砲台。此外尙有零星砲台數所。是爲劉公島砲台。又劉公島至威海南岸之間曰日島。上亦建砲台一。是爲日島砲台。至南岸陸路又有砲台三。曰所前嶺台。揚風嶺台。摩天嶺台。北岸陸路亦有砲台二。曰合慶灘台。老姆頂台。

以上各台之兵備。詳附圖第二十九。又自威海南嘴循岸東南趨。約百四十餘里。至成山頭。自北嘴循岸西北轉。約及二百里至烟台。其間駐有漢中鎮總兵孫金彪所部嵩武軍四營。又登州鎮總兵章高元統嵩武兩營駐膠州。經營膠州砲台。與威海衛，劉公島諸軍同隸北洋大臣。

第二節 戰前山東之兵力及開始籌防參看附圖第二十九第三十

當甲午四月中旬。中日交涉漸趨惡化。李鴻章即密電山東巡撫福潤。籌畫沿海守備。五月間。福潤彙接朝廷諭旨。令警戒威海衛，烟台，膠州灣，成山等沿海諸要點。并令速添調砲台之防營等。按當時山東省駐屯陸軍之兵力。約步兵四十營。騎兵八營。水雷二營。其配置如左。





甲午中日戰爭紀要

松字營

馬隊

一營

新健營

馬隊

一營

沂州附近

福潤以此兵力。不敷山東全省之防備。復奏准添練砲隊四營。計砲三十六門至五月中旬。山東陸海之防備。已大略完成。統領戴宗騫率綏字軍四營。駐劄威海北岸。分統劉超佩率鞏字軍四營。守備威海南岸。日島砲台屬劉超佩守備又總兵張文宣。別以北洋護軍二營守備劉公島。以任軍港之防禦。以上諸營均直轄於北洋大臣。

六月中旬。總理衙門恐山東沿岸之戍兵不足。令福潤將山東內地各軍。分遣於沿海各要地。福潤復請增募步隊四營。合原有之四營稱爲福字軍。以二營駐在青島。由總兵章高元編成。他之六營駐在濟南。由副將馮義德編成。七月一日。宣戰之後。福潤更令統領曹正榜在烟台編成東字軍三營。又飛檄沿海十餘州縣。組織漁民團。以充海岸警備之用。

自濟遠軍艦逃回威海衛港。風聲日緊。迨七月三日。廣乙軍艦之殘卒逃回成山角。豐島海戰之敗益證實。而北洋海軍已於先日出港到旅順。沿海人心惶惶

九日夜半。日本軍之水雷艇隊。自西北來窺威海。守兵愕然。槍砲亂發。至八時。日本軍艦十數艘猛進至口外十餘里。發砲向北山嘴砲台轟擊。北山嘴砲台發砲還擊。日艦中兩彈。向東南移。南岸灶北嘴台。鹿角嘴台。又同時夾擊。中四彈。劉公島南嘴砲台亦發砲轟擊。中一彈。九時。日艦負創向東南逸去。戴宗騫恐倭艦未遠去。現有兵力不足拒止日軍上陸。於十日電請增募二營。配置南北兩岸。同時張文宣亦因劉公島之守備薄弱。請增加二營。李鴻章均准之。

十二日。福潤電商李鴻章。欲以道員李榮光。率在濟南之嵩武軍四營。前往登州警備沿海。總兵孫萬林。烟台嵩武軍指揮官孫金彪之部將率在烟台之嵩武軍若干。守備榮城。李孫所部均直轄於北洋大臣也。李鴻章初亦以榮城附近。尤於成山角之警備。認爲重要。乃疊接戴宗騫報告。倭艦徘徊西北口不去。似企圖上陸。又倭艦六艘。率商船數艘。停泊大口灣。于是李鴻章轉注意于威海衛西方海岸之警備。對於守備榮城不採納。翌(十三)日。急電孫金彪派遣一部隊於舊館集附近。

戴宗騫以奉准增募之二營。稱爲綏字新前營與新右營。復請准以李榮光所率嵩武軍四營增加威海衛。繼又欲添募兵營未准。旋將新募之二營。改稱綏鞏軍新兵前營駐神道口，一營改稱綏鞏軍新兵右營駐長峯寨，而戴宗騫仍屢請增兵。均遭李氏峻拒。

福潤于此時亦計畫補充各部隊之人員馬匹。並着手編成左之諸營。

泰靖左營 一營 濟南

廣武軍

四營

十二月間
編成完畢

青島附近

砲勇

四營

十二月間
編成一隊

馬隊

一營

滕縣

第三節 中國軍之佈防及作戰計畫參看附圖第二十九第三十

七月中旬。中日戰端已啓。中政府以山東爲畿疆左輔要地。起用李秉衡撫山東。而移福潤撫安徽。八月十二日。李氏抵山東。是時李鴻章漸覺山東省兵力有增加之必要。對於戴宗騫准其增募鞏字軍一營。又准孫金彪增編襄字軍二營。

。又命在天津之吳大澂。前往檢閱威海防務。欲使吳大澂率湘軍四營駐守該處。乃吳大澂單身先往。無何平壤陷落。黃海敗戰之報連續而來。而奉天方面又告危急。舉朝震駭。山東之防備遂不遑兼顧矣。于是令湘軍轉向山海關前進。而又電李秉衡。令曹州鎮總兵王連三。于八月下旬。率部

步隊四營
馬隊二營

集合天津附近。

李秉衡深感兵力之不足。因添募興字軍四營。駐防萊州府屬。并添募練軍一營。駐防烟台附近。二十八日。又派遣副將馮義德。率在濟南之福字軍二營。一防威海衛之後路。一防膠州灣之後路。而前遣嵩武軍四營。已於十三日到達登州。九月二日。派遣在曹州附近之松字營馬隊。及濟字副中營。至山東南岸之瑯琊台，石臼所附近。任防守海岸。六日。命知府何鳴高。募萊邊砲隊四營。任萊州附近三山口及海廟口之守備。又派若干部隊至膠州灣以東。監視海岸。時李秉衡親行視察山東沿岸之防備。欲以膠州灣守兵移駐威海衛。先以前次派防膠州灣後路福字軍一營。轉進烟台。二十九日。李秉衡回烟台。將赴膠州。

灣巡視。適接北京電令選派勁旅入衛。遂令在登州及膠州之八營。由登州鎮總兵章高元率領北上。乃此令發後。又奉諭旨。旅順之防務緊急。命提督夏辛酉率嵩武軍四營東渡至旅順。至前次入衛諸營。亦均奉命赴援旅順。李秉衡以山東防備尙未完成。兵力正嫌不足。於十月六日復奏。以夏辛酉所部之嵩武軍四營。併歸章高元率赴旅順應援。夏辛酉另增募防營。填防登州。章高元奉命赴援旅順。即率嵩武驥武四營。及由廣武福字合成各二營。仍稱嵩武軍由烟台赴旅順。嗣以金州大連相繼失陷。遂轉由營口上陸。而膠州灣守兵大部移駐威海衛之議。亦未得實行。

李秉衡在烟台奏請另編成一大遊擊之師。以資策應。十九日廷諭准之。李氏于此時極力完成威海衛西方後路之防備。於本月初旬。令青州駐防之步隊一營。馬隊一營。在濟南之河成左營。及河定右營。前往烟台。又令副將馮義德。率福字二營駐田村嶺。指田村附近以新到烟台之福字一營。前派防膠州後路者駐屯雙島。前雙島附近在舊館集嵩武左營及後營之三哨。召回烟台。以孫萬林同左營任龍門口之警備。

。又令在濟南附近精健二營。轉駐威海衛。迨二十五日旅順失守。軍務處及北洋大臣。雖知威海之防備最爲急要。但無兵增援。殆已有委其自衛之情勢。而李秉衡奉准增募遊擊之師。又因敗報頻聞。應者甚鮮。不能如預期之編成。

此際戴宗騫判斷日本軍上陸之企圖。對於威海衛軍港北岸附近之防禦設備。努力進行。其柏頂砲台西北山嶺及田村附近之要處。構築堡壘砲台。增備火砲二十餘門。以警戒由北山嘴亘田村西方一帶之海岸。至築城方面之海岸。僅於成山角派出少數海岸監視哨。十一月九日。李秉衡令在田村附近福字軍二營。移於上莊。以任該處之守備。

自九月中旬以後。日本軍艦時在山東半島之海上出現。其後出現漸密。山東形勢遂日趨危急。至十一月二十七日據報倭艦侵入龍睡澳。且有十二人乘舢板到龍鬚島。其六人上陸查看電桿。并就土民詢問築城，石島，至威海衛里程。及飲用水之所在。戴宗騫急命劉超佩。分遣鞏軍中營之三哨。附山砲四門。移駐該處。至是日本軍之企圖已漸明顯。李秉衡亦令前在烟台附近集中之諸營中

。以濟字右營。精健前營。泰靖左營。及河成左營。移駐萊城及其附近。又配置河定右營於裏島。而威海衛西方後路之兵力。亦已增大。即以在烟台附近新募東字軍三營。在甯海州新募襄字軍三營。配置於龍門港。又將在龍門港之孫萬林增加在上莊。福字軍二營移駐舊館集。而以總兵李楹所率福字軍三營駐屯上莊。戴宗騫仍恐日本軍牽制威海衛附近之守兵。而由西方後路上陸。又以綏字副營管帶劉樹德增加上莊方面自五月以來。福潤，李，戴，等在山東經營。至十二月中旬。已新增三十餘營。

十一月下旬。李秉衡復赴萊州沿岸一帶巡閱海防。同時總兵孫金彪。亦至登州附近檢閱軍隊及沿岸之防禦。結果由李秉衡規定作戰計畫如左。

一、倭兵若由甯海附近上陸。以李楹統率所部福字三營。曹正榜統領所部東字三營之全力迎擊之。在盒子寨龍門港襄字營出十分之七隊。爲預備應援隊。

二、倭兵若由舊館集附近上陸。以孫萬林統領之嵩左等營及李楹統領三營之全力迎擊之。以曹正榜統領之二營爲預備應援隊。又由烟台之孫金

彪統領率二營赴援。

三、倭兵若直犯威海之後路。以孫萬林統領之嵩左營。譚鄰都遊擊之砲隊。福字軍砲隊及曹正榜，李楹二統領之各二營。襄字營二分一。孫金彪統領之嵩武二營。向威海後路進出。以拊敵背。與威海各軍前後夾擊。其未前進部隊。卽留守駐屯地。

四、倭兵若由榮城，成山等處上陸。以聞得勝統領之二營。戴守禮管帶之一營迎擊之。徐管帶趙管帶應各以一營預備往援。

第四節 日本軍在榮城灣之上陸參看附圖第三十一

當日本第一軍進攻海城之際。其第二軍卽奉令向山東出動。當時在其國內之第二第六師團。(欠混成第十二旅團)於十一月中旬由宇品及門司出發。悉集於大連灣。與在金州旅順附近第二軍司令部及第一第六師團砲兵之一部。於十二月中旬後。依艦隊之掩護。由海運分次向山東半島東岸之榮城灣進發。同時由海軍吉野，浪速，秋津洲三艦。遊弋登州海面。牽制登州一帶之中國軍。并令

高千穗駛往威海偵察。

二十三日。吉野等三艦駛至登州海上。卽向天恆山砲台及城內開始砲擊。中國守兵突見日艦出現。愕然不知所措。僅以配備在東門外海岸之野砲一部還擊。彈丸悉落於水中。而城內又同時着火。居民逃竄。紛擾異常。逾時日艦向東方退去。翌(二十四)日午後一時。日艦又來進襲。砲擊約一小時。天恆山砲台始開砲還擊。而在海岸之野砲。亦全部發射。日艦又向東方退去。是日高千穗已達威海衛。在港外巡弋。

此時中國軍派遣在榮城縣附近諸營中鞏軍之中營三哨。在落鳳崗及大西莊任龍鬚島及成山角附近之警戒。又濟字右營河成左營及榮城團練。駐在榮城之南門外。精健前營及泰靖左營在姚上附近。河定右營在裏島。任附近沿岸之警戒。均受閻得勝節制。

十二月二十五日晨。日軍由榮城灣之龍鬚島開始上陸。用小輪拖舢板渡兵。鞏軍三哨據落鳳崗高地。以七生五野砲擊之。沉其舢板二。其小輪遂折回。而

日艦以大砲轟擊崗上。仍以小輪拖舢板由彈道之下強渡以登。鞏軍三哨不能支。棄砲奔榮城。日兵遂登岸追逐。是時榮城團練。聞日軍至。已逃散。城門大啓。駐榮城圍得勝所部。不堪任戰。且槍械缺乏。亦均隨之而逃。日軍遂佔榮城。其後續部隊。因無何等障礙。均如期上陸。至十二月二十九日。軍之全部已在榮城附近集合完畢。即以第六師團由北路向鮑家村方面前進。以第二師團由南路向溫泉湯方面前進。準備對威海衛南岸堡壘并鳳林集東方一帶之高地進攻。其軍司令官之計畫如左。

在戰鬪初期。務避開有大口徑火砲之南岸堡壘團。先以第二師團略取鳳林集東方一帶高地。以遮斷南岸堡壘團中國軍之退路。而後兩師團相合。攻擊南岸堡壘團。

二，六兩師團基於以上之計畫。遂於三十日開始行動。

第五節 中國軍對榮城登岸日軍之防堵參看附圖第三十一

在威海衛中國諸將。自二十三，四等日。叠接登州，榮城，各方面警報。而

威海衛港外。又有日艦出現。正不測日本軍近又對何地方。有大企圖。二十五日早。接成山角電局報告。有日本軍艦出現榮城灣。其後運送船軸轆相接。直由龍鬚島開始上陸。正午頃。得知成山角已落日軍之手。於是戴宗騫及李秉衡。擬由威海衛後路邀擊日軍。李秉衡先令在舊館集孫萬林。率嵩武左營及馮義德福字二營。前進至橋頭集。戴宗騫亦令綏軍副營管帶劉樹德。率副，前，左，三營與孫萬林協同擊攘日本軍。而李秉衡於二十六日。又令在烟台總兵孫金彪。率嵩武軍中右兩營赴甯海。會同福字李楹之東字曹正榜各營。防堵敵人。兼警備海岸。并令在威海衛之守備軍。與之協力防守。

二十五日。由榮城方面退却諸營。是夜在蘭家村附近宿營。二十六日。一部向北路之方面。大部經南路向西方退却。二十七日。孫萬林部隊先頭到着橋頭集。收容退却諸營。此時日本軍亦未敢急追。僅於二十六日有少數騎兵在埠柳村徘徊。二十七日。即不見踪影。僅少數步兵進至孔家附近停止。二十八日。孫萬林及劉樹德所率諸隊。悉抵橋頭集附近集合。由榮城退却諸營。即屬於孫萬

林指揮之下。而戴宗鸞派至北路之鞏軍三營。於二十六日抵三官廟附近。戴又恐南岸堡壘團空虛。復令歸還原地。該方面遂全開放。

孫萬林等各部，由二十九日晨佔領孟家莊，橋頭集附近之高地。一部在白馬村。以待日本軍之來攻。午前八時三十分。日軍騎兵約七八十。由湯家方向進至觀里村。展開於該村西北高地。向白馬村射擊。於是在白馬村及孟家莊附近諸隊。齊起應之。日騎即向東南方退却。孫萬林乘勢舉其全力轉移攻勢。十一時頃。第一線達洛君口附近之高地。知日騎退至湯家。爲少數步兵部隊收容。因即增加兵力成廣正面。向前進逼。午後一時頃。前進至宋家店子西方高地。其一部已進入宋家店。見日軍步兵續向湯家北方高地而來。諸隊銳氣頓失。又退回原陣地。三十日。孫萬林等依然在孟家莊，橋頭集間之陣地。偵知日軍步騎兵。向觀里村前進而來。復擬向之攻擊。乃先頭一小部隊。前進至牙格莊東方高地。忽爲日軍擊退。其後諸隊即逡巡不發一彈。由中途折回舊陣地。而日本軍即進至牙格莊以東相對峙。

元旦。光緒二十一年孫萬林復得在上莊李楹所率福字軍三營之增加。集合橋頭集附

近之兵力。已達十三四營之多。兵勢稍振。又向日軍進攻二次。均因先頭部隊爲日軍擊退。全線畏縮。中途退回舊陣地。而孫萬林以諸隊糧運不繼。且橋頭集附近之陣地無險可守。決心暫移河北附近。二日早。諸隊如約集合。孫萬林始知劉樹德已於夜間向溫泉湯方向退去。卽以現有諸隊。在河北附近占領陣地。以圖得勝所部駐墩前。以掩護退路。是日忽有優勢日軍淹至攻擊。閻得勝先率隊退草廟集。孫萬林不得已。亦棄其陣地至報信西方。收容諸隊。是夜宿草廟集。

此際鞏字軍指揮官劉超佩原有四營
新募一營派遣七八百人守備由北虎口亘南虎口西方高

地。該部隊以一部配置於蒲子頂附近。一部配置於廟口子附近。而以主力位置於北虎口西方高地。并設備防禦工事。其餘所部仍任堡壘團之防禦。

三官廟方面既如前述完全開放。迄未派遣一兵。日本騎兵斥候於元旦日夕。達鮑家村西北方高地。二日。又越五豬河。出沒於堡壘團之前面。中國軍爲驅

逐敵騎。派遣在謝家所附近之守兵一部。及在廟口子附近監視部隊之一部。同向寨子東之西方高地前進。日騎旋亦退去。

先是清廷關於山東省之防禦。極爲顧慮。然又一再分割山東兵力。移於他方。李鴻章雖屢經諫阻。迄未容納。今日本軍顯然發露其企圖。清廷始頒上諭。

令李占椿安徽省皖南鎮總兵之十五營由清江。陳鳳樓江蘇省徐州鎮總兵之五營由徐州。丁槐總兵之五營

雲貴苗兵由沂州。前赴威海衛爲救援軍。以上諸營當時正在北上途中

丁汝昌，戴宗騫，于二十九日接煙台道之通報。得知此諭。深幸援軍之將至。

第六節 威海衛戰鬪之經過參看附圖第三十二

元月二日。戴宗騫得報。在橋頭集附近孫萬林所部。受日軍大部之壓迫。向草廟集退却。恐日軍直逼南岸之背後。另派二哨至虎山附近。以警戒要隘。并招致向上莊退却之劉樹德二營。

三日。日本軍之騎兵。果不出戴氏所料。於午前十時。已在溫泉湯出現。續向虎山前進。在虎山東北高地砲兵。開砲擊退之。旋有日步兵數百人。進出於

江家口子西方之鞍部。占領後亭子亦附近。漸次增加其兵力。與中國軍對峙徹夜。是日。戴宗騫在鳳林集。合劉樹德之三營。及孫萬林之砲隊。管帶馮義德亦到此。得稍集結其兵力。

日本軍第六師團。由北路既近南岸堡壘團之前面。在南路上之第二師團。其先頭已達後亭子亦附近。戴宗騫以其處置電報李秉衡。其要旨如左。

今夜集合三軍。若倭大舉來攻。以劉樹德爲先頭。綏軍副前左三營派鞏軍八百人。

指在南北虎口附近者爲應援。現已派勇兵兩哨。埋伏虎口山外。指南虎口及虎口附近者以挫敵

之斥候騎兵。孫李孫萬林李權俱已到達。明日決前進二十里。依據險隘。堅持

不退。望速補充糧食。敵若駐營與我相對。即撥嵩武指在孫金彪指揮之下者曹軍東字軍來

會。援兵縱緩。指李占椿等各軍亦必能支。

四日晨。中國軍右翼即基於以上之決心行動。在南虎口附近鞏字軍之一部。由蒲子頂高地前進。劉樹德所率綏字軍三營。由虎山附近前進。均在後亭子亦附近占領陣地。與日本軍之前哨部隊。略有衝突。又南岸堡壘團之前面。仍如

前日僅有日本軍之步兵小隊出沒。午後。有日本小部隊。因風雪迷漫。不辯咫尺。在九家曠休止。爲中國軍偵知。卽以一部約二百人出其不意。掩擊之。乘勢前進至巨崖及河東村附近。見日本軍之守備嚴密。復退回原陣地。

五日。在南岸一帶之中國軍。計劉樹德之三營在虎山附近。鞏字軍八百人在南北虎口西方之高地。其餘之鞏字軍約四營。配備於南岸堡壘團。該處尙有水雷營一營。又張文宣由劉公島派來北洋護軍營二哨。是日拂曉。日本軍由南北兩路開始總攻。同時日艦二十一艘。自榮城灣起碇。西向威海與其陸軍夾攻南岸堡壘。但扼於劉公島砲火。卒未能逞。惟陸路日軍直撲虎山。鏖戰三小時。在該方面及其東北高地之中國守兵。傷亡殆盡。餘向虎山西北退走。午前八時三十分。摩天嶺砲台先陷。嗣鳳林集東南一帶高地。又爲日軍奪略。南岸堡壘守兵因失退路。悉棄堡壘而走。分統劉超佩見勢急。驅兵與敵搏擊。中敵伏兵受傷。以小輪渡奔北岸。於是鹿角嘴，龍廟嘴砲台相繼而陷。灶北嘴台以二十八生的砲旋擊鹿角嘴台所踞之日兵。日兵稍卻。而中國軍死傷既多。逃亡亦衆

。不能掃盪。仍爲日軍所踞。灶北嘴台亦陷。

是時中國海軍諸艦。駛至西海套。用過山砲射擊南岸各台所踞日兵。斃日兵甚衆。南岸中國之殘卒。始得藉海軍砲火之掩護。由長峯以東沙灘衝出數百人。不然悉爲日兵殲滅矣。

當日本陸軍尙未逼近南岸之時。丁汝昌慮南北兩岸守備薄弱。日島砲台又無將領。海岸砲台又未備小槍小砲。且無咽喉部之防禦設備。陸軍不論如何。不能拒支日本軍。因將此意電報李鴻章。一面商諸劉超佩。遣弁先至龍廟嘴砲台。將備砲之閉鎖機悉行卸去。蓋砲台守兵不足恃。免以巨砲資敵。貽海軍憂也。陸地防禦司令官戴宗騫。初未得知。嗣接水雷營之報告。深以丁氏此舉爲不然。乃電李鴻章。謂丁之報告全非事實。請求今後關於陸路之防禦。水師官不許容喙。卸去之閉鎖機。復還爲配置。至是日兵果資之以擊中國之海軍。

在南岸之中國軍。旣爲日軍擊潰。在北岸之綏軍。見南岸之敗。死亡甚慘。六日。卽望風潰逃。劉樹德亦委軍去。北岸堡壘遂至空虛。戴宗騫移駐祭祀台

。從者皆散。滄北山嘴台有學生砲弁砲勇二百餘人耳。

翌(七)日。丁汝昌乘小輪至祭祀台。挈宗憲往劉公島。麾砲勇去。以海軍大砲燬北岸堡壘及彈藥庫。俾免資敵。日軍遂安然佔據北岸。威海陸地悉爲日軍佔踞。而灣之東西口外日艦。重重阻塞。於是中國艦隊。陷入重圍矣。戴宗憲至島。仰藥自盡。

在甯海州曹正榜所率東字軍三營。派遣至鹿島口。七日。在孫家灘附近之陣地。與由威海衛退却諸營相合。八日。與日本軍之一部小戰後。卽退至初村西方高地。與孫金彪之諸營相合。前孫金彪以在烟台嵩武軍二營進至甯海州。扼守孟良口及福仙口之要隘。至是遂收容孫萬林等諸營。

是時李秉衡。雖知北洋海軍及在日島，劉公島之守兵。已陷入重圍。而不思救援。惟憂懼日本軍之西進。嗣見日軍尙無前進之狀況。乃於十二日。令孫萬林率部經龍泉湯至文登縣方面。擬威脅日本軍之背後。而孫萬林在箇頭集編成村落防禦。以一小部進出文登縣。任監視。旋風聞日軍將向烟台前進。李秉衡

乃于十四日走萊州。在孟良口及福仙口附近諸隊。遂于十五日退至烟台。同日夜半。孫萬林亦由箇頭集向海陽縣方面退走。

第七節 中國北洋海軍之覆沒 參看附圖第三十三

中國北洋海軍。自八月十八日黃海敗戰之後。其損傷諸艦於九月間。在旅順港內修理完竣。回航威海衛。是月杪。日本艦 浪速秋 二艘。出現港外。丁汝昌

率艦隊之主力。尾追至成山角附近而還。十月間。 是時日本第二軍已在花園口上陸 丁汝昌率全艦

遊弋旅順，大連灣。嗣又遊弋渤海灣內。十四日到大沽。深以旅順若陷。則北洋之門戶失。大局震驚。罪且不測。因自赴天津謁李鴻章。請以海軍全力赴援旅順。與敵決一死戰。李氏厲聲曰。汝在威海衛。善守汝船勿失。餘非汝事也。乃于十七日回威海。迨二十五日旅順失守。朝議以旅順船塢淪陷。海軍根本已廢。籲丁汝昌職。自是中國海軍。束於威海。巡弋所及。西不過登州。東不過成山。每值日艦大隊至。則堅伏不動。

當威海衛南岸砲台之陷也。日兵即以台之巨砲。轟擊灣內中國諸艦。中國諸

艦避往西口。由是日本魚雷艇。遂得卸除東口水欄。及守口水雷諸物。以便入口狙擊中國諸艦。五日夜。日魚雷艇入口劫奪。因受劉公島砲擊。未得逞。及九日。日艦合南岸所踞砲台。轟擊中國艦隊與劉公島。雙方相持竟日。劉公島守兵傷亡甚衆。是夜。日魚雷艇復由東口進襲。爲中國擊沉五艘。而中國定遠卒中雷傷甚劇。駛泊劉公島岸旁。船已傾側。乃鑿沉之。十一日。日海陸軍復以砲猛攻。毀日島火藥庫并地阱砲。而劉公島砲台亦擊傷其兩艦。十二日拂曉。日魚雷艇復由東口進襲。擊沉中國來遠，威遠，寶筏諸艦。十三日。中國魚雷艇管帶王登雲等。率艇十二艘從西口駛逃。日艦追之。盡擄以去。其傍近淺水得鳧渡逸去者僅百餘人。王登雲欲自戕。餘兵拽之登岸乃得脫。

自威海陸路陷落。劉公島居民惶懼。兵艦管帶不欲戰者。復交煽其間。兵勇和之。加以日魚雷艇時由東口進襲。中國魚雷艇又全隊闖口而逃。於是兵勇益鼓噪。鳴槍過市。聲言向提督乞生路。島中大擾。諸西員請姑許乞降。以安衆心。丁汝昌曰。我知事必出此。然我必先死。斷不能坐觀此事也。乃先出示撫

衆。謂援兵將至。衆因稍定。十五日。敵復由水陸以砲轟擊。沉中國靖遠艦一。是日右翼總兵劉步蟾以手槍自戕。時丁汝昌駐鎮遠。十六日。弁勇擁護軍統領張文宣見丁汝昌。營務處道員牛炳昶。并各艦管帶踵至。相對泣。丁汝昌乃召西員計議。以德員瑞乃爾能華語。令出撫衆。曉諭良久。弁勇喧噪不可解。瑞乃爾入艙密告丁汝昌曰。兵心已變。勢不可爲。不若沉船燬台。徒手降敵。較爲得計。汝昌沉思良久。乃令諸將候令。同時沉船。諸將不應。蓋恐沉船空。降。取怒日人也。

十七日。日軍海陸兩方。復以砲猛攻。島中愈惶急。時島中尙存鎮遠，濟遠，廣丙，平遠，康濟五艦。及鎮中等雷艇六艘。而彈藥將罄。是時得烟台密信。知東撫李秉衡已走萊州。援兵告絕。丁汝昌召海軍諸將會議。擬鼓力撞敵船。突圍而出。或幸存數艘。得抵烟台。愈於盡覆於敵也。諸將不允，散去。旋有弁勇露刃懾丁汝昌。丁氏稍稍慰之。卽入艙仰藥。張文宣繼之。十八日未曉。丁汝昌，張文宣相繼死。牛炳昶召諸將并西員議降。於是英員浩威作降草。仍

託諸丁汝昌語。管帶閩人某譯爲華文。炳昶卽署以海軍提督印。拂曉。廣丙管帶程璧光。乘鎮邊艇懸白旗責書詣日軍降。所有殘餘艦隊十一艘。并劉公島各砲台軍資器械。遂全納於日軍。中國慘淡經營之北洋海軍。至此乃掃地以盡矣。

第十六章 議知

第一節 和議之醞釀及頓挫

中日戰事經過中。迭有和議之醞釀。光緒二十年九月間。英俄兩國使臣。當致力於此。然其時勝敗之局未定。中國政府格於清議。未成事實。迨遼東山東同時告警。議和之說。漸趨有力。其時美國令其駐華公使田貝。與駐日公使譚恩。居間斡旋。啓和議之端緒。譚恩於十月初九日。以美政府訓令轉達於日本外務大臣陸奧宗光。提出調停仲裁之議。是時日本狃於戰勝。不願承受。於十月二十日。以覺書答復譚恩。以中國尙未直接求和。婉拒調停。

然此時中政府已決定和平之企嚮。十月中旬。李鴻章秉承政府意旨。決派津海關稅務司德璀琳赴日議休戰。德於十月二十二日賈李氏致日本總理大臣伊藤

函東渡。旋中政府亦委託美使向日政府提議媾和。其條件爲承認朝鮮獨立。及賠償軍費。十月杪。德瑾琳抵神戶。日政府得報。謂德爲西人。非中國大員。所資李鴻章牘。非國書。斥不與議。德遂于十一月初一日啓程回華。日政府即致覺書於美使譚恩。使轉達中政府。謂中國政府經兩美使所提之媾和條件。日本不能承諾。若中國任命具有正式資格之全權委員。與日全權委員會合後。日本當提出休戰條件。中政府復倩美使電東京。希望於派使之前。先由日本提媾和基礎條件之概要。而日政府以爲如此往返傳詢。徒惹各國注目。恐啓干涉之漸。遂決然於十一月初六日。經美使電復。仍謂非具有正當資格之全權委員相會後。不能宣告媾和條件。若中政府對此不滿。商議即可中止。

時中政府知非正式遣使不可。又恐派員赴日爲所要挾。乃依李鴻章議。於十一月十六日。經美使轉電東京。允照日政府意見。任命媾和全權委員。並提議以上海爲兩國委員會合地。日方二十二日復電。謂日政府任命全權委員之前。須中國政府先將所派之全權委員之人名官位。通知日政府。議和地點。必須在

日本國內選定。中政府乃決派總理衙門大臣張蔭桓。及署湖南巡撫邵友濂。爲赴日議和代表。於二十四日經美使電告日政府。至三十日。日政府經美使電告中政府。謂日本亦派全權委員。並選定廣島爲全權委員會合地。於是張邵二氏廣島之行決矣。

十二月初十日。張蔭桓陛辭。朝廷特諭。一切請旨再辦。如割地及力所不逮者。萬勿擅許。十一日。張發自北京。十八日抵上海。與邵會晤。至乙未元旦始自上海行。正月初六日抵廣島。日本全權辦理大臣。爲內閣總理大臣伊籐博文。及外務大臣陸奧宗光。正月初七日。中日兩國全權大臣會晤。交換證書。日方謂中國代表全權不足。將國書退還。中國代表一再解釋無効。故初八日再度會晤後。會議即告終止。是時日政府會照會駐中駐日兩美使。以中國若派有位望大員畀以全權。仍可隨時開議。伊籐博文且向中國隨員伍廷芳暗示。中國如派恭親王李中堂爲全權。最爲適宜。

日本方面以此時既不開議。仍是仇敵。不許張蔭桓等留廣島。卽時送往長崎

。張等乃於正月十一日抵長崎。僅得以英文電美使田貝。轉告頗末於總理衙門。中政府於是決改國書。添訂約劃押字樣。希日政府與張邵二代表復開談判。日政府仍拒之。中國代表遂於正月十八日。由長崎就道歸國。

第二節 馬關議和

當張邵二氏再度被拒滯留長崎之時。正威海衛失陷。海軍覆沒。遼陽敗績。盛京危急之時。中政府亟欲休戰。乃徇伊藤之意。遣李鴻章任和議全權代表。光緒二十一年正月十九日諭下。二十八日李鴻章應召至北京。旋經三次召見。並赴各使館聯絡。其時迭據美使轉致日電。謂中國派大臣議和。除償兵費並朝辭自主外。若無割地條款。及具足全權。即無庸前往。李又上奏預籌赴東議約事宜。奉諭已隱有允許割地之意。適日方指定在馬關會議。事勢愈迫。中政府乃於二月初八日。發給全權敕書。任爲頭等全權大臣。准其便宜行事。訂立和約。並予以署名畫押之全權。李于初九日離都。其子李經方亦以欽差全權大臣與隨行之列。二十三日辰刻。抵馬關。二十四日。與日本全權辦理大臣伊藤博

文，陸奧宗光，會於春帆樓。交換全權敕書畢。李氏提出要求停戰之節略。二十五日。再度會議。伊藤以節略答復。提出停戰之苛刻條件。要求日軍佔領大沽，天津，山海關。各該地中國軍繳械。天津，山海關鐵路。歸日軍管理。休戰期內中國担負日軍用費。嗣經往復辯論。約以三日答復而散。

二十八日。中日全議開第三次談判。李氏對日方所提條件。以書面拒絕。謂萬難首肯。至此停戰之議。幾成僵局。乃是日散會後。李鴻章自春帆樓歸館。途中爲日人名小山豐太郎者。以手槍狙擊。中左顴。伊藤，陸奧聞訊大驚。相偕至李氏行館慰問。謝罪甚恭。日皇亦派醫遣侍。甚爲重視。並下詔示歉懲兇。蓋此種事件。非文明國家所宜有也。李氏傷後。仍力疾議和。而日本各重臣議允無條件停戰。經日皇之裁可。擬成停戰條約草案六款。而實質則爲無條件休戰也。於三月初三日。將草約送至中國使臣行館。旋就李氏病榻前。經半日之會商修正。即告定議。初五日。兩國全權簽字。李氏當日照會陸奧促議和款。並請至行館談判。

三月初七日。日方將媾和條約底稿送達中使行館。限四日答復。其要如左。

一、中國認朝鮮爲完全獨立自由國。

二、將盛京省南部及所屬諸島嶼。又台灣及所屬諸島嶼。並澎湖列島。均讓與日本。

三、中國賠償日本軍費庫平銀三萬萬兩。

四、開順天，沙市，湘潭，重慶，梧州，蘇州，杭州爲商埠。並要求南方各地內河航權。及關於通商其他各項權利。備極苛細。

李鴻章據以奏聞。請酌核准駁。樞臣紛議難決。至三月十一日。猶未獲報。李鴻章乃先以說帖就上列四大端。答復日方。除朝鮮自主一款無甚異議外。其餘逐條駁辯。義正辭嚴。割地一款。一概駁斥。而於奉天南部之割讓。拒絕尤力。於賠款數目。亦力主大加刪減。至於通商權利。亦多數駁斥。惟開商埠及內河航權兩條。請暫緩作復。此說帖僅就大端爭辯。尙欠具體。且聲明因傷疾未愈。所有答復未周備之處。數日之後。必能一一詳復。

第三節 和約之簽定及烟台換約

伊藤等接到李鴻章說帖。越日復函要求李速按所交約稿。逐條言明允駁。或更改之處。李乃逐條答復。略如說帖意。允割奉天之安東，寬甸，鳳凰城，岫巖，四廳州縣。及澎湖列島。賠兵費一萬萬兩。通商權利。一如中西各國成約。

時李鴻章創愈。於三月十六日。復會議於春帆樓。伊藤面致盡頭約稿。大端於割地。僅將奉天南部減爲遼東半島。賠款減至二萬萬兩。其餘亦稍有刪改。並謂此盡頭約稿。中國但有允不允兩言爲決耳。

三月二十一日。復會議。仍互辯甚烈。結果伊藤於細節復有數處讓步。且以分道攻北京等詞威嚇。鴻章等屢電總署。清政府不能堅持。傳旨允之。和約遂定。國家權利損失之大。至堪痛心。

三月二十三日。在馬關春帆樓。經中日兩國全權議定和約。其要如左。

一、中國認朝鮮爲完全獨立自主國。

二、遼東半島。臺灣全島。及附屬各島嶼。與澎湖列島。讓與日本。

三、中國賠償日本軍費庫平銀二萬萬兩。

四、開沙市，重慶，蘇州，杭州，爲商埠。並許日輪航行宜昌，重慶間。

及由上海經吳淞江運河以至蘇杭。

約中喪失其他權利尙多。並約定光緒二十一年四月十四日。在烟台換約。

當此之時。朝議紛紜。未幾俄德法三國。向日要求放棄遼東半島之佔領權。

干涉之端既啓。清政府又命李鴻章商改約。李以全權簽約。無更改理。堅不從。

。清政府復請美使電日本延緩換約之期。時日本亦知無力拒絕三國之要求。然

決先換約。而後還遼。故仍不允換約延期。清政府乃旨派伍廷芳及聯芳爲換約

大臣。日本則派內閣書記長官伊東美久治爲換約全權大臣。於四月十四日。在

烟台換約。完畢後。日本旋亦歸還遼東半島於中國焉。

附

圖

共三十三幅

豐島海戰經過要圖

(六月二十二日)




記

附

- ▲ ▲ ▲ 六月二十三日
- ○ ○ 六月二十三日以前
- 敵艦隊航跡
- 我艦隊航跡



成歡陸軍經過概要圖

(日八十二月七至日五十二月六)



平壤附近作戰地圖

附圖第三



黃

海

朝鮮


鮮

平壤

平壤戰經過要圖

(日六十月八)

附圖第四




說明


- 戰鬥前夜敵軍位置
- 我軍堡壘
- 敵軍進攻方向
- 我軍浮橋

1
50000

黃海戰事敵我艦隊航路圖




中國第二線軍位之概置圖



中國軍隊鴨綠江右岸防禦配備要圖




圖置位之隊團諸軍一第本日




旅順半島作戰地圖

附圖第十五




中國軍克復寬甸長甸甸戰門經要圖




圖要過經門戰汜綠甲烏

附圖第九




岫巖附近戰要圖

附圖第十





賽馬集附近戰局要圖



圖要過經關戰近附河草臺家樊


附圖第十二



附記

十一月十三日之位置	十一月十六日之位置	十一月十七日之位置	十一月十九日之位置
-----------	-----------	-----------	-----------


圖要過經關戰嶺門土子嶺陝



附記
 十一月二十九日
 二十九年元旦

金州城附近戰鬥經過要圖


附圖第十六




大連灣中軍國之撤退及守備要圖

(十月十日)

附圖第十七





旅順附近戰事經過要圖



附記
 ———— 十月二十五日
 - - - - - 十月二十二日

海城附近戰鬥要圖

(十一月十四日至十六日)




附 記

十一月十四日	十一月十五日	十一月十六日

圖要過經門戰寨瓦缸

(日三十二月一十)




圖門戰寨瓦缸
十一月十三日午後

尺例比
1:20000

— 午後五時頃
- - - 午後二時前

蓋平附近戰經要圖

(二十月三十日)



遼

東


溝

附 記
 □ 十二月十三日
 — 十三日夜

中國軍反攻海城經過要圖

(日二十二月一十二月二十)

附圖第二十二




附記

- 一 〇 十二月二十日
- 二 〇 十二月二十一日
- 三 本圖係第一次反攻海城戰鬥經過至
- 四 二次反攻地點均可參照本圖


大平山附近戰鬥經過要圖

(一月二十九日)

附圖第二十三




海城日本軍出擊戰鬥要圖
(二月四日)



牛莊城戰鬥經過要圖

(二月九日)




N
1
20000

附記
九日上午十二時前
九日下午二時以後

中國軍營守備要圖


(前日二十月二)



田庄臺戰鬥經過要圖

(二月十五日)

附圖第二十七




山東省作戰地形勢圖



威海衛軍港兵備要圖

(光緒二十二年十二月)



威海衛軍港直接防禦之兵力		陸軍		水師	
北岸	南岸	砲台	砲台	砲台	砲台
綏軍前營	綏軍前營	北洋水師	北洋水師	北洋水師	北洋水師
綏軍副營	綏軍副營	北洋水師	北洋水師	北洋水師	北洋水師
綏軍左營	綏軍左營	北洋水師	北洋水師	北洋水師	北洋水師
綏軍右營	綏軍右營	北洋水師	北洋水師	北洋水師	北洋水師
綏軍新營	綏軍新營	北洋水師	北洋水師	北洋水師	北洋水師
綏軍老營	綏軍老營	北洋水師	北洋水師	北洋水師	北洋水師

北岸				南岸				合計	
砲台	砲台	砲台	砲台	砲台	砲台	砲台	砲台	砲台	砲台
七生的野砲	十二生的加農	十五生的加農	十七生的加農	七生的野砲	十二生的加農	十五生的加農	十七生的加農	砲台	砲台
二	二	二	二	二	二	二	二	二	二


東口		西口		合計	
砲台	砲台	砲台	砲台	砲台	砲台
七生的野砲	十二生的加農	七生的野砲	十二生的加農	砲台	砲台
二	二	二	二	二	二

1
100000

☆ 電氣燈
 防材
 永久砲台 (臨時砲台)
 堡壘線
 胸壁
 水雷有設置
 水雷甲衛所
 水雷乙衛所

山東省中國陸軍之配置要圖

(光緒二十二年十二月)




駐軍		駐屯		駐防		駐紮		駐守		駐防		駐守		駐防		駐守		駐防		駐守	
駐軍	駐屯	駐防	駐紮	駐守	駐防	駐守	駐防	駐守	駐防	駐守	駐防	駐守	駐防	駐守	駐防	駐守	駐防	駐守	駐防	駐守	駐防
駐軍	駐屯	駐防	駐紮	駐守	駐防	駐守	駐防	駐守	駐防	駐守	駐防	駐守	駐防	駐守	駐防	駐守	駐防	駐守	駐防	駐守	駐防

山東省駐屯軍隊之名稱及區分

一、本表之外受駐屯軍隊
二、本表之內受駐屯軍隊


圖要過經堵防軍國中及陸登灣城榮在軍本日

日二月一年翌迄日五十月二十年十二緒光




威海衛南岸戰鬥經過要圖

(光緒二十一年一月五日)



附記
 一 上午八時以前
 二 上午八時以後

中國艦艇沉沒位置圖



G	F'	F	E	D	C	B	A'	A
二輪帆船	靖遠受損地點	靖遠	鎮遠	鎮遠	鎮遠	威遠	來遠	定遠
								符號



